

**GONGSINS. MARAK**  
**(M.B.E.)-NI**  
**JANGGI TANGANI**

**SURENDRA S. MARAK**

**TURA**

**1986**



**Gongsin S. Marak (M.B.E.) ni**

**Janggi Tangani**

**SURENDRA S. MARAK**

**TURA**

**1986**

## GNIGIPA EDITION-O AGANCHENGANI

Ia ki'tapko skanggipa chapa ka'anio adita katta mellgijarang aro spelling (Banan) gualanirang dongaha. Ia chango anga ua gualanirangko am-a dipet namatna juton ka'aha.

Ia chango ia ki'tapko chapa ka atna didigipa Pa. K. M. Momin, Joint Director of Public Instruction, Arts and Culture, Meghalaya-ko anga Mitelchengna ska. Bini ia ki'tapko 'Award Winning Library Book' dake brekujaode halda anga ia ki'tapko chapa ka'taikujawachim.

Ia ki'tapo, ia changoba, banoba gualanirang ba katta sronggijanirang dongode ka'sapae kema ka'pachina aro namdapatna cholrangko mesoke on'pachina iaehl pilak poraigiparangko mol'mola.

*S. S. Marak,*  
**SURENDRA S. MARAK**

*Ettya*  
*Bonepa-A tila Tura.*  
*18-8.1986.*



## AGANDAPANI

Dingtang dingtang chasongrango rokom rokom janggi tangani bewalrango janggi tange chasongtangni kri mingsing-minggama man'gipa A'chik ma'gitcham pagitchamrang bang'en gnang. chim indiba uamangko 'nikrikgiparang ba uamangni gimin aganna man'giparang dongang jajok. Jemangko nikrik uirikachim uamangni giminba sandirikkite see rakkirikna gisik nang-giparangba dongja. Shri Surendra S. Marak. adita bilsirangonin lani bidingo gisik nangbeen'achim aro uandaken ua Bong Laskerni gimin seani ja'mano Bongni su'gipa Gongsin S. Marakni giminba ua seaha. Una agreba ua Jaran Peel aro Jobang D. Marakni giminba seaha indiba uarangko chapa ka'atna chol ong'kujaenga.

Gongsin S. Marak A'chikni itihaso biapko man'ua kragipa A'chikni depante saksa ong'a. Janggin Sangma, Laskerni ja'mano Gongsin Marak, M. B. E. (Member of the British Empire) upadhiko 1920 bilsio man'naha. Uandake A'chikrangni gisepo uamang sakgnisaan ua upadhiko man'giparang ong'achim. A'gilsak gimiko bilakbatsranggipa British sorkarini nikanio ua upadhiko man'ua kragipa mande ong'aniara dalbegipa katta ong'achim. Indakgipa A'chik depanterang jatko de'doa aro mingsing-minggamata. lan au'chingna namgipa skiani ong'a.

Gongsin Marakni janggi tangani minggipin skianirang gnangpiti. A'chikrang a'bako o'e game

sue, mangimin bosturangko Zamindarrangni anti kulie ong'ipa antirango pale nanga bosturangko breskae janggi tanggiparang ong'achim. Indiba Gongsia dingtange janggi tange nokrik nokdikachim. Uri A'chik rangoni skanggipa bading chiwale nokcha nokdangko rikgipa ong'achim. Lekka pora dongjaoba ua Sylhet aro Calcuttani dal'dalgipa bading chiwalgiparang baksa meligrike bading chiwalnachanggipa mande ong'skaachim. Uri Indake dal'dalgipa bading chiwalanrangko dake choligipa ong'ani gimin A'chikrangna agreba Susung-Durgapur aro Sherpurni Zamindarrangba uko mande ra'achim. Uandake ua antangni bading chiwalani bidinge changa sapanichi antangna, ma'drang bakskarangua aro a'songna rasongkoba ra'baachim. Iaba an'chingna mangipa skie ra'ani ong'a.

Iana agreba, Gongsia Marak mandesan ong'e bilmiting aro cha'miting sairango skatang janggi tangaha aro Mondolini niam aro getanirangna nachil songjaha, Indiba uni janggi tangani bon'kamgipa sairango ua nipilate uarangna duk ong'aha aro glsik pil'e Isolini aro mandeni mikkango parake kema bi'aha. Iana mandeni dakna neng'begipa indiba nambegipa kam ong'a. Ianoba skie rarikani gnanng.

Is kitap Gongsia Marakni janggi tangani gimin ong'goachimoba, ua chasongrango A'chik a'songni obostarangni gimin Calcutta songjin-mani obostani gimin aro ce'a doanirangni bewal-rangni gimin aro A'chikrangni dakbewal dong-

Bewalrangni giminba adita tatatani gnang. Ia-  
rangba an'chingna gamcungipa ule rarikani  
ong'a.

Shri Surendra S. Maiti as'tangan Gongsinni  
gritang sokchi on'ge A'chik ni bewal gita mama-  
tangni dakchakaniko man'e Calcuttao paragipa  
ong'a. Poraimanoba ua mamatang Gongsinni  
noko donge uni janggi tangani'ko mikrontangchi  
aririk mikrike ia seani'ko seahani giminam kakket-  
gipa seani'ong'a in' aganna man'gen.

Ia seani'ong'ong gitan'ang donggenchim-  
oba ian A'chik skia man'giputangkho d'atani  
ong'gen in' aoga ka'donga.

Shillong,  
17 August, 1982.

Dr. Milton S. Sangma

## *AGANCHENGANI*

Ia ki'tap A'chik pagitchamrangni saksani janggi tangani kattarangko segimin ong'a, jeni ma'gitcam pagitchamrang Englishrangni sason ka'na skangan, A'kning goreko songdong a'chae donggiparang ong'achim. Ua biapara A'chik songni gisepo dal'batgipa Simsang chibimani rikamo Silkam a'brini kurio, A'chik songni Salgipeng Salamramchibarao donga. Ukon Siju Songmong minga.

Ua chibimani rikam jolgimikan A'chik jat ong'oba, A'chik ku'sikko aganna man'jachim-Uamang'kon ATTONG KITCHU ine minga. Uamang A'chikrangni gisepo ka'grak, jetojabat, gipa ong'a ine agana. Mandeni bimangrangba-me'asaba ba me'chikrangba ong'chong, dal'-dala aro changrobatgiparang ong'a.

Englishrangni sason ka'na a'bachengaoni skanglpao, Lasker slani bak tapan, je'mandeni janggi tangani kattako ia ki'tapo seahachim, ua mandeni atchutang nanga, Bong Am'pang Sangma Lasker minga. Ia Lasker Englishrangni songchenggipa bimung Binu Lasker minga. uni ja'chong man'rikgipa ong'a ua Bong Laskerni su'gipakon Gongsin S. Marak, minga.

Atchutang Bongni nokdango bi'sa angde dongja, Gongsin S. Marakni ma'a paako nok-

tangni chawari demechik dake jakkalachim,  
aro uamangni depante demechikrangkosa nokni  
depante demechik gita jakkalkamaiachim.

Uni atchutang Bongni janggi tangani kattako  
dingtang kitapo seaha. Aro da'o la kitapo  
Gongsin Marakni kattako seaha. Uan British  
Sorkarini somoio, *Member of British Empire*  
titleko (M.B.E.) man'achim. Uni gimin ma'sina  
sikgiparang uamangni gimin segimin kattako  
poraiode rongtale ma'sina mangen ine janapat-  
eaga. Iamang atchusaon A'chikrangni gisepe  
SALARAMNI MATGRIKRANG ine mingna  
kragenkon.

Gongsin S. Marak skia porala bang'e dong-  
paja, Indiba chengo Bengali oikorchil segipa  
"Sisusika" ingipa baksa ba bakgniko poraiakon.  
Una agre mamung Lower Primary ba  
Skulrangan dongkujachim.

Uni janggi tangani kattarangko see rakio  
donaba dongja. Ma'drangni darangba chukale  
skulo poraiaba skia ba dongpajachim. Uamangni  
janggi tangani kattarangko da'ororoni chasongni  
skia man giparang, indake A'ehik pagitcham-  
rangni kattako amrikitgiparang angkoba uamang-  
ni gimio sechina didiachim. Uni gimio anga  
chanchie nion adita neng'nikachim, maina sal  
ba somoirang, tarik aro bilstrang tik ong'jaode,  
gamchatani pal andas tol'mikgipa ong'genkon  
ine chanchiachim. A'selde see raklaniba anga  
dongja. Je ong'a obostaranko sing'griko tik  
ka'na gitaba haida bilsi sotehet ba sotsnina agre  
komijawahakon.

Anga ia ki'tapko segipa Pa. Gongsin S. Marakni gritang ong'a. Angni mamatang angni bilsni sni ba chet eng'antalan an'tangni nokona rimange, uni depante Rameswar Sangma baksarochina apsan tuate, poraiata aro cha'aba-unon cha'atachim.

Songni Lower aro Upper Primary Skulrangko matchotman'oba Turaona rimange Pa Jobang D. Marak aro Jaran M. Marak, Ponepamangni neko chinga sakgniko tik ka'e donange, chongmotan angko aro depante Rameswarkode cha'e poraiatachim. Indake bilsni 1913 aro 1941 bilsniba Tura Mission M.E. Schoolko matchote poraiataha.

Tura M.E. Schoolko matchotman'ani jamanoba angko apsan depante baksan Calcuttachi rimange, 224, Lower Circular Road-o donggipa Bishops' Collegiate Schoolo poraiataha. Indake uni siani bilsni 1920 bilsiona kingking anga uni dakchakaniko man'e poraiachim. Uni gimin anga Pa Gongsin Marakni janggi tangani bilsirangkode an'tangan re'chape nirikgipa gita-ong'pile uie anga aganna man'gen.

Ia ki'tapo uni janggi tangani kattako seon, je obosta a'sel aro kamrang kakket aro bebe-ong'a ine anga raken aganna man'gen. Indiba tarikrangna anga, angni segiminrangan gualani dongja ine ka'dongchakna aro kange ra'na man'jawa, Indiba sal aro somoirangkode anga.

tantangan re'chapani gimin tikan ong'na kraa  
ine anga gisik ra'e seaha.

Garo Graduates' Union-ni meetingo anga  
uamangni mande ra'e okamako man'e dong-  
paaha. Ua meetingoba, uamang angko Bong  
aro Gongsin ma'ang atchusani gimin sechina  
didiataha. Una agre gipin Garo Literature  
Societyba anga member ong'pae ua Societyba  
angko didiataha.

Indake bang'a skia man'gipa aro gisik-  
nanggipa ripengrangni ska gita, ua gitcam  
pugitchamrangni janggi tangani kattarang dong-  
gijasrangna bate, adita kattarangko aro obos-  
tarangko janape bimungko tange rakkiani ong'-  
naba dongakon ine chanchie anga ia kitapko  
seaha.

Angni seanio bang'a kattarang aro somoi  
tarikrangko saoba gualako nike nambatatna  
donggenode anga mitelanbaksa kusi ong'begen-  
chim.

Ia townni ning'o angna bate bribatgipa  
ripengrangoniko ba sorkarini recordrangoniko,  
ong'jaoba songadamni me'aparangoniko sing'-  
roke sena anga chol ong'chongmotjatelaha.  
Ong'jaode, kakket aro gualgija rongtalbate  
mesokna man'genchim ine da'oba mol'mole  
anapatpaenga.

*SURENDRA S. MARAK*

Ettya.

Bonepa Atilla, Tura.

14. 4. 1986.





# JA'PANG KATTARANG

			Page
		Agandapani	i — iii
		Aganchengani	i — iv
Bak	I	— Gongsinni Ma'gitcham Pagitchamrang.	1
Bak	II	— Gongsinni atchia.	11
Bak	III	— Atchutang aro Ma'a Paarang Sijuoni Baghma- raona Sengko Jitanga.	13
Bak	IV	— Gongsin Marak atchutang aro aro mamatangrang baksa nogipa Ringsaina segipa sandina re'anga.	20
Bak	V	— Singdon Jikgipako rime ma'drangchi re'anga.	26
Bak	VI	— Masingpani noko Mon- dolini Kamna tom'a.	34
Bak	VII	— Bilsa 1897 June Jao Gong- sinni Atchutangni Noko dal'a a'sel ong'a.	38
Bak	VIII	— Gongsin atchutangni nekona Kangjim S. Marakko deragata.	45
Bak	IX	— Agor aro uui toko bikote badingna a'bachenga.	50
Bak	X	— Gongsin Agorko apale badinga.	55
Bak	XI	— Gongsin Mahajon Agor aro attar Toko Calcut- tachi ra'ange palea.	60

Bak XII	—	Calcuttao dongsogipa Peal aro Aaron Sangmako gronga.	63
Bak XIII	—	Sylhetni Mahajon baksa Calcutta Kachario Mok- ordoma Ka'a.	65
Bak XIV	—	Recruit Rim'anl Bilsl	71
Bak XV	—	Emangirl Reserveko Deforest Ka'a.	78
Bak XVI	—	M.B.E. Upadhiko Ra'na Turachi Re'anga.	81
Bak XVII	—	M.B.E.ni Medalko Patna Meeting Ka'e Matcho- tata.	98
Bak XVIII	—	Turaoni Baghmara Songona re'angpila.	109
Bak XIX	—	Grorangko Chotpilna Joton Ka'a. ... ..	120
Bak XX	—	Gongsln Marakni Noko Mondolini Bi'ani Gil- jako Ka'a. ... ..	128
Bak XXI	—	Siju Songmongko aro Ma'drangko Grongna reanga	131
Bak XXII	—	Mitelpilani Bi'aniko dak- na Mondolini Mande- rangko okama. ...	142
Bak XXIII	—	Uni Janggl Tangani Sal- rangko nipiltale Silmsake Jakkalaha ine Mesokani.	150

## BAK I

### GONGSINNI MA'GITCHAM PAGITCHAM RANG.

*Skanggipa chasong:*

Nokgachi, segipako Januka Sangma minga. Ua Gineng Dawa maharini ong'a. Nokmechik, uni jikgiparang sakgni gnangchim. A'chikni bewalo chrarang jikmongma, jikgitedake abisako do'sie on'aha. Uamang abisaan Sin'tang Gambari Mahari ong'a.

1. Jikmamongko Rikmal Sin'tang Marak, jikgiteko Tere Sin'tang Marak ine uamangko mingachim. Uamangni dedrang:—

Jikmongmaoni: (1) Jaopai Marak (2) Geni Marak, sakgnian demechikrara. Depanterang, (1) Tokang Marak (2) Nisa Marak (3) Tojo Marak. Jikgiteni dedrang dongja.

Januka Sangma an'tangni demechikrang sakgnian an'tangni jonga gri kam'dakkon, Rangam Dawa Sangmako ra'e cha'e, abisakon jikmongma jikgite dake do'sie on'enba, chrarang nokkromna minge nokna salgutaha.

Rangam Sangmani o'bite Januka Sangma, Akhingniba Nokma, aro man'e dange cha'anigimin uko chrarang A'chikni bewalo Ganna Pe'e nokma songe uko Kamalchi kotip gitchak, jaksil pate on'achim. Uandaken Rangam Sangmakoba Akhingniba nokma aro man'e dange cha'anigimin Ganna Pe'e Nokma songachim.

Rangam Sangma an'tangni bilmitingo Am, pang Mahariko ma'nok chanachim. Indake wak matchu doke songna nokna song'e chane on'e, chu, mi ale an'tangko Ampang Maharini depante ine parakatachim.

Uni ma'nok cha'gipa gachitanga, Chambugong Wa'ge Mahari ong'achim. Nokmechikara Am'pang Mangsang Mahari ong'achim. Indake segipako Changding Wa'ge Marak minga. Jikgipako Dangai Ampang Sangma ine mingachim.

A'jikse :- Changding Marak aro Dangai Saagma tamang jikseni nokdangan, Januka Sangma aro Rikmai Marak jikseni a'kHINGO apsan nokkap nichenge, jamdap rikchenge, a.kHINGO sima ari kangchenggipa ong'achim ine agana. Indakesa ja'mano nokchame kae angsari nange paping deping ong'aha' Indake ekna galna ma'grikjae, a'kHINGKoba a'jikse kangdimna ga'akaha ine aganachim.

Changding Marak, Dangai Sangmani jikse ni nokdangba ba ja jeja; apsan man'e dange cha'a, uamangkoba A'chikni bewal glta Ganna pe'e, Nokma songe mingsinga minggamachim. Songsul noksulrangba pangchake dan'dane dongachim.

### GNIGIPA CHASONG

Rangam Dawa Sangmani jikmongma Jaopai Marakni demechikrang sakgoi gnangch'm

(1) Ramjini Marak, (2) Jingral Marak Ine uamangko mingachim. Jikgiteni Geni Marakni demechikde ba'rongdokachim, ukon Pansai Marak minga.

Chengoni A'chikni ma'a paarangde demechikrang dongode, mikka wajaode wachi ong'ahaode, chame ani mikcha ka'dang-mitingon, chawari nokkrom sandie on'rongachim. Indake Rangam Sangma an'tangni demechik skanggipa, Ramjini S. Marakna an'tangni ma'noktangni depante, jong gri kam'dak nangakon Sadai Dawa Sangmako ra'e cha'aha. Uni nogipa Jingal S. Marakna apsan chatchionikon Jose Dawa Sangmako ra'e cha'aha. Iemang chawari sakgnian a'gate cha'dilaha.

Rangam Sangma an'tang chrarangko okame salsao aganaha, "Na'simang angni ohra angde, angni namnika gita na'simangni namchiktang sakgnian "Da'oba na'simang ba'chotkujagipa ko dangchote galchina mol'molengachim apadrang" Ine aganaha.

Unon chratang dal'batgipa, "Nang'ni ma'nok gachiranga bang'a na'a jaksi ote, bimung minge on'jaode, darangan bipang bibal dongpaa uadee; ong'ama ong'ja apa?" Ine aganchengjok, Unon jong gri nanggiparaagba, "Chong'mot. na asa nang'ni miksongako bimung minge, jaksi ote mesokchenggensai," Ine aganaha. Unon chratangrangni saksa, "Gitonan ma'sikuja, ka-bakan sosikuja; indake agunoba, an'tangtanga

haltia gita, ma'ko nokoba." Indake ma'drangko boke ringana, gae cha'ana gachitang man e cha'giparangkode.

Unon Rangam jikgipako, derabite, "Ram-jini ma gipa" "wai," debimungchi derahite j'kgipako song'ramoniko okamataha. Uaon jikgipa re'bae segipao, "ma'na okama" ine sing-aha. Rangam Sangma aganaha, "Na'a knapajamade, maiko nang'ni chratangrang jachaenga, gitokan ma'sikujana, ka bakan sosikujanade". Jikgipa Jaopai Marak, 'Esal silkalako nienba dee on'nara, na'ara jak dongjamade," ine Attong ku'sikchi. (Raichak tiekalkabao chaitemu, paie hunal na'a chuk niwama?) ine agane, jikgipa antangan nokdringchi napange, gura dal'batako de'ongkatbae ou'renba, chikoba basingoniko gapako nie de'e on'ba'aha.

Uni ja'mano Rangam Sangma kattako a'bachengtaina am'on chratangrang gisik nange knatimaha.

Rangam Sangma indine a'bachengaha. "Etalaba bebeba angade, nokoba bi'saba nogipani bi'saba Pansai Marak-sanjok, na'simangba nikaenga. Uni gimin angade indake agangenchim, Gineng Dawaba angni ma'a noan, sako galna sako jena. Indaken ang jong anggri Gineng Dawaonikon ra'e chajok, ma'ko nokoba sandijok Ma'noktangni depanteba. angnde jong-grian ga'aka, ong'ama ong'ja? "Unon chratangrang" ong'a" ine aganchakaha. Rangam Sangma da'e

parake indine aganaba, "Da'o angni ma'nob cha'gipa, Dangaini, Changdingni depanterangoni Balman Am'pang Sangmako singe nina, na'simangni Namchiktang Pansai Marakko dile done nibana Inesa, na'simangko re dilchina aganengas chim' na'simang jetooode."

Chratangrangoni dal·batgipa Tokang Marak, — "Mainasa jetojawa da'ora. Unon jongdrangba darangan, "Namdugapilgen, uade, gongja, re' pajawakon inesa".

Chratangrangoni saksa nokgilchi su'buna re'ange 'Nagrako dokatsrangaha. Rangam Sangma, "Ha da'ode a'bote ra'srangjok" Jikgipako okame, "Oh ma'gipa bi'sarangko chi kochina, watate, haowa noksamo rogi-parangkoba okamat".

## RANGAM SANGMA MA·NOKTANGCHI NOKKROMNA RE·ANGDILA:

Songgimikni manderang re'bae ringmil cha·milani ja'mano saksa me'apa — Changdingni Dangaini dedranga basik sak donga, aro badia depantena da'o dilangna mangsonggipara?" Rangam Sangma aganaha. "Reoba re'jaoba ma'a paa watode" Balman Sangma Am'pangko miksongachim." Unon Am'pang gachirangoni saksa, "Sawa gipln Inesa watjagen ukoara; an'tang depante ba'an, an'tang chratang nikanba uara."

Uni ja'mano chratangrang salko jako tih

dake donmano chu song'china, merong mechiu  
tari sachichina ma'drangko agane, ringe cha'e  
noktangchi re'angtokaha.

Sal somol tik'ka'ani gita, antigni mangni  
ja'mano chrarang re'batoke singrokeaha. Unon  
Rangam Sangma-maangjikse salsagipao pringni  
re'bachina aganataha, aro mi-pringkode song-  
sogen ine aganataha. Rangam Sangmani nok-  
chametang Changding Marak, Dangai Sangma  
jiksensi dedrang:—

1. Sinchai Am'pang Sangma—Me'chik dejakra
2. Sangman „ „ —Me'asa jonggipa
3. Balman „ „ — „ „
4. Rikran „ „ — „ „
5. Remik „ „ —Me'chik sa'chon

Sakbonga ba'rimarangni gisepo Balman Am-  
pangma, Sangma, jekon ja'mano Bong Sangma-  
Lasker ine mingkamaha, uan gitangipa depante  
ong'achim.

Salgipin pringo re'bae, wak, do'o midap  
samdape, chu aro merong do'o, gipin glpin  
nangarangko ole, dee, ma'noktangchi nokkromna  
Rangamni demechik Pansai Sin'tang Marakko  
chratangrang baksa dilangaha. Rangam Sangma  
demechiktang Pansaina ma'noktang aro nok-  
chametango, uni depanteko singmanon, ku-  
watako man'on, chratangrang Balman Sangmako  
singjike niaha. Ja'mano A'chikni bewalo Pan-  
sai Marak chametang Balman Sangmana bilsigni  
cha'sengaha.



Pansai Marakni noska abitangrang kubaltie jachok re'e. Balman Sangmako man'aha. Balmanba an'tangni bading chiwala. man'achi ba'ra, kancha ripokrangko, chametang Pansai Marakna on'e *Sinnako* mesokaha; aro chametangni mi, chi tinarangkoba kusi ong'en cha'ahana. Noko chu cheke ringarangoba chametangni gome botolo brae donako on'sooba kangriken ringahana.

Bilsini mipang jokmanoa wanna rongchu galmano. mamatangrang aro ma'a paarangba re'bae Balmanko : o'bite niotangni nokona rimange do'si do'doke, kamalni jakchi matchotat-aha. Aro chrarang chawari ramram ong'ja ine, Nokromna biambongna rimasa ine parake nokna salgataha.

Balman Sangmani ma'gipa ba'rima Rasin Am'pang Sangmako Balmanni ma'sibrekujamit-ingo, Dambo Rongjeng jolchi badingangako Me'gamrangni den'e statgipa dongachim. Uko mangone : greng' dapchote watatna chuwak sue, merong sue kam ka'ani somoi Bongmaang aro Pansai jiksekoba okametani gimio ambitang watatningjachim. Ja'mano mangona matchotesa, Balman o'bite niotangni nokchi re'anggan'ang-aha.

### GITAMGIPA CHASONG

Rangam Sangmani skanggipa chawariko Sadai Sangma aro uni jikgipako Ramjini Sintang Marak minga. Uamangni dedrang :- 1. Motda

**Sin'tang Marak**, me'asa dejakra. 2 **Gairai**  
**Sin'tang Marak**, uni nogipa saksasaan. lamangni  
 dedrangba man'e dange cha'achim. Uni gimin  
 uamangni nokdangba gangipa, tekgipa nokdang  
 ong'achim.

**Sadai Sangma**, an'tangni demechik **Garai**  
**Sin'tang Marakni** ja'del bilsokahaa, ua an'tangni  
 gritang, abitangni depante, gritang. **Saleng**  
**Dawa Sangmako** nokkromna minge chrarangko  
 rime dilangaha. A'chikni bewal gita bilsisa ch'  
 sengman'o, **Saleng Sangma** A'chikrangni bewal  
 gita mamatangni nokna nokkromna minge ku'  
 rachakani gimin do'sie on'e nokna salgat:ha.

**Saleng Sangma Bong-ni** sadutang dal'bat-  
 gipa chawari chong'mot ong'a. **Bong aro Pansai**  
 seni nokdango A'chikni agaubewal, "Ritima  
 soksola dongjachim". Uni gimin noko chawari  
 dongjachim. Uni gimin **Bong aro Pansai** mang  
 jiksesa. **Saleng Sangma aro Garai Marak** kosa  
 noktangni chawari dake jakkalachim.

**Saleng Sangma aro Garai Marak** jiksesani  
 dedrangko sul-sul dake mesokenga:—

1. **Masing Sin'tang Marak**—Uan dejakra  
 depante]
2. **Diggran** „ „ jonggipa
3. **Singin** „ „ - „ skanggipa  
 demechik.

4. Gongsin Sin'tang Marak - „ gltamgipa depante.
5. Ringsai Sin'tang Marak - „ gnlgipa demechik.
6. Kilman Sin tang Marak - „ bon'kam-gipa depante.

Saleng aro Gairai-ni dedrangni glseponi, Singin Marak demechik-ko noko nokolrangko su'dil songdilchina jakkalachim. Unl nogipa un Gongsinni kurloni ong'a; ukode ambitang Pansalan Ringsaikode ba'e, rime auat miksuatgen. Bl'sani cha'ani jekairongchu, te'rik, grit aro rokomari minilrangko brengse on'ronge, namen ador ka'e jakkalachim.

Una agre depanterangni giseponlko Gongsin S. Marak aro Kilman S. Marak famang sakgnikode nokoni su'drang gitan namen sime saksake sandiachim. Mipring, mesal ba, meattam chu'arangoba uamangkode mikkango an'tangtangni palko e salo perarone on'chengesa on'achim. Chi ringani chonchongipa laurango chiko brae on'e kusi ong'atesa cha'at ringatachim ine agana.

Janapbagimin Gongsinni kurioni jekon ambtang Pansai Marak ba'e rime jakkairongachim. ukode uamangni miksonga gita uko deragatna mangsonga ine Siju songonltalan aganrongana. Mamatang adatangrangba uamangajasia gitan

ukode atchutang ambitangni nokko dera'gatna  
Ringsai Marakkode ku'pake donachim ine agana-  
chim.

Siju songmongo dongengpitlonitalan Gong-  
slo Marakni bilsokbaroroahaon Bong Lasker  
ring aro bolrangko bree palani badingani kam-  
rangko skiachim ine agana. Jonggipa Kilman  
Marakkoba raka kamkoba ba nokni kamrang-  
koba kamkode ka'atjachim. Atchutang noko  
dongode, atchutang baksaorongachim: ine  
agana.

*Skia poraiani:* Malasing Pandit minggipa  
Beagali olkorchi segipa baksako skidila ine  
aganako knaachim. Angni ma'gipa sastro aro  
gitrangkode ringna jakkalako nikkuna man'a  
lan Sijuoni Baghmaraona ong'onbaosa poraiakon  
ine ma'sina man'a.

## BAK II

### GONGSIN NI ATCHIA

*Atchiram:* Songkosakchi Darení chî gam'a, mikka klma gita songkamachi warini tu'a simdik-dik aram síma gita, Siju Songmong atchutang ambitangni a'khing Goreo, Attong Kitchu-ni a dok, songadaní nok-a'chik noko, bilsí 1858 mango Gongsin Sin'tang Marak atchiaha. Uni pagipa Gineng Dawa maharioni Saleng Sangma minga; uní ma'gipa Sin'tang Gambari maharioni, Ga're Rekwari Gairai Marak minga.

Gongsin S. Marakai ha'rimarang gimik s'kdok dong. Ka'mao sulsul see mesokenga:-

1. Masin Sin'tang Marak, Depante jakra.
2. Dingran Sin tang Marak, Jonggipa ja'sin
3. Singin Sin'tang Marak, Nogipa skang-gipa demechik.
4. GONGSIN SIN-TANG MARAK, Depante kurloni.
5. Ringsai Sin tang Marak. Gongsiani kurioni, me'chik.
6. Kilman Sin'tang Marak, Depante sokpak.

*Ma'a paani janggi tangani cholrang,*

Uni ma'a paa a'ronggani burungko o'e, so'e game cha'gipa ong'achim. A'chik game sue cha'ani gisepo uni atchu ambitangnitalan man'e cha'achim.

*Ma'a Paani Bebe ra'ani:* Uni atchu ambi aro ma'a paarangba miteko manie, A'song knite, wanma rongchu gale janggi tanggipa Songsarek ong'achim. Uandaken Gongsin Marakba uni bilsokaona kingkingan Songsarek bewalo janggi tangachim.

*Uni bi samitingni salrang:* Gongsin Marak chibimani sepango atchiram songni bisarang jekal chio roe, na'tok rime aro man'arangko atchutang ambitangko kusi ong'atna ra'ange on'rongachim. Atchutang Bong aro ambitang Pansal uamangna namen samsakachim Mamung raka kamrangko ka'atrongjachim.

Gongsinbilsokahaon, ring bol sol'e chlsamo kae donode, uarangko brena atchutango tangkarangko bi'e breenba, chimonge antini salode rimeg-skarang baksa choange palna re'angrongachan. A'chikni agananirang jekal, rang, ripok, m'lam, sel'u, kotip aro gipin gipinrangko chimonge ra dame, uarangko badinggiparango palatenba tangkarangko bikotachim.

### BAK III

ATCHUTANG ARO MA'A PAARANG  
SIJLONI BAGHMARAONA SONGKO  
JITANGA-:

Bilsi 1879 mango Bong Laskar aro Rangu Momin nambata janggi tangani cholko am'na me Sorkario hukumko bi'e man'manoa Baghmara Konagittim Songona jitangaha. Sakgnini nokdangan songko jitangna hukumko man'oba, Bong Lasker jitangchengaha.

A'bachengaonital Bong aro Pansai jiksasaan Gongsin Marakni ma'a paako rimchapesa songkatna tik ka'ahani gimio, uamangba apsan re'angna tik ka'aha, maina ambitang chawaritag aro demechik aro uamangni dedrangko watangna sikjachim. Indiba uamangni gisepe, dejakra Masio Marakde jikgipa ra'manahani gimio, uni jik-dedrangko madrang watatoa sikjachim. Indake uamangna agre, Gongsinni ba'rimarang ma'a paa baksa darangan re'angtokaha.

Konagittim Baghmara da'o H.E. School rikgipa Dilsa A'bri chapchaposa atchutang Bong Lasker-mande nokko rikachim indiba Gongsin Marakni ma'a paade Rangu Mominni donggipa gittim Bolsal A'dingosa biapko mikchae baseachim. Indake nok-achik dal'prete Siju songo rikanl bewalosa, Bong an'tangni chawari demechiknade rike on'achim.

Bong Lasker an'tangni me'asa su'drangnade an'tangni a'pal a'samo Nokpaote rike on'achim.

Uanon Sin'teng danterara jinma tutokachim.  
Mipring ba miattamrangkode ambitang song-  
atenba chakolrangko ra'angatrangachim aro  
Gongsinni ma'gipani nokoniba song'e ra'baronge  
on'rongachim. Basakobade an'tangtangni nokchi  
re'ange cha'erongachim.

## BONG SU'GIPA GONGSINNA BADINGA- NIRANGKO SKINA A'BACHENGA:

Bong Lasker tangka bote chimonggimin,  
antidamomirangkojam te'gitamo gapeman'achim.  
Iarangko ua su gipa Gongsin Marakko A'rong-  
gachi chodoangate bol tumrangko sol'china  
mirangko botchina watatrangachim. Maina  
a'rongganl manderang cha'na chu'onggeijan  
bang'batachim.

Uandake ua atchutangni ge'eta gita ring  
dal'gipao miko mon kolgrik ba kolatehi dake,  
chakolrangko sakdok ba saksni dake rim'ange  
re'angachim. Ua migil baksana kari, tamaku  
aro basngrango su'gipa na'kamrangkoba ra'ang-  
chapachim.

An'tangtang song'e cha'naba, merong me'su  
samjakrangko chu'onge ra'angachim. Indake  
Gongsin Marak an'tangni ma'nok bang'gipa  
Emangirichi ra'doe re'angrongachim, maina ua  
songkon A'chik A'songrangni gisepe sol'a repa  
gi'oln mingsingachim. Ua ra'anggipa megil aro  
gipin bosturangko tangkana palani pal bolsal  
kurorangko sol'ate dam dakgrike sree ra'baachim.



Ua sol'glin bolrangko an'tangtangni pal-  
tangtangko wa'arangko den'e, uarang baksa  
kachape doldol dake Baghmaraona Bongni  
antiona ohobaenba palaha.

Rokomari bolsalna agre gipln bolrangko  
ringrangko aro wa'arangko tangkachiha bredape  
anti anti re'ange game cha'giparangko didiate  
cholrangko mesoke janggi tangani cholrangko  
ku'patlachim.

Antiona an'tangtangni bolrangko choonbae  
ra'baode, uamangnaba song'echa'na aro tuchakna  
biaprangko sandie on'genchim. Ua antini salode  
basakobade gipln manderangba bang'en re'baa-  
chim. Gongsin Marak, uamangara antiona  
re'baama, ba malba miksonge uona re'baama  
uko sing'rongaha. Uamangoni mitam a'ronggani  
manderangde bol sol'na miko toe ra'chaksona  
agane bi'aha. Mitamrang chakol dongna sing-  
aha. Mitam miko toe on'na ine tangkako  
bi'sona aganaha. Unon Gongsin uamangko  
atchutangni kachari grorangko bichal ka'ram  
biapona rimangaha. Atchutang Bong Lasker,  
Gongsin Marak su'gipao, ua manderangko mai  
kamrangko on'naslenga sing'aha. Unon mande  
bang'dugajokde atchu ine aganchakaha. Atchu-  
tang Gongsina aganaha, Na'a bol sol'na tangka  
ba mirongko bisogipana sorkarna dolil sechina  
agane, seate on'subo mlkariona bi'sogipanaba  
na'a an'tangna, an'tangni tangkako dolil see  
on'sobe''

Una agre je manderang chi jrona man'a, ring chona man'a, indakgiparangko chakol rakibo; da'o wachlode an'chingni bol' tum aro krong aro wa'arangde da'o simsake tarisojaode chi dalbahaode chi baltiangtokgnok, uarangkode jao beton tik ka'e rakibo" Aro ua (Bong). su'gipako aganaha, "Wa'arangko wa'se suatbo, krong gitcamrangko nang'ni tangka mina on'sigipana jani rikatbo; maina tangka bi giparangnade, na'a dongode on'sobo aro sorkarchi see rakibo aro an'tangna a'tot dake ra'bo."

Chakol rakigimin manderangna badita uamang atchusani bol tumrang krongrang aro wa'chaprang gimikko mesoke on'e, saldoe, de doe aro chimongdamchina mesoke on'china ge'et'ha, maina antiui chisam gimikkon uamang atchusani ring bol wa'arangau bang'batachim.

An tisao Mymensinghoni saksa Behari Potchima matburunrangko badinggipa Bong Laskerni an'tiona re'baha. Ua Bong Laskerni mikkanzona re'ange sallam ka'chege aganaha.

Behari: "Na'a angna matburunrang aro do'rangko chimonge donsona man'genma?" Uarangni damko see mesoke cataloguekoba mesoke on'aha. Unon ua sugipa Gongsinko okamataha. Unon ua atchutangni nokona re'baaha.

Gongsin: Atchu, maina angko aganata?"

Atchutang Bong: "Na'a angni sordar nok-marangko antiona re'bagiparangko am'enha okame ra'atebo. Anga nang na matburungrangko chimonge ra'bachina aganatokna. Na'a ua karbarko dakbo, angade moffosul re'gipa mande, uarangko dakna man'jawa."

Gongsin Marak an'tangni jonggipa nanga Ringjan Marakko okame, antiona re'bagipa nokma sordar-rangko okame ra'e rimbachina watataha.

Aditani ja'mano Nokma sordarrang badi-taba sak re'bae Bong Lasker aro Gongsin Marakko grongeaaha. Bong Lasker ua nokma sorderrangna indine aganaaha, "Na'simang jolo je songonikoba matcha matbil, huro, makre, ranggol, aro da'orangni gisapo, Renggok do'sik, moina (do'sing'), do'pa (do'kua, aro uandake gipin matburungrang aro do'o bi'sarangkoba koksepo name chipe ra'babo" Aro ua matburungrangni damko, burungoniko rim'bagiparangoniko breani damkoba agane tik ka'e see on'aha.

"Indiba Baghmaraona ra'baade Bongona ra'bana nangja, Gongsin Maraksa bre'ogen. Uonasa ra'ange damkoba uasa one'gen ine rong tale agane watataha.

Antisa ba antignini ja'mano, bang'en matburungrang aro do'oburungrangko ra'baaha. Mong-songbate Calcuttaoni mahajonrang nam batgipa, matcha, matbil, matchok bi'sarangko, aro do'o-

orangni giseponi, renggok, moina do'sik, do-  
parangko chimongaha. Saoba kawate okgipu, aro  
chipu nokmaraagkoba ra bae donangana. Ia  
matburingrangna salsal be'en aro gipin cha'a-  
nirangko on'timgipako aro algiparangko rakia-  
chim. Una agre do'orangna bol ba prap bite-  
rangko, meraku, chatu aro mirangko salgimikan  
simsake on'china m'nderangko agane donachun.

Salsao Borg Lasker, su'gipana Gongsin Ma-  
rakni chimonggimin matburingrangko re bae  
nienba ka'dinge sing'aha, "Dato iaraangko basako  
mai daknok Gongsin?"

Gongsin—"Mikkang antimango Behari Pot-  
chima-ko rime Calcuttachi re'ange matburing-  
rangni Bepariko aro mahajonko sandiasiong "

Bong—"Tangka ma'pang baditamang nang-  
ha?"

Gong—"Hajalnimang botjok atchu."

Ua bilsirang 1904 ba 1905 mang ong'a ine  
ang a chanchiman'a. Gongsin Marak Calcuttachi  
re'angebebeaha, aro ua Beharikoba rimangaha.  
Unon ua matburunrangko badinggipako nika-  
aha. ua bispara, 12 Colutolla Street saksu  
Md. Potemamud aro saksako Chitpur Road  
man'aha.

Ua Bepariko gronge do'orangni ketalok aro  
damrangni listrangkoba man'bakamaha. Gong-

sin Marak ua Beparini nokgipa baksa agangriko Calcuttaoni re'bapitaha. Aro Pote mahamud Bepari an'tangni mandeko watchapatani gimin rimbaaha. Jensalo uamang songona sokbapilaha, Calcuttani Bepari mande matburungrangko nika aiao inmanpilaha. Maina indita kakket ine uamang matburungrangko namedake ra'angna tariaha aro ramaona cha'niko on'na coolie-rangko tik ka'e datkape tariaha.

## MATBURUNGRANGKO CALCUTTACHI RA'ANGE PALEA.

Matburungrangni listrangko ra'e name dake tarie chipe winge kam ka'mano darangkon ringo gate Netrokona ona choangaha. Unoni railo book ka'e Mymensingh gita, Siraganj Ghatona re'angaha. Unoni Ferryko chobate Santehar Station gita, Sealdah Station Calcuttaona sokeaha.

Sealdah Station-oni truck gegittammaangko ra'ange 12, Colutolla Streetona re'angaha. Baghmaraoni ra'bana skang matburungrangni listni gita chantaie nion, chonchongipa do'o-rang baditaba mangsan sie komiaha ine aganachim. Calcuttao soke matchote do'orangko list ka'e (dalalichi) damko dake nion, pilak ramani korosrangko aro ma'pango chandimman'o damko on'na nang gniko Gongsin Marakna ua dalali Potemahmud Mahajonna aganon uaba uni dor dake onakon namnikpaaha. Indiba

Gongsin Marak dalalina Rs.200.00 (Ritchagni) ko ku'chakachim ine agana. Malna Calcuttaode pilak bading chiwalanikon dalali (broker)-chi dor-ka'e pala aro breachim. Indimangba ja'mano man'aniko ru'utbea bilsirangni ja'mano gopo ka'arangko knaon, haida ua ma'panga changgni ba gittam batakan ine aganachim. Badita chongmot lap ukode agana dongja.

Calcuttaoni re'chakatbana skang, ua atchutangi nokna silni spring palang aro tosokrangko ge'dokmang aro namnamgipa chokirangko ge'chignimang ra'baaha ine agana. Ua bosturangko ambi sagini aganako knae anga uiachim. Ua somoio Gongsin an'tangba pantede ong'jaha; uni gimin an'tangnaba mitam ra'baaha ine agana. Anga ua somoio ba bilsirango bilsu bri ba bonga ong'gnok. Angni ma'gipa biscuit-rangko on'e nang'ni mama Calcuttaoniko ra'baana ine suale on'arangko gisik ra'enga.

## BAK IV

### GONGSIN MARAK ATCHUTANG ARO MAMATANGRANG BAKSA NOGIPA RING- SAINA SEGIPA SANDINA RE'ANGA.

Bilsi 1893 ni January jamango, Alok pang songo donggipa mamatangni depante nangako, chong'motan atchutangni nogipa namchiktangni nokoniko nokrom bi'na re'ango dongpae, an'tangni mikkangchi boningtang ong'gnigipako sing'e tik ka dilbaachim.

Gongsin Marakni nogipa Ringsal S. Marak atchutang aro Sin'tang chrarangni ku'patia gita, uano chametang Singdon Am'paog Sangmana bilsigni mipang joke, jamo mgatman'o ku'pak-gimin chametangni katta gita cha'senge sengaha.

Me'asaba an'tangni ku'chaka gitan, chrarangni rimangana Baghmaraona ong'onange, uano mamataagni noko cha'e lekkako poraichengaha. Uni ja'mano Baghmarani manderang aro ripengskarangni ku'patiako ra'e giljarangchiba re'rongaha.

Jensalo arak sokbaaha, skang chasongrangode Missionary Sahebrang, Mondolini Pamong aro dilgiparangna an'tangni Mondollrangko wenani programmerangko on'ate ulatrangachim. Uandaken ua ulatanirangko skulni Panditrangna uiatskaachim. Unon skulni Panditrang chairo chatrirangko Dilsa a'brichiko am'bolrangko raatachim. Aro pante dal dalkalarangko song-

rangchiko terrik biparangko am'ate gaterangko dak-sorongachim aro indake Sahebrangko mande ra-sorongachim. Mondolini bipekrangnaba uiate napolna sikkipa mea bi sa me'chik bisarangko Panditrang rimbae, ma mong Mondolio Robirbar salo napbolatrongachim.

Uandake Singdon Sangma an'tangan skulni ripengskarang napolna aganako nike napolna agansoha. Sepang jolni bipekrangoni Robirbar salo napolni bisarangko rimbajole gilja kana aro sahebrangko grongjolna, songantionin merong do'chi aro do'orangko ra'ere'badiltokachim. Ua apsan salrangon Singdon Sangmaba bilsil 1892 ni November 1 gipa tariko ra'chaksomarako man'e napolako man'aha. Uni ja'manoba na skulchi re'kuengachim. Indake bilsignimangna praikue giljarangchi re'ronge an tangtango koromna tariaha.

Bilsigni ja'mano Ringsal Marakba bilsokahaon, bilsil 1894, February jani 26 tariko. Mondolio ra'chakako man'oa ukoba napolatah.

Indake merong, mechu su'e tariman'io mandrang aro atchutangni sordar, nokmarangko aro songsulrangko okamaha. Gongsin Marak antangni bading chiwale uia ma'sia a'ronggarangoni aro a'pal jolrangonikoba dal'dala Raja Zaminder-rangkoba kobor on'toke, nogipako bia ka'atna bang'en manderangko chimongaha.



Gipin jatrangkoba okame, jeni je cha'ronga gita Brahminranko song'at chanate bang'en alaha. Aro antangba bang'en atchutangni koros ka'ana agreba jajrengman'gija ka'aha. Da'o Gongsin Marak noglpani napolani artisani ja'manon bia ka'aniko dake on'srangaha. Indake Siju songoni re'baa intal, atchutang ambitangni nokromna sinteako matchotani gimin gisiko adita kusi ong aha.

Indiba uamang adasana ambitang mi ra-rura-rangkode dontongkujachim maina uamang adasani walni somoi, o saenga ba nimenga uko salantian matchotgija kobor ra'rongachim. Una agre cha'ani bosturangko jekae terik mina' grit, rongchu aro gipin cha'anirangkoba ra'ange donoba man'e cha'rongjani gimin kenchakrongachim. Maina nokpanteo tusigipa panteranga bang'ani gimin jean skang nikchenga uamang cha'haode man necha'manja tne agana. Gisepo saoba saoba sokgiparang sokbaode ba atchutang antidamoni dobaode, noko do'o ba do'bokrangko doke cha'ode, noko miko cha'echina chakolrangko watate adasakon okamerongachim.

Jonggipa Kilman Marakde basakoba donggen basakoba dongjava. Uni jako atchutangni slai ponggnikon uan jekkala. Songi dongode uaporaie ba see rogen. Barakobara ge'a patal a'sam a'serangoni do'mesal ong'katarangko am'e go'e ra'bagen. Basakobade songrangchi re'ange, a'sim-rango time matchok, wak aro a'brenghchi re'ange balgitchakrangko goe ripeatbagen; ong'jaoba

ringo choonbaate nokona manggimikkon ra'. baronga. Uamangan Kilman Marakni kamrang ong'bata. Uni gimin atchutangko aro pagipako be'en am e on'e kusi ong'atgipasa Kilmande ine aganrongachim. Pagipa Saleng Sangmani kamara salsaba noko donggija na'tok jal'ang chake salantian o'bitetang Bongni Pansaini nokonaba ra' barongachim.

Gongsin Marakni kamde basakoba Sijuchi ong'jaoba Emangrechi ba Rewakchi ringo migil, kari, na'kam aro ta'makurangko ra'ange rokomari bolrangko sol'china ge'ete donbagen. Anti sepangbaahaode wa'chapai balchapai ba ringrangko jap jap chobae atchutangna mesokegen. Mitamkode an'tang a'tot palua atchutangna agangen.

Gisepo Gongsin Marak a'ronggachi re'anggija Mymensingh, Netrokona, Jamalpur, Sherpur aro basakobade Dacca town-ona sokanggen. Unon badiaba mahajonrang an'tangtangni nangarangko aganatako listika'e ra'bagen aro tikanakoba see nokona ra'bapilgen. Unikode uamang atchusani chimonggimino bang'jaode gipinrangoniko sandie donsogen.

An'tangtangni aro antidamni gipinrangni chu'ongjawa ine nikode an'tangni pangna jakkalronggipa chakolrangko je songo mai donga wa'a bolrangko man'rongbata uamangona watate am'echina bakan watatgenchim.

Indake Simsang, Rompa aro Rongdikohi ni  
 antini salrango sokkrimahaode Gongsin Marak  
 an'tangde miko cha'na gualpilo 'Ai' angara mi  
 cha'kujama lno sing'pilgenohim.

## BAK V

### SINGDON JIKGIPAKO RIME MA'DRANG- CHI RE ANGA

A'chikni bewalo, Singdon Sangmani pan-temitingo ma'o pao donge game sue, ba bading chiwale man'a a'tot tangka adita dongachim. Ua tangkade ma'a paani jako dongachim. Ua tangkako ma'o pao badita donga aro badita on'atua mangsonga, uko agangrikna okamatani gimin Singdon Sangma jikgipako rime, Alok pangchi ma'a paaona re'angaha.

Sokangani salsagipao mamatang song Singdon Sangmani ma'a paa sandie niaha. Tangka birongde gong ritchabonganade batjawaha, Indiba Singdonni gamachin brea, ripok dingsa aro kotip klugsa donga ine aganaha.

Uade nokgipa an'tang dabiode ma'anigro ong'a. Pilak depanterangan ma'na gamange dingtang ma'a pani a'tot ine minge, chamara dingtang. Indiba A'beng, Chisak aro Matchini agana gita "Debra su'galna-de nanggenne anggri, ine" aganaha. Saksa mamatangoni aganaha. Bisongde damra matchu silla nama milaan banga"

Unon Singdon Sangma— "Oh! Uaranga angni paakon."

Mamatang— "Ringsaiba uanke, uanba nokgipa"

Ringsal Marak— "Nangode on'ataigen na'a, atchude."

Singdon Sangmani ambitang —“Da’ode ring bol gamgiparangmuba sako watchapate ana-koba sukikoba suale ra’rone on’akoba man’pakugen atchu” ine sintie aganaha.

Aro nokko bilsokgipa gamdil sudilnaba mandenajajrenge aganaha.

Ambitang —“Nang’ni nogipana mande sandie donangbo, da’on na’a re’baaha. (Singdon Sangmako miksonge aganaha.)

Singdon Sangma aganchakaha, “Sakonmancha gitik gitak, baoniko sandie on’atenga” Mamamangko aganbode.

Ambitang —“Uamang’ba nang’mungsa sandi-gende!”

“De Nangni jikgipani adatangrangba donga-naba.”

*Singdon boningtang Gongsinko Jasia:—*

Ma’gipani noko, ma’a paa, atchu ambi, mama adarangni mikkango nogipa Nomalua jasio agane, “Ambini agana gita boning Gongsia Marakko sing’o nambebegende”. Unon ma-drangrangoni saksa, “Uamangnin chame jakpa, da’sinian uamangnin, uamangnin kimchol jikchol Singdonba ukode tik kattaken aganakjok” Unon saksa mamatangba jola jola, “Wakara dongakonba, mikkang antio NOMAL-koba salonjole

Masing pagipaai noko donbajolgnok", Singdon pagipa Majeng Marak—"la antlo ong'on-chapenba kobor on'baa gita re'ange mikkang antlsagipao ong'ontokbabo". Unon atchutang ambitangba "Namgen, indake ong'ode, re'angtok, gong'oba gong'jaoba". Unon saksa mamatang, Gongsinde atchutang ambitangmangni noko-sakonde?" Saksa aganaha, "Rikangarina man'algenba, uara jeoba dongchina." Unon darangan "Oe na'a man'jawa Ingipa gita".

#### SINGDONNI MA'A PAA GONGSINKO CHAWARI SING'NA RE'ANGA:—

Singdon Sangmade jikgipako rimango ma'gipamangchi re'angaoni anti gisepon nokchi choone re'angdilaha. Indaken Baghmarao soke saldongsopilaha. Salgitam ba salbrini ja'mano Majeng Marak aro Chrang nogipa Nomal Sangmake me'a ba me'chik adita manderang Gongsin Marakni ma'a paani nokona chawari sing'na re-batokaha.

Uamang sokani aditani ja'mano Masingpani nok Saleng Sangmani noko a'garangni mande sokgipa saksa lne atchutang Bong Lasker aro Pansai Marak ambitangna mande watate okamuteaha. Bong Laskerde antidamosachim. Gurco gakate joljol nokchi nappake jikgipao sing'pakna re'angaha aro sing'aha.

Unon Pansai—"Nang'ni su'gipa Gongsin Marakna Masingpani nokona namchik rimbae

wak dokengana, mi song'engana lnako knapa-jama? Atamchibara nokni chakol pante saksa Gongsin Marakko uni ma'gipa pagipa aro atchutang dal'gipa ba gimikan uchin reangtokaha, uni gimin ukoba re'angchina kobor on ataha.

Jinma mande pagipamangni noko-chim ongoa Singdon Sangmani pagipa Majeng Marak Bong Laskerko chadenge salam ka'echengaha. Songni me'apa chagitchamrangkoba salam ka'tokman'ahaoa, Majeng Marak re'baani mang songako indine agana a'bachengaha, "Nokon ja'dela bilsoka mandeba dongj+jok: anga uchi ja'a ma, bachi jakna inesa mamatangmanga Nomalko Gongsinna minge dilbatokenga" Indake kattako rongtale aganman'oa, atohutang Bong Lasker, "Ba'gipa chi'gipa, ma'a paa chongmotan dongpakuenga, watakoba watjakoba uamang skang aganchengchina". Unon Gongsin Marakni ma'gipa Gairai Marak— "Chingaba na'simang atchu ambi ong'ondilbaesa; a'pal a'du bangal rori a'dok chiringona sokbaaha. Da'o nang'ni sudrangko a'ronggachi watdeatpilatode chingade a'mikbrangtokaignok awang" Watade maina watjawa, aro sana ine kangna".

Gongsinni pagipa Saleng Sangma—"Atchutang Bong Laskerba gipin ong'ja ine chanchirakjaen, na'a Majengba, Rancheba, Singdon Sangmako watatjok. Indiba Singdonni Ringsaini nokdangko rikdilengipaba Gongsin Marak. Uri gimin Gongsin Nomalko alduaoba Alok pangchi re'ange alduana batede lano donge alduan ok-

akalgen. Atchutang Bong—"Da'siniba Gongsinde game cha'gipa ong'ja, Iano angni agane, mesoke on'ako dakdile cha'on janggi tangbatgen. Uni gimin angni sepango donge jakoba chol dake cha'china.

"Ringsaiko ambitangtangna dangdike on'china nokchi rimangskaaha. Da'o Nomal na'ara nang'ni manitangna su'e song'e dangdike on'skabo". Ambitang Pansaia, "Na'ade skode skul-chiba re'bo aro giljarangchi re'ronge, nang'ni saritang Johon ma'gipao napbolua agannaba skie ra'bo".

Boningtang Rangu Momin ua salo dongpae dolgnichikon agane bujae on'paaha aro cha'on Isolo bi'e cha dilaha. Gongsin Marak an'tangde bilsu 1893 March jani 5 gipa tariko Baghmarao hadiaba Missionaryni jakchi napbolatako man' : hachim. Da'o Nomalni mama ada dakgiparang, Gongsinni ma'a paa aro atchutang ambitang-mang'ni ku'watako man'on Gongsin Marakko chrarang sing'e niaha. Unon ua jechakade ong'ja, ua boningtang Singdon Sangmakosa bian budi dake nogipana sing'china songchi re'ange chalaki daka ine potaha.

Jeba ong'bo, Am'pangrangba Sin'tangrangba boningtang Singdon Sangmako rakjaha. Uni gimin ua an'tangba re'gija dakskanade namjaha ine ua aganaha. Indiba Nomalko bia ka'ehong-motna skang uni ma'a paa aro atchu ambi watoba uamang.ni namnika gita sal somoikoba ulna



nanggen. Minggipin Nomal an'tangba Christianni bewalo napola man'chengna nangchenggen ine aganaha. Uni gimin Nomal Sangmani ma'a paa. Majeng Marak aro Ranche Sangma antangtangni nokchame angsaritangmangni A'chikni uamangni bewal noko skulo skode poraichina, Christianni bewalrangko ja'rike napolna skio on'china don-angaha. Indake ma'ani paani done re'angaontal, Nomal Sangmaba kusi ong'e niotang o'biteni noko donge skulchi re'na aro giljarangchi re'na kusi ong'engachim. Gisepo saritang bochitang-mang'ni nokchiba re'ange, mirangko esalo tepe aro bijakrangko srome, chametangmangni turamchi bochitang Ringsai Marak baksa ra'angrongachim. Ua nokpanteo tugiparang adita bangachim. Mitamrang Gongsinni adatang aro mitamrangjonggipa nanga. Uni gimin mitamrang etalna jakkea mitamrang jakkejachim. Basakoba Gongsin Marak an'tangba nokpanteo dongso-rongachim. Indake ua an'tangui bararangko nogipa Ringsaio on'ate chakolrangko su'atna on'atrongachim. Ba'ra su'na on'atarangko Nomal an'tang saksanba ran'e ramenba tem'e gipin chakol me'chik bi'sarang baksa rime Gongsinni biapo donerongachim.

Basakoba Gongsin Marak an'tangan ba'ra done re'angao ba mi ra'angarango grongachim. Unon an'tangni bree dona kni chitani ki'chong aro torangko Nomalna on'atkarongachim. Unon uarangko uaba ra'ange ka'sle ka'sni mikmal man'bana a'bachennaha. Nokpanteo jonggiparangara dongsoe bochitarang Nomalko

niksoe etalna a'bote ra'rongachim. Jonggiparang.  
 "Nang'ni Alok pang songara Am'pang me'tra-  
 rang gitchara dongjajokma bochi?" Unon bochi  
 tang Nomal, Angade agrango jeng goe on'ako  
 chasoani gimin, na'simangkode Indakarang-  
 kode singsingaengen Inesa" etale aganchakaha.  
 Gongsinni ma'gipa noko do'oko doke song'odeba  
 pagipa na'tok dal'a namnamarangko man'baode  
 Nomalko watate Gongsinko rimechina aro no-  
 kona re'bae miko cha'echina aganatrongachim.

## BAK VI

### MASING PANI NOKO MONDOLINI KAMNA TOM'A

Changsao mondolinikamna me'aparang tomtokengachim. Unon Baghmara, Wa'gesik, Dabitbibra, Jongkol aro Rangdokram gittimrangoniba sokbatokaha. Atchu Salengko etalna man-gipa me'apa budeparangba dongachim. Unon saksa me'apa, Bangjan Gare Momin, "Gumenade mandeba gital sokbadapako nikrongatade." Unomiting Nomal Sangma Saritang Johon magipani ge'etana cha dakgimin baksa minil sakin gatako e'salo tepako me'aparangna sualengachim. Saksa me'apa, "Iara banoni Attong me'trasa? Me'apa saksa "De na'ara da'oba nikpakujama? Unon ba Masingpani namchik jakpaba. Sakgipin me'apa, "Badia depantena, angade ma'sikujaenga?" Unon saksa parake, "Gongsin Maraknaande." Saksa me'apa, "Iakode angade Alok pangni Singdon Sangmani nogipa Nomal Sangma gitanikade." Unon saksa, "Uade." Bangjan Gare Momin, Nambejok da'ode sako jekuna, sako gal-kuna, paping deping ine kusi ong'chake aganaha. Saksa me'apa rongtalna aro ma'sina skako dontongna man'jae, Atchu Bongni nokrom Singdon Sangmani barimarang badita sak mancha dang-achim?" Unon saksa Attong me'apa, "Alokpangonikoma?" Unon sakgipin, "Oekon, songkoba angade rongtale ma'sija."

Unon ua rongtale chane mes-ke aganaha.  
1. Singdon Sangma Dejakra.

2. Ejing Sangma Jonggipa
3. Rajoty Sangma Jonggipa
4. Tangmai Sangma Nogipa
5. Nomal Sangma Nogipa sa'chon.

Pagipa Majeng Sin'tang Marak, Ma'gipa Ranche Am'pang Sangma ine taleroke agane on'aha.

Bong Lasker an'tangni namchiktang jakpana su'gipa Gongsin Marakko sing'ani gimn gisikode kusi ong'aha. Maina Singdooni nogipara Gong, ginni jikgipa ong'ode aro iachiba Nongsinn<sup>1</sup> nogipa Ringsal Marakara an'tang Nokkrom demechik ong'skaha. Uni gimn A'chikni bewalo kakket mangrake nokchame angari kaakosa skangni ma'gitcham pagitchamrangde am'rongbatachim. Bong La ker an'tangni sugipa Gongsin Marak aro namchiktang Gomai Sangmani biako ruutgijan ong'atna sikengachim; Indiba blaka'na skang uamangni ma'drang dongchakna nokko rikchengatna sikengako mesokaha.

Indakenba Bong pringsao an'tangni kachari antidamoni nokona Gureo gakate re'baaha. Saraona sokbaon, uni gahagipa gure gipokko uni Sanga Bakman Dorjee sarao chadenge lagamo rimsoe, ong'onmano bakbakande gureni jinko engrongja. Adita lagamo jin gnang gureko saljojoani ja'manosa, ding'ol ranangahosa jinko engronga. Uni ja'mano jakko aro jaako an'tangan doktopon gure jakko aro ja'ako de'doe on'rongachim. Unon adita ja'ko jakko nol'esa nolchi ra'ange gurena dana on'achim.

Bong Lasker nokona gakatange an'tangol asonggipa arm chair asonge, uni personal boy (jakrikra nokol pante) Belu minggipa, chelim dalpretan uni ringronggipa gur gurla ongkno mosla gnanggipa molako so'e ra'angako ring-engachim.

Unon jikgipa Pansai sepangona re'bae, segipako, "Mi cha'angbo; nang chawarl na'tok chongi chaka manakon, on'atpaa. Uke song-nasienga. Unon Bong jikgipa Pansai ko okamataha. Unon jikgipa Pansai maina okama ine sing'eaha. Bong aganaha, "Gongsin noko dongama dongja? Belu re'ange rime ra'obo." Pansai "Dongnaba donga, mejalosan an'tangni su'na nanga ba'rako nogipana ra'baate, negipa Nomaliko su'ate ra'engakon."

Belu, chakol bl'sa, nokpanteoniko Gongsin Marakko okame ra'eaha. Gongsin Marakba nokpanteoni re'bae atchutangko maina okama ine sing'eaha. Atchutang Bongni sepangona su'gipa Ringsai Marak minilko pita dakako cha baksa ra'bae uamang atchusana rue on'engachim. Chako ringjoljole atchutang Bong su'gipa baksa golpo ka'joljole, Shusung Durgapurtoniko bol ratgipa korati-rangko halbrimang okame ra'obo. Antidamo au'chingni bolsal turmrang dal'dalkalako, bol gipinrangkoba nangni nokona rail, beam aro battam-rangko ratatohengbo. Bolsal krong-rangko baseenba songonade'doatbo aro ringrangogate chodoateba. Uniko da'ororoan nangni nokap kanggipa biapo nokko toe on'china

Dahramsingh mistri (Sopolsingh pagipa)—ko tik ka'e on'china agane ra'chengbo.

*1897 bilsini January jamango Bong su'gipa Gongsin Marakna bia ka'atna skang nok rikdil-chengna tik ka'a:*

Atchutang Bong Lasker indake kupatliako knatimana Gongsin Marak atchutangna agane jajreng mesokaha.

Gongsin Marak: Tangkasal atchu, angade bolo aro ringrango bang'en naptokaha."

Bong:—"Angni tohoblioni Sorkaro bi'e, see nang'ni bilmungo koroch mesok-chengbo, ja'mano ka'sine chotgrik-na man'gen. Unl gimln je gita nanga jakkalbo. Kata boklo sena gualnabe."

Dongchakani nokko kuturl bri ba bongadake a'bachengchina agane on'aha. Una agre song'-chakna, babils! te'sa, nokpante te'sa aro am'bol nok aro joljol do'cholko rikchina ku'patiaha. Atchutangunl agana gitan pilakkon aba'chengaha.

Gongsin Marak an'tangunl ma'nok cha'gipa Emangreni songohl mande watate dongkame jegita man'a, am'pangko bal hajalsa mang gita bredame, wa'ako den'atenba wa'chapo choe ra'bachina nokni chakolrangko watatataha. Una agreba wa'ding, omak, are re-rangkoba am'e on'atchina agane tik ka'e ra'basoataha.

Indake antignimangni salrangode nokni kam:  
 rang namen chu'sokatangaha. February fare  
 March jarangode, bari kadula compound gimik:  
 kon matchotaha.

## BAK VII.

BILSI 1897 JUNE JAO GONGSINNI ATCHU-  
TANGNI NOKO DAL'A A'SEL ONGA

Gongsin an'tangni dongchakani nokgipin nangchapgipa nokrangko aro Compoundrangko dim'e chu'soke matchotsrangmanoa atchutangni tangkarangan baditaba hajalrang napaha. Da'o ua grorangko chotpilna gita, mi rakario, miko toe chotna tangka ra'sogiparangko gario sale chim-onge jamo donaha. Aro salsalan bol tum aro ring-rangkoba bangal rorirangna palatenba salni gisepon ritcha gittam ba bri dake man'engachim Ua somoio darang n'anderangan song-ouchim. Adasa ma'drangan nokonchim. Unon Baghmarani mail gittamang chel'ao Simsang kosakoni song Goka minggipa songo Singdon Sangmani pajongtangsa bilongana ine rang'gitik kobar man'aha.

Ua pajongtangni saako nina Singdon Sangma jikgipa Ringsai Marakko rime re'angaha Uni jikgipaba debrao me chik bi'sa babita gnang-chim. Aro sam on'jolchina Dharamsingh Kaviraj (Sopelsinghni pagipa) ko rime ringo choe re'dilangaha. Ghatona soknaslmangmango Goka wari tu begipani dramko choangmitlogo rang'-gitik banggriaha. Unon dram be'wakdape ringko wario dubiataha. Indake Singdonni jikgipa bi'sa ha'bita baksa siaha. Singdon Sangma aro Dharamsingh Kavirajmang, me'asa sakgniba chi ka'machi baltiang chisamni kasrango rim'e jentensa tange jokaiaha. Indake Bongni noko deragatgipa Ringsai Marak debrao me'chik bi'sa



babita baksa bilsi 1897, June jani 11 gipa salo siaha.

Indake rasong gri ong'e, Gongsin Marakna aro atchu, ambl aro ma'drangna chilsokgijagipa duk rang'gitik sokuha. Gongsin an'tangan ring kansao chi napna man'gipa manderangko rimbite an'tangni ba'rima aro namchiktang debraoniko, cha'gija ringgije kalime baditaba anti sandiaha. Indake a'song chijol gimikni manderangnaba jrimgipa ong'aha.

### GONGSIN MARAK NOGIPA RINGSAINI GRENGKO MAN'BAE GOPA :

Bilsi 1898 ni January ja sin'kario Simsang ka'ma. Bangaljrorirangni a'jao, badiaba police thanani elakao, na'tok jallang chakgipa indake thanao kebor on'aha. Ua an'tangni chonggiko tarimitingo grengarrako bokdimdim dake skatako nikaha. Unl gimin thanani manderang Police darokarang re'bae ua grengko chloniko bildce ra'angenba, Baghmaraona watate kobor on'skaaha. Ua koborko man'skae Bong an'tangri manderangko Gongsin Marak aro gipiorangko watate coffinko ra'dobaha, Ingdake songona chodobae atchutangni bario Ringsaiko gopaha.

Gongsin Marak an'tangni bonlogtang Singdon Sangmanl dukko dondape da'o an'tangni bia ka'anl obostako janapnan nangnikj-ha lne Gongsin an'tangni chatangrangna agane, annangni dukko parake grapana. Atchutang ambitang

kadimeaniko aganoba nogipana kalimaha aro boningtangni duknirangko an'tango jribate"gate mesokaha.

Gongsin an'tangni ma'gipa aro pagipana aro ambitang Singin Marakona ra'ange, Da'o mai dakgnok apa,ama aro ambi ine sing'rokchaedong-ehaachim aro kalimachim. Unl gimln una aganaha, "Na'anba nikenga, angode dongjajok. Da'o anoska abi gandaoniko de ba'naba aro sro snamnaba nang'ni mama dal'gipa Motda Marak aro adatang Masing Marak mang'sa ramadil-jakkindilna nanggen". Indake mamatangona Badrlona rikangna nanggenma ine sing'aha.

Ma'gipa:—"Nangjawa, mikkang anti Sonl-bar salon anti cha'jola gita sakgnian re'bana am'engaba." Gongsin Marak, "Bachipakniko angde ba'gnok ama? Ma'gipa, "Nang'ni ma'datang Nojonni ambitangni apsan ba'ringipao nang'ni ma'jong sagini noko, Garao, Rompa-chipak, Jinnon Marakni nogipa saksa ba sakgni dongongkuana. Uchiko re'e nina mangsong-tokengana'

Unon pagipa Salong Sangma walo, jallang chake na'tok man'baako kerao krerasa'fole ra'baaha. Unoniko dal'a na'tok na'gitchak (rou)-ko me'akri baksa song'ako, mi bijak ruano de'ange cha'ramo on'eaha. Tik ua somolo adatang Dingran Marak aro jonggipa Kilman Marak sakgniba nokpanteoni re'batokaha. Indake ada-sa ma'drang ma'a pa baksa ku'si\_ong'e'j cha'aha.

Nomal Sangmara ehl kore re'bae chi donramo onengachim. Saritang Singin Marak—"O' sari" na'a lotarango olangjola?" Saritang oe uno Singin Marak—"De, indide na'a mi cha'gipa, rangna re'ange on'joleku na'a sari". Saritang Nomal Sangma unon chiko rue on'caha. Singin Marak, mi cha'na mong'e cha'ramo cha', mi song'ramchi sarisama'drang cha'skaha.

### SALENG ARO GARAI JIKSE MA'DRANG-CHI SIGIPANI PAL DE BA'NA RE'ANGA.

Sal somol tik ka'anga gita mamatang Motda S. Marak aro adatang Masing Marak, una agre Simsang, Rompa chijolni Sin'tang Ga're pante aro gachirang sigipani pal mande am'na chanchina tom'tokaha. Jinma, Masingpa, ma'ani noko tom'tokon, amb! Pilje ma'gipa, Pansai Bongni nokni chrarangna indine aganaha, "Na'simang da'oni angsu angde uijanaba donga, Chingade amb! apan Ramjini nokni dedrang su'drangoniko sandichengna Inesa aganengachim." Mamatang Motda Marak, "Ade Jinonni ma'ani nokonikoma, Garaloni nokonikoma?" Unon ambitangrang "Oe, oe" Ambitang saksu, "Basako re'tokna mangsongenga, sal somolko tik ka'bo." Adatang Masing Marak, "Re'ode ia anu gakate re'tokna." Unon darangan namaigen ine namolke tik ong'aba. Masing pa-gipa Saleng, Giplinarang jaka jokjaabu, Motda Marak, Masing, Ambitang, Pansai, Majeng aro Singinma'ang ma'ngade re'telna nanggea ine ming'e tik ka'e aganaha. Unon Masing atchu-

tangni ring ritchenggipako ra'e me'chih bi'sarang-  
 ko chodilangchina aganaha. Pagipa Salseng  
 Sangma unbaka sakgittammandeko an'tang baksa  
 saldopachina aganaha. Dingran Marak, Adok  
 Marak are Rakhal, uamang sakgittam chodopana  
 ku'rachakjek. Indiba uamang ma'gipako misal  
 song'e ra'china baltaha. Ambitang, "Okkilna  
 kenengamade, ragenba" A'chikni bewalo medap  
 samdape are wak do'o, merong mechu, cha chini-  
 rangko ringo gattokaha. Ringo gakatna arate  
 me'asarangde me'chikrangna agre ja'chi kattang-  
 tokaha are salpaksao soke mesalrangko cha'so-  
 man'plitekaha. Ringko chodogiparangde anti  
 cha'e chodogiparang baksasa sokrimpaaha indiba  
 sal bang'engkuachim. Soke ringoni bosturangko  
 de'doe, song'e chane tarle, on'aha. Ringo re'ang-  
 giparang ambitangrang aro ab'ano sokkrimoa,  
 soka chaksogiparang slanggipako gisik ra'e  
 (Ringsaiko) nokgimikan bilsade grapan mang-  
 tatan tipningjachim. Noksoksogipa ma'jong-  
 tangni mekoniko ge'etani gimn wak kasiko Kil-  
 man S. Marak, atchutangni slaike jakbitanggipa-  
 chi goe on'soaha. Ringo chodeanggipa an'tang-  
 tangni re'anggipakoba so'e, rate-tete, ma'drangna  
 aro songni repagiparangna ba song'e chane on'-  
 aha. Songoni me'apa chagitchamrangba chu mi  
 on'gile, gilrengle radarle sokgiparangko mande  
 ra'e mesokaha. Sokani salsagipao Songgani  
 songpangni me'apa chagitcham tom'e, mela-  
 tomkatokaha. Unon Garai Sin'tang Marak,  
 slanggipa Ringsaini ma'gipana ladine grapjoljole  
 aganaha :

"Ang'oko changara Ringsalko  
 Ang' sing'e nengara Raniko,  
 A'na bikbo bikbo banggrianasa  
 China jil'jo jil'jo Simsangnasa:  
 Ba kinamajok dongjajok,  
 Duk mikchikosa sree danangjok.  
 Chra saksu sokoba; samung ohite tlasone,,  
 Ararajok brangjok sako ming'e nikuna  
 Jakrarajok sako chasonggrikuna."

Indine grapjoljole aganemung," giplnonikoba  
 sako sakomancha bi'pana inesa, angade gumitangna  
 chite de'e, mipal' tina on'pachina ine Kangjim  
 Sin'tang Marakko ba'e ketna re'dilbaenga " Indake  
 aganon mamatang dal'batgipa Motda Sin'tang  
 Marak insha, "Abi jakrachiko, ano jakaschiko  
 am'na skangba, kamal saksan jakrimra,  
 chikong kongsane chiripgipakon inesa re'badilengachim.  
 Da'ode na'simangsajok, anona abigandana  
 rakrikjaode Giplnonikoba saonike mancha  
 bi'na am'naba, na'simang ba'gipachi'gipa  
 re'diljaode jakindiljaode." Indake aganme'apae  
 noko namehikko mikchikime mande ra'e aganaha.  
 Unon pagipa antang nokni jikgipako agane  
 demechikko okamatchina aganaha. Magipa  
 Kangjimke re'bachengchina okamataha. Kang-  
 jim Marak malna okama ine sing'aha. Pagipa  
 aganaha, "Nang'ni atchutang Bong, ambitang  
 Pansaini sokohi re'ange, nangni gumetang Sara-  
 pana su'seong'e on'china re'angchina aganengade,  
 nangkode." Kangjim Marak bisokbrekujachim.  
 Ua indine aganaha "Anga iano ambina chiringgao  
 chi kotimengade." Unon darangan bilsa grai

ka'dingaha. Halda ua blisl 12 ba 13 mango napahakon. Ambitang—"Re'angbo ambi, angan watatengaba, Ganol jolni Sin'tang chrarang—re'angkaljok. Chinga mikkang antlo awang Masingpamangni nokona dilanggnok.' Ambitang Pansai Kangjimko okamataha. Unon uaba re'bae ambitangni sepango asongaha. Unon ambitang, "Nang'ko ambia Sonibar Salo nang'ni mama-adarang baksa, nang'ni pajongtang Masing pagipamang nokona dilanggnok." Indake ku-rachakgriktoko Sonibar salona re'dilangchina tik ka'e donangaha. Unon chatchi mande ma'drang gimikan watatna kusi ong'ako mesokaha. Indake katta rama danga bake ba'chetman'oa, songui nokni chatchi manderang jel gnanggiparang sokgiparangko rimange, cheke rue on'e song-gimikan ringmil cha'mile salko re'ataha. Indake salgipino songtangtangona re'angna skang Baghmaraona re'angpilaha.

Saleng Sangma are Galrai Marak slanggipa demechik Ringsai Marakni pal demechik ba'tale on'ani pal ine, A'chikni bewalo, Kangjim S. Marakko ma'jongtang Masing ma'gipani nokona dilangchengesa, unonikosa ga'chate atchutang ambitangni nokona dilangna chanchiaha. Indake A'ehikni dakbewalke mesokenga ine ma'gitcham pagitchamrang dakbewalko mesoke ma'kete raklachim ine an'chingba ma'sie ra'na krara.

## BAK VIII

GONGSIN ATCHUTANGNI NOKONA  
KANGJIM S. MARAKKO DERAGATA

Sonlbar sal sokoa chraraag Kangjim S. Marakko atchutang Bong aro ambitang Punsai-ni nokona mangsonge, golgipa deragatanina mangsonge, uko dilanggipa ma'jongtang nokona dilangchenge uano Christianni bewalo napolatessa watatna miksongaha. Chraraag Kangjimko ma'jongtangni nokona dilangani attampo atchutang aro ambitangba rebae sugipana gana, bara aro cholarangkoba ra'ange on'eha. Atchutang ambitang sakgnian—"Na'a iano donge, gilja nape aro Isol ra'ani bewalrangko ja'rike ra'e, ja'mano napola man'e bia ka'na nanggen. Uoi ja'manosa nang'ni gumetang nang'ko an'tangona rimanggen. Malna bia ka'chengjaode aro napolchengjaode Christianni bewalo pap ong'a. "Iako name aro ka'sine rongtale aganaha. Unon Kangjimba ba'rarangko man'e kusi ong'e dongrikaha. Unon Kangjim, Ambino re'bataibone atchu". Iako agane atchutang ambitangko agantaitaitaha.

Bilsi 1898<sup>4</sup> ni March jamango pajongtang ma'jongtangmang noko donge Christianni bewalo giljarangchi re'ate napolatakoba man'aha. Jamano ma'drangko okamate, songsul noksulrangko kobar on'e sal tarikrangko dake Singdon Sangmana slanggipa Ringsaini pal, Kangjim S. Marakko bia ka'e on'aha. Uoi ja'mano chraraag atchutang ambitangni noko gnigipa deragate nokkromna lue bujae agane samchiktang dam-

beko gate donangaha. Indake Gongsin Marak. an'tangni boningtangna jotking dake nogipa sigipani pal nogipa gitalko am'e, bia ka'e on'-manani antigalmangni ja'mano Singdon Sangma an'tang nogipa Nomalko boningtang Gongsin Marakna bia ka'atskaani bidingo, ma'a pama-ngko, aro an'tangni mama adatang baksa tik ka'na re'angaha. A'chikni bewalo do'si do'-doknaba me'chikni ma'a pea sokachakani ong'a. Uni gimni pagiparang aro gipin gumi apa, nangarangko gri gnanng, gilrengsie ra'dorie me'su samjakrangko sandirikote, bakbak uiatchina agane doneaha.

Singdon Sangma Alokpanjangni re'bapile obitetang Bong Laskerna songchikode me'su samjakrangkode tik ka'china agane donbaaha. Da'o lachi Nomalkode napolatkujani gimni, ruutgijan dakato namgnokma ine obitea agangrikon, Singlino singchina chawritangko agana-taha. Unon Singdon Sangma an'tangni niotang cheksariko re'ange uamangpi nokon sing'eaha. Unon Johon Ma'gipa Singinba, "Nomal an'-tangba napolna skako aganengjokde, uni gimni mikkanng Brihospotibar salo jinmani aganani salo tik ka'o namgen." Indake sal sokoara Mondolini bi'ani giljao, napolna agantokani attamo Nomal Sangmaba agane, napolna ra'chakako man'aha. Indake jinmani napolni salo 1898 June jani 9 gipa tariko Nomal A. Sangmako napolataha.

Napolatani ja'mano Alokpanng songchi ma-drangna kobor on'ataha. Indake me'su samjak



are ma'drangba re'batokaha, nangarangkoba rabajolaha. Dakronga gita songsul noksul nokma sordar-rangkoba okampuahe. A'pal jolni rori manderangkoba Gongsin Marak watchanggiija okame an'tangal manoktangrangba okamako man'e wak matohu ra'bae, uni blao dongpae cha'a ringa. Atchutang ambitangni noko bia ka'ate, ambitang watningjachim. Gongsinni panteo tugipa kuturioa lep tosek ba'rarangko andape on'e uno tuate watningjachim. Indake jasmangde atchutang ambitangni nokon cha'a ringaha,

Da'o bonigtang Singdon Sangmaba nogi-pako bla ka'atani ja'mano, apsan tea toja me'dik apsano ma'drang dikdiksa kusi ong'e re'ang-gimin dukni wal pokpeka sagalni kallmanisalrang ko gualatna gita, mitelpilaniko on'na mondofini prayer meetingko ra'e ma'drang Iselko mitelaha.

Uni ja'mano ambitang merong mechu me'su samjak chu'engana bate ra'ate, me'dik samdik-rangkoba chame tik ka'e on'esa su'gipako ding-tang cha'na watataha. Ambitangni nokko dong-timengoba gisepo ma'a paani nokehi pagipani na'tok am'arangko song'ate cha'erongachim. Indake Gongsin Marak aro Nomal Sangma, atchutang ambitang iachi obito niotang, saritung mangni ka'sani stitrikake man'engachim.

(1896-1906) GONGSIN MARAK JIKDONG  
DEBAE SONGSARO JANGGI TANGA.

Pa Gongsin S. Marak, 1998 bilisni June jao Nomal A. Sangmaba bla ka'aha. Bla ka'ani ja'o

mano Isol uamangna sak 8 dedrangko patiaha. Uamangoni sakbri depanterang aro sakbri demechikrang ong'achim. Uamangna Isoln<sup>t</sup> patigimin dedrangni bimungrangko dejakrani Kri sulsul ka'mao see mesokatenga :—

1. Rameswar A. Sangma 2. Sorojini A. Sangma 3. Pongkojini A. Sangma 4. Sonamoni A. Sangma 5. Bisadini A. Sangma 6. Medison A. Sangma 7. Hackinson Sangma aro 8. Williamson A. Sangma.

Gongsin S. Marak pantemitingo Bengal skulo adita poraiakon lne ma'sina man'a malna ua Bengall oikorchinamen ning'tua kattarangko sena aro poraina man'achim. Ua an'tangni bading chiwalani hisaprangko an'tangan ama dipet seachim. Indiba bang'akon ua uljae sena jotna watchangan bang'achim. Ua an'tangni searangko Pa Mothunath K Sangma, masterna, mesokronge, uni searang ong'ama ong'ja sing'rongachim. Unon uaba scanl bewalrangko agane mesoke on'rongachim. Ja'ma'o bikon Sarker dake adita jarangna rakiaha. Uaba saksande amchakjae gipinko rakidapohina ku'patiaha. Aro indaken raklahana indiba bimungrangko man'jaha. Ua bilisrangode uat bol, waa-rangkosan aro mirangko bilongen tengkarangko bote ja'mano matma, matchu garirango sale chimonge palaha. Indake antidam noko sorkarangko rakligiparang, 1. Joga Bandhu Sarker, uade ku'simangbi ro'prete dona, 2. Bakta Hajong Sorkar leman sakgnichin.

Baghmarao songni noko skulo ka'gipa pandit  
 aro masterrangko jekai, 1. Modhunath K. Sangma  
 2. Aliram Areng 3. Binaram Sangma. Iamang  
 sakgittam skulni masterrangchim. Uamang skul  
 jokmane attamna king king kata bohirango nok-  
 gipa Gongsln Marakni aganako see rakiachim.  
 Indake antidamo sakgni aro noko sakgittam see  
 jote rakkioba amehakjachim ine agana. Antini  
 gisepo salarloba mirangko palatarangba chot-  
 changja. Bol, krong aro ringrangkoba salantian  
 brena re'baronga aro palatrongachim. Indake  
 salni aro antini salrango palani hisaprangko ka'o  
 niode ua somoirango koro chrangko galeba  
 japrako hajalga ina batnaba dongakon. Uandake  
 atchutang Bongni nokni hisaprangba su'gipana  
 bate komijawa malna uni mini jamode Sibba-  
 riosa batachim. Jao mon 1000 na komijachim.

## BAK IX

### AGAR ARO UNI TOKO BIKOTE ADINGNA A'BACHENGA.

Bilsi 1907-1908 ni badiaba jao Gongsin S. Marak malba kamko badinge nina Sylhet Songjinmaona re'angaha. Unon ua songjinmao prai nokantlon Agar kuroranko Assamni badiaba a'brirangoniko aro Chittangong jolni a'bri-rangoniko am'bae sol'e palna tariaranko nik-baaha.

Ua agar kuroranko uigipa mussalman kamla sakgittamko an'tang baksa re'pana am'ani gimn Baghmaraona rimbaaha. Indake rimbae Tura a'brini ja'retjoljol agar bolrangko am'e nina ine bi'ani gimn nokoni chakkolrangko sakgittammang merong na'kam, cha chinirangko on'e, mussalman sakgittam baksa watchapataha.

Anti gittammangni ja'mano uamangko nik-sojae jajrenge, mande watate sandina chanchi-engon, uamang sakdok aro coolie sakdokke uamangni am'e man'bagipa agarrangko kokcheng wate dal'dalprete kokchengdok gape ra'bae mesokeaha.

Jensalo ua agar kuroranko man'baaha uko maikai kajina Forest Departmentna nanggen ine Rangerko okamaton, ua re'bajaha. Ua Rangerni bimungko Babu Suktall Dutta ine mingachlm. Ua Forest Ranger agarni kajinakode aganna man'jaha. Batesa ua Gongsin Mahajonni malko korok ka'na order on'china Garo Hills

Districtal Forest Officerko, D.C. na wirechi arderko bi'ataha. Unbaksa Gongsin Marakkoba arrest ka'china Telegraphchi uiataha. Jensalo Garo Hillsni Forest Officer ua Telegraphko man'soaha, Bbu Suktall Dutta Forest Rangerni kosako mai dosko man'e ua, Gongsin Mahajonko arrest ka'na aro uni agarko korok ka'na am'aha uko bakbak satisfactory explanationko bi'aha. Aro uni copyko Gongsin Mahajonna uiate ua agarrangko am'e palna skode, Divisional Forest Officeona re'bae Leaseko ra'na dorkasto gal-china mol'mole uiataniko man'soaha.

Gongsin Marak D.F.O. ni chitiko man'on bakan Turachi re'ange sahebona obostako tale aganaha. Ua indine aganaha." Anga samplena agar kuroko chakkolrangko watate am'e ra'baaha Uni royaltyko on'na ine toechina Babu Skutall Duttako Officeoniko okamatachim. Ua re'angna man'jawa ine ia slip ko angna sechako, batesa nang'na wire-chi angko arrest ka'na aro agarko seize ka'na D.C na uiataha." Uni gimin Hujur anga mai dosko dakaha aro angui malko maina korok ka'na am'aha anga manhanini (Defamation) Case ka gen, Watjawa".

Ja'mano D.F.O. ni ku'patiani gita agarni leaseko bilsiprako hajalsa baksa, royalty bilsu gittamna nogot tangkako Officeoniko agreement see ra'baaha.

Babu Suktall Dutta-ni wire ka'atani copyko nokol bikote, Pleaderko consult ka'na Legal

ku'patianiko man'a Mymensinghchl an'tangni uk-  
 ilchl re'ange joljol Suktall Duttanikosako case file  
 ka'aha. Babu Suktall Dutta, Range Forest Offi-  
 cerko Gongsin Marakni okamako chakchike  
 batesa uke mamung dosko man'gija rim'na aro  
 agarko korok ka'anl gimln Divisional Forest  
 Officerke, kamoniko suspend ka'aha.

Department gita sandie nle ka'e kam niniam-  
 ko ja'rikgija ramram mandeko chonnikna joton  
 ka'anl a'sel uko kam ra'onaha Gongsin Maha-  
 jonnl case ka'ako Garo Hillsni Deputy Commi-  
 sioner aro Divisional Forest Officer, Garo Hills,  
 Baghmaraona re'ange bichal ka'e unl man (man-  
 hani) na baditaba ral on'achim. Indiba Gongsin  
 Mahajon unoniko pelsaba ra'jaha. Indiba Tura-  
 chl, Mymensinghchl re'anl aro ukilna on'ani  
 asol koro chrangko gamate Babu Suktall Duttako  
 kema wataha ine aganako knaachim.

Bills 1909 ni sin'karl January jamango  
 Susung Durgapurnl kam'ae donggipa badiaba  
 songni Saharangko baditaba sakke dakait dake  
 baditaba hajal tangkerangko ra'seke ra'angaha  
 aro manderangkoba se'etaha ine Baghmara  
 antio koborko bang'en on'aha.

**BONG LASKER ARO GONGSIN  
 ATCHUSAKO DACOITRANG  
 CHITI SEATAKO MAN'SOA.**

Je atle, Baghmarao ka'majolchlnl Balkanta  
 Saha aro Chaitan Sahamangko dakait dake

**manderangko so.otangaha ine knasoaha. Ua antini gisepo Baghmarani Bong aro Gongsin Mahajonmang'naba chiti seatako man'soaha. Jonsalo dakaitrangni chitiko man'soaha, Bong Lasker aro Gongsin mahajon Songni aro songsulni me'aparangko okame malko daksoo namgen uko chanchigrimna okamaha. Unon pilak me'aparangni chanchie tik ka'soako see mesokkata :**

1. Turachi Boro Sahebna dorgasto see sipaiko watatchina bi'atna.
2. Di'sa A'brini rama apgitoko rong'teko kolchimonge done chio choe ringo rebade ro'ongchi gotate warachakna.
3. Wandroko ong'jaode je wa'akoba wa'jol bakchoke sepango ritchani ritcha tarie dongsona.
4. Re'baahaade wa'gesiko nisoan kontako dokgen aro Baghmarani konta dalgipako dokatgen, knasoa kakket songoni darangan chabae atte, boltong, wa'jol, sel'u jekoba ra'e chabae dakchakna nanggen.
5. Nokoni bi'sa desarangko me'chikrang rime kontani ku'rangko knaon chel'e apjokaona katsona joton ka'gen.

6. Songsulni aro songni slai badita donga, darangan guli barukrangko chimonge ra'e done kontani ku'rangko knaon ra'e ra'e chabagen.

Docoltrang tarik see ulata salna bate antisamangna kingking bilakgipa me'apa ba panterang, volunteerang sak 200 antio aro sengo donsoachim. Tangka paisarangko apjokaona jite donsoachim aro uarangko paraken songni manderang dongtmaachim. Turaoni sipalrangkoba sak 20 mangba baditaba sakkode watatbebeahachim. Indiba baditaba sak tik gisik ra'jaha. Uamang'na salantlan cha'ani korosrangko Bong aro Gongsin Mahajon atchusa koraki on'achim. Salo do'bok, do'o, do'gep, dut, ghee, makon on'e kusi ong'atachim. Indiba docoltrang re'bajaha. Sipalrang antignini ja'mano re'angpile Turao hajir on'eaha.



## BAK X GONGSIN AGORKO APALE BADINGA

Jensalo Gongsin mahajon Forest Departmentni Mahalko agreement see ra'srangaha, an'tang baksa rimbagipa Sylhetni mande sak gittamko watate uamang'ni songoniko rimateaha. Indake bang'a kamlarangko rimbæ kamko a'-bachengataha.

A'chik songni ning'tugipa a'brirangchiko watate agarko a'doktangtanganiko bang'on am'-biaha. Indake salprako maun dok, chet aro badiabarangode maund chikingrangona coolie ra'e ra'barongachim. Tin nokrangko dal'dale rikatachim aro uarangko chabi tala tekese dontokachim malna agar se'elsa gimaoba Class-sagipa gimaode se'elon sotbri ba sotbongamang dam ong'achim ine agana. Agarko class sagipa gnigipa, gittamgipa dake suala.

Una agre badua, kala gash ine minggipa bimungrangba donga. Jerangni damrang:

Class 1- o maundo Rs. 1,000/- ona kingking donga.

Class 2- o maundo Rs. 800/- ona kingking donga.

Class 3- o maundo Rs. 500/- ona kingking donga.

Banduako maundo Rs. 300/- ona kingking donga.

Kolagasko muand-o Rs. 250/- oua kingking donga.

Class 1,2,3,ni agarrangko batalchi sol'a. Una agre giplntrangkoba sol'e rong nonge pala.

Rong nongna uamang Bangalirangni gue baksa cha'gipa koir (cathechee) ko karaio rite jrongata aro unbaksa hirakoshko brine ran'ode ching'cheta. Indake changgittamna kingking nonga.

Badua, kolagas aro sol'ani bisemsemrangko attechi gitake gitakgiminko maund 6 ba 8 chakgipa silni me'dikrango chio dim'e nom'ahaode uarangko dekkio su'e ginde dakata. Su'e bnekgimirangko pitolni me'dik seel sotbonga sotsdok chakgiparango chankolo chane walgimik salgimik rite, te'kolgrik ba kolatchi dake walprako ritachim. Walgimik ba waltongsa rite wa'alko ete dongen. Gamla dal'gipa ku'sikko pizdapglpao pipe dake nol donga. Unoni bibako sambengo ro'ronggipa pitolni wa'singtok gita dakgipao bibako ra'chaksoa. Ua biba baksa attor rechapange chio aro wa'singo skate donggen. Uko pringo niode tin'kaaha. Uko jaksichi rikote gapchilleko toko chimonge botol chonchonao brachenge, botol dal'ao sakprakan an'tangtang palko chimonggen.

Walprakniko chimonge botol 20 ba 30 dake mangen. Uko botol guang salo ramgen, unon attorni moila ning'chi napange, namgipa simil-

gipa to kosako tang'dogen. Ua attor toni damrang badita bilal ruutgen tolao gong'prak bari-gen ine agana. Uarangni dam toko Rs.3/- oni Rs. 10/- ona kingking palako nikronga. Palna skang agarkoba attorkoba sorkarini royaltyke Forest Officer an'tangtangni scaleo (measuring scale) toachim. Indake kajinako jik ka'e rosti on'gen

Agarni karkanao kam ka'giparang mus-salmanrangna agreba Hindurangba donga maina Sylhetni manderangde darangan changa. Gongsia Mahajonni karkanao ka'gipa kamla-rang sak sotbunga komioba sotbrina agre komija. Mitamrang jagni jagittamrang dake kam ka'e songchi re'angpila, mitamde tangkako M.O. ka'e watatalachim. Ua karkanao kam ka'gipa-rang japrako jao 50.00, Rs. 40.00, Rs. 30.00 aro Rs. 25.00. na agre komia dongja. Uamang jaantian betonko ra'a, aro jaantian money order ka'e noktangtangchi watate jikdeko aldua.

Saoba nokchini rang'gitik saa ding'ako tele-graphchi kobar man'soode, advance ra'soe M.O. ka'e watatako nikronga. Betonna kam ka'gipa-rang an'tangtang song'e chane cha'a, aro an'tangtangni korochko ka'a.

Je mahajonrang Sylhetchiniba ong'chong Calcuttaniba ong'chong, uamang'oe mahajonni korakikosa cha'gen. Mitamrang song'jako brea, mitamrang sol'e rong nonggimimang'kosa bre-skaa. Uamangnade Mahajon merong, me'su

samjak, cha - chnako on'a indiba an'tangtang song'e cha'a. Mikchaa malke man'kujana kingking salprako dingtang dingtang malke mesoka aro dorkoba daka.

Uamangni dor-ka'ako mamung saloba parake aganjawa. Indiba jaksiko ba'ra handkerchief pindape ehane jaksiko mesoka aro uko darangnaba parakjawa.

**GONGSIN AN'TANGNI SONGNI RIPENG  
ME'APA SKARANGNA AN'TANGNI  
BADINGANI CHOLRANGKO SKIE ON'A**

Songtangni ripeng me'apaskarang salantian uni karbar ka'ani tamasarangko nle roa gita re'baronga. Mitamde tangkarangko bi'ange songrangchi re'ange agarko bree ra'bae pale nla. Mitamrangde an'tangtang tangkachi bree pale-skara, indake darangkon ehol on'achim. Mitamrangde roe uni tangkarangko chantime on'giparangba donga. Indake an'tangni badingani budi aro kaldarangko donugija ua skie on'na joton ka'achim. Uamangko mamugsaloba mi cha'gija watatjawachim. Indake salantian do'bok ong'jaode do'orangkode salsaba chotchangjawachim. Basakobade me'apaskarangko tol'e agane ka'dingatrongachim; uandake tol'e agane kalake rona changarangachim.

Ua an'tangni bel, ring aro wa arangko badinganikoba dontongjawa, basakoba Bangalrang rikbakame rimegen. Unon mande watate

mesokatgen, ong'jaoba ritchabri, ritchabonganl  
 malrangko bree, rimeode an'tangan gureo ra-  
 anggitiko palegen. Indake ua pilakehikon apsan  
 gisik gualjachim.

## BAK XI

### GONGSIN MAHAJON AGOR ARO ATTAR TOKO CALCUTTACHI RA'ANGE PALEA.

Bilsi 1915 ni Januaryni skanggipa antlmango Gongsin Marak an'tang agar sol'e rong nong-giminrangko aro attor toko rite tarlgiminrangko ra'e an'tangni sorkar sak gniko rimchape re'na tariaha. Sol'gimin agarko box-dokmango chipe tariaha; attakoba kerosine tino tin gittamang chipe so'tipe ra'na tariaha.

Ua an'tang jikdedrangkoba rimna mangsong aha; maina bi'sarangko dal'dalkalgiparangko skule donna mangsonge rimangengachim. Uni depante dal'batgipa Rameswar baksa angko sakgnian Tura Mission Middle English Schoolo pass ong'ahanl gimin chingkoba Calcuttao poraichina rimangaha. Me'chik bi'sani gisepo Pongkojini minggipako skulo donna mangsonge rimangaha. Boningtang Slingdonni da'o kimtaigipani depante sakgnikoba, pagipa poralatna watatchapani gimin uamangko rimangaha. Adatangko Sarat Marak jonggipako Sachindra Marak mingachim.

Baghmaraoni Birlsirona ringo re'angaha. Birlsironi Jarla Jhangjall Stationona matchu gario re'ange, unoni Rail garlo re'angaha. Indake Salrajganj-o Songduko chobate, Sentahar gita pring 6-30 mango Sealdah Statlono Railko kape Calcuttaona sokeaha.

Sealdah Stationoni chinga gure gariko ge-gittam tik ka'e Gongsin Marak an'tangul tik

ka'e donbagipa 41, Benia pukur Road-ona re'-angaha. Unon Lower Circular Road-ona sokon, saksa sorokni rikam cementni kosako re'enggipa pante chingko garioniko nikate, "Na'simang A'chikrangma?" Gongsin Marak aganchakaha. "Oe, oe, chinga Baghmaraoni." Unon anga mamatang Gongsin aganaha. "Ukode angade skango Baghmarao poraibagipa Jaran R. Sangma gita nika." Gongsin singtaie, Na'ara makai ua?" Uara Jaran R. Sangmade. Dokdori kam ka'e poraienba Bighmarao donga' ine anga aganchakaha. Unon Gongsin singtaiaha. "Na'a Jaranma?" Jaran R. Sangma. "Oe, oe, angan." (An'tangko uiatna skako mesoke aganaha.) Ua pante singtaiaha, "Na-simangara hano donggen?" Gongsin, "41, Benia Pukur Road-o nok para tik ka'e donmanaha." Unon ua pante an'tangni note bookko bikote agangipa addressko see r'aha. Uni ja'mano ua, re'ange groggen ine agane an'tangni dongramchi re'angaha.

Chinga mangsanga biapona soke pilak bosturangko r'ike, gure garina bharako on'e watataha. Adha kontamangni ja'mano saksa Bengali buchuna, Lakhi minggipa, an'tangni demechik netra sokg minko rime re'baaha. Ua me chikrang ma'ningsaan skang changrango re'baoba songe chane on'achim ine agana. Uamang ma'ningsaan skango Sonaram R. Sangmani Calcuttao dongdame mokordoma ka'oba, uamangan song'e chane on'achim ine agana.

## JARAN R. SANGMA ARO GIPIN A'CHIK- RANG GRONGNA RE'BARA

Ua apsan salni 4:30 bajimangon Jaran R. Sangma re'bae ehingko grongeaha. Ua angko skang nikchenge, salam ka'e, "Na'ara Johonni jong-gipaba mo mosa?" Uni ja'mano darangkon gronge salam ka'aha. "Angko da'ode Mr. Roland Peal inesa mingskaaha. Uni gimln Calcuttao darangni minga gita angko ming-pabone." Indake agane, card-o sea an'tangni bimung aro addressko see on'aha. Uno Mr. Roland Peal, 43 Lower Circular Road. Baptist Chapel ine seako donangaha. Dr. N. Downson D.D. ni Darwan-ni dongram apsan noko room-sano dongpae, Baptist Chapelni Church Boy-ni kamkoba ka'paenga ine rongtale aganaha. Una agre Mr. Aaron N. Sangmaba re'bae grongeaha. Ua an'tangni dongramko Oxford Mission Compound, Behalao donga, Calcuttani mail 6 mang chel'ao donga. Cycleo re'rurue Calcuttani Bengal Telephone Companyo kam ka'paenga ine aganaha.

Sakgipin Mr. Singgan D. Shira, an'tangko songde Dambuk A'gani 43 Lower Circular Road, Baptist Chapelon dongenga. Uan Mr. R. Peal-ko Sahebna agane on'e, saksa Christian bi'sa, apsan dongpaenga ine aro unoni Tangra Roado dong-enggipa H. E. Schoolo poraienga ine an'tangko aganaha. Uan ua Chapelo Church Boyni kamko ka'chengaha ine aganaha. Mr. Aaron N. Sangmani ma'a paade Baghmarao aro Birisiri Mission-oba kam ka'paaha. Uni pagipako Bharat Momin ine minga.



## BAK XII

### CALCUTTAO DONGSOGIPA PEAL ARO AARON SANGMAKO GRONGA.

Mr. Aaron N. Sangmanl agana gitade, 1915 bilsina skang R. Peal Missionary Sahebrang tik ka'e on'ako man'e badiaba English Schoolo poraiani ja'mano uano M/S Show Wallace & Co, Bhanshall 'Streeto kamko ka'aha ine agana. Indiba gisepode Mission Church Boyni kamkoba dakchakaha ine agana

Gongsin Marak Roland Peal-ko gisepo re'bae dakchakpachina aganani gimin ua Sonibar saloba pringkalen re'bahachim. Unon Gongsin Marak Roland Pealko okame sing'aha. "Na'a da'alo kam dongjama aro angni aganako dakna man'genma?" Roland Peal aganaha, "Officechi re'ange, kam bang jani gimin bi'e re'bana man'gen." Gongsin — "Indide na'a bi'sarangko Calcutta songjinmani biaprangko nidileku, uamang angko dekdo ka'enga aro attamoba skanggipa mesok-gipa Bishno-koba nidilbasrangbo." Unon Roland Pealba ku'chakaha, aro miko pringkale cha'china aganaha.

Darwanko Taxi ge'gnl ra'echina watatmit-lugo, cha'e ringe bi'sarangko ganat chinataha. Gongsin arak an'tangde jokjawa ine agane ua an'tangni mal'ko bregiparangko am'na re'anggen aro Sarkar saksako rimbite agar aro attar toko samplena ra'e re'anggen ine agane re'angaha.

Darwan Taxi ge'gniko ra'baha. Unon chingko Roland Peal Alipurchi re'ange chiria-

kanako nidilchengaha. Ja'mano Museumko nidile, White Away Laidlaw-ko napdile niaha. Uko nidilman'o Eden Gardenchi re'ange uano Band dokchakramko mesokaha.

Indake New Marketchi re'dilangaha. Uano Restaurant-o nape cha ringdilaha. Unon Taxi Driver sakgnini metreko nie taxi bharako on'e watataha.

Ja'mano Elphinstone Biscopeko, skanggipako, nina ticket bretokaha. Somoi ong'ahaoa, Biscope niaha. Matchotoa Taxi ra'e nokchi re-pilangdilaha. Chingni ja'manoa Gongsin Marakba Sarkar baksa sokbaah a. Mi song'timgipa Lakshimang ma'ningsa Gongsin Marakko mi cha anigimin sing'aha. Unon ua bi'sarangna aro ma-gipamang'na skang on'china aganaha. Unon maui aro bi'sarang darangan apsan tableo ra'bae cha'tokeaha.

Mr. Roland Peal-koba cha'angchina aganani gimin uaba sengaha. Skang cha'giparang matchotoa, chinga dolsa cha'taiaha. Ja'manki'tiko Gongsin, Peal aro Sarkar sakgittam bon'chote cha'aha.

Bon'kamao song'timgipa ma'ningsa cha'o matchotman'oa, pringo nanga koro chrangko ra-bajolchina Lakshmi ma'ningsana tangkako on'e watataha.

## BAK XIII

### SYLHETNI MAHAJON BAKSA CALCUTTA KACHARIO MOKORDOMA KA'A.

Calcuttachi re'bana skang Sylhet Song jinmanl Ayup Ali, Karimganj Sub-Divisiønni bilst 1914 ni November - December jamango Baghmaraona agar brena ine Gongsin Mahajonni nokona sakgni ripengrangko rim'e re'baaha; Ua mahajonni nokon agar sol'gijako brena ine antignimang donge malrangko dingtang dingtang salrango niaha. Ja'mankitko ua mal-dak-sako mikchaaha. Ukon ua baditaba muanko baditaba hajalna tik ka'grikaha. Ukon Mussalman Bepari dor daka gitan Gongsin Mahajonba damko chu'ongnike mikchae palna ku'rachakaha, Mussalman Bepari tangka chu'onga gita dongjachim. Uni gimin ua tangkana Sylhet songjinmachl telegraph ka'e bi'ataha, aro jako je tangkako ra'bitbaha uko ua gong hajalsako bani on'soe sengaha. Antisa bate sengoba tangkako man'sojaha aro mamung koborkoba Sylhetoni uiata dongjachim. Uni gimin Gongsin Mahajon tangkako baina ongipako Md. Ayup Ali Beparina on'pilahachim. Indiba Bepari ra'piljaha.

Ja'mano Md. Ayup Ali Bepari bregimin agarko kajina on'gija donna man'jachim. Uni gimin Forest Departmentni Officer-rangko okamate toe kajina (royalty) ko on'aha. Toani ja'mano muand chikungko chalja bostao kochipaha. Chaljani kosako bostaprakni jriako toe bl-mungko see kalichi semano sealing waxchl so'tipaha. Indake tarimano court fee gaanggipa

Ia caseko chalaiani bilsiode, je biapo skango dongachim ua biapode Roland Peal aro Aaron Sangma dongrikskaaha. Uni gimin Gongsin Mahajon, 13, Bentick Steetona jitange uanosa caseko matchotataha.

Angni gisik ra'a gita Gongsin Caseko matchotna skangan uni agar aro attarrangko saksa lakopoti mahajon, Bombayoni Head Quarter Bussinessni Centre ong'achim aro ua pilak sandal wood aro agar aro attarrangko ra'e karbar ka'gipa, una palaha. Arabni aro Japanni dalarrangni uan agent ong'achim. Uni bimungko Md. Abdul Sallim Kunjee Tyabjee ine mingachim. Uni nok Para B'jaro gadangsni chugipa dalanko rikachim. Ua mahajonna Gongsin agar kuro dotgimik, mikgittam ong'e ro'a, ge'gniko bokis dake on'ataha. Uoni ge'sako an'tangna rakie, ge'sako Bombaychi re'ango gol-dik dake rim'chakaniko aro jangchio changgit-tam-mang sonani silpanchi rudape ge'sako Gongsin Mahajonna bimungko sekame boksis on'pilskaaha.

Ua apan gol'dikko mamani siani salo Coffino gopchapataha. Bilsi 1916 bijangchi-mango, Gongsin Mahajon be'en an'sengjae familyni chonchongipa bi-sarangko rime song-china re'badllaha indiba chingade schoolon dongrikaha.

## BAK XIV

### RECRUIT RIM'ANI BILSI :

1917 bilsirangode ua (Gongsin Mahajon) saro sacho dakaiengpitichim aro ua bilsirangode Francechi watatna Garo Labour Corps-ko rim-na ua Sorkariko dakchakengachim.

Ua somoi aro bilsirangon ua a'ga a'rong re-roroe moposol wene bilongen chukoba ringna a'bachengaha aro songantian uko mande ra'e matchu wak doke song'e chane on'ako man'an baksa chuchian mande ra'ako man'e an'tangni be'enni biatiko bariataha.

Ua moposolchini re'baoba nokchi re'barong-jachim. A'selde un'jikcholrangoni saksani jikgipa, segipa labouchi re'angani a'sel cha'ani aro ringani tekkiarangto niroke sandie korosrangko una on'e dakchake uanon ua walturongachim.

"Mandeni tekkie uko dakchakanichi cholonkoba ja'guata." Uandake ua nosaritang nanga baksa ning'jijol bilsil gnimangna dongnue jikgipa dake jakkalaha. Ia obostarangko ua paraken dakahani gimim donugija iako senan ga'akaha maina ua an'tangan ua dosko mondolio parake gis kba pitaha.

Indake 1918 aro 1919 bilsirangode ua chel'e moposol re'na man'jaha. Re'ode an'tangni arm chair ro'gipako samgnio ga'pong baksa wa'tongko kachape ra'enba uano an'tangni chakkolrang bilakgipa sakgnl donga, uamangko song-

warrantko ra'engaha." Uni gimin na'a pilak gamchata malrangko gipinchi jite donbo. Na'a dog'ako an'tang mamung saloba osona nangja. Gipinchi osoenba Courtnei Police Daroka ine nikon, skang nang'ni nokni janggilchiko ong ate katchengesa do'gako oe on'e, dongja ine aganate police-rangko watatpilbo Bara-bajar ong'jaoba Strand Roado Baristar at Law donga. Unona re'ange legal adviceko ra'e an'tangkowarachakbo. Chingade indake cha'gipa dolni mande oug'a" Indake ua Parsi mande an'tangko rongtale aganenba Gongsin Mahajonniko boksisko bi'aha. Gongsin Mahajon una gong kolatchiko on'e mitele watataha.

Ua salon Gongsin Mahajon ua Parsi mandeni agangipa addressko am'ange Baristerona re ange uko gronge legal adviceko ra'e, uni caseni nokol-ni copyrangko bikotna dolkasto on'aha. Una agreba ua Baristerni ku'patia gita saksu Advocate ko ra'chape pilak caseni ja'pangrangko rongtale uamang na agane on'aha.

Badini dolkastoni bokolko bikoton case dolkastoo indake seaha, "Bibadi Gongsin Mahajon agar aro attorni mahaldar ong'a, uni agar sol'gijako Badi Ayup Ali muand chikung indita tariko breaha. Tangka gong hajalsako mahajonna baina oa'aha. Jimbao Bibabi muan chikung sol'gija malko katome watatna tik ka'e donbaaha. Ja'mano ua malko Badini Addressona watatgija, tangkako hajalsakoba on-pilgija gipin mahajonnasa pale ra'aha. Indake

Bibadi Gongsin Mahajon, Badi Ayup Ali-ko togiaba." Indake nokolko seaha ine ulna man'aha.

Ja'mano Badi an'tangan tol'gipa Caseo ga-ake Bibadi Gongsin Mahajonna Caseko decreo on'aha. Indake Caseko Md. Ayup Ali-ni kosako baditaba hajal Compensationko man'aha. Aro tangka hajalsakoha forfeitko ka'e caseko amaha ine agana

Rameswar Sangma aro angaba sakgnian 224, Lower Circular Road, Bishops Collegiate Schoolosa ong'ani gimin caseni gimin mama chongipa Jenon S. Marak-onko aro Sorkarni aganakosa uipana man'aiaha. Mi song'timgipa Lakshimang ma'ningsa Parsi me'apani aganako knatime ra'e ja'mano indine aganaha, "Skango chingade Sonaram Sangmani somolo wa'am jang-ki raoko ra'kame nokningo done, uko police daroka arrest ka'na am'baode a'palchi jang'kiko donate nokjanggil gita Sonaramko watatchengesa do'gake oe policerangna dongja ine agan-ronga ine uamang ma'ningsaba namen caseni salrango dakchakaba ine uina man'a. Je Parsi maude re'bae ku'patironga gita Gongsin Mahajon an'tangni agar aro attarrangkode saksu Christian noksul chingni dongaoni chel'gija biapo donachim. Uni bimunga Babu Mani Lal Kavirajni. Unlfamillyni nokona reange mamungna jejrenggija donenba caseni salrangoba mamungba ong'jaha. \*

sorkarlni file gnanggipa lekako bree uano Md. Ayup Alni dolilko see Gongsia Mahajonna donangaha. Dolilo sea sal ja aro tarikrangna sengsona tik ka'e segrika somol sal jana sengaha. Segimio sal tarik badena skangan Mussalman Bepari songchi(Sylhetchi) re'angaha. Indiba tangkakoba watatja aro mandeba sokbajaha. Uni gimin chitkoba acknowledgement Register ka'e seataha aro telegraphkoba ka'ataha. Register chitkode man'oani receiptko man'sopilaha Indiba sechaka dongjachim. Sal ja tarik namen badeaha.

Uni glsepon ua upsan songoni Md. Abdul Mojid Bepari sakgittam ripengko rimbae Gongsin Mahajonni nokona agar brena re'bataiaha. Aro uamang Md. Ayup Alide malko a'angna man'jawaha ine aganeaha malna ua an'tangde tangka dongjachim. Gipin Mahajonnasa breachim aro ua mahajona da'o uni kasako ka'o nangaha aro tangkako una chalajaha. Batesa hajalsa ra'anggapakoba bi'pile aro re'angani korosrangko bi'pile man'jae ka'o nangbeengjok ine aganaha.

Gongsin Mahajon Forest Officerrangko saki ra'e ua apsan malrangko toe nlon komibeaha Indiba muando je doru Ayup Alina palachim, ua apsan doron da'o re'bagipa Md. Abdul Majid Bepari brena am'ani gimin ua an'tangkon saki ra'e palataha.

Md. Ayup Ali aro gipin sakgni re'bagiparangoni dongdame antigni cha'a ringani koros,



rangkoba see saklrangnamesokaha aro agar malni toe nipilon komiachl badita noksan ong'aha uarangko hisab on'e mesokaha. Hajalsa brena on'gipako hisab ka'oba noksan ong'a, tangkako gapatna mau'jahachim ine mesokaha.

**GONGSIN MAHAJONNI KOSAKO AYUP  
ALI CALCUTTANI SMALL CASE COURTO  
CASE FILE KA'AHA.**

Bllsl 1915-o Gongsin Mahajon Calcuttaona an'tangni agar aro attar toko palna ra'angaha. Unon Md. Ayup Ali Sylhet Bepari gong Hajalsa tangkako balna on'e malko bregipa Calcuttani Small Case Cout-o uni (Gongsin Mahajonni) kosako caseko file ka'aha. Indake uni bimungo Calcuttani Small Case Court-o hajir on'e aganchakchina Samonko watataba. Aro unbaksa uni Calcuttaona palna ra'bagipa agar aro attor-rangkoba korok ka'china courtoniko warrant Attachmentko hukum ra'aha ine uina man'aha. Iarang pilak obostaranko aro kattarangko nisamsogipa mande saksu gnanngchim. Ua mande salsao re'bae Gongsin Mahajonni blapona, 41, Benia Pukan Roadona re'baaha.

Ua mande parsl jat ong'a Uara Courto roronge sawa sang kosako mai Caseranko ka'enga uarangko sandirlikite caseko saldoo salone cha'gipa manderangni dol ong'a. Ua Gongsin Mahajonna indine aganaha. "Dao nang'na ram-ram somonko on'aha; indiba ja'mano nang'ko rarm'nei aro nang'ni malrangko korok ka'na

rangona olatrongachim. Ja'chi rena skoba ua chakolrangko olatrongesa re'angrongachim.

## ASSAMNI INSPECTOR BAGHMARAKO VISIT KA'A.

Recruit rim'ani bilisini gisepe Assam gimikni Schoolrangni Inspector uororo Britishni sason chu'gimik dongkuengachim aro ua Inspector sahebko Mr. Small mingachim. Uni re'baani koborke Garo Hillsni Deputy Commissioner Sahab Gongsia Mahajonna uiataha aro un baksana uni boningtang Singdon Laskernaba uiataha.

Uororo ua jolo Upper Primaryna agre Baghmarao chukala School dongjachim. Uni gimni Gongsia Mahajon Schoolni Master Pa Modunath K. Sangma aro songoni me'aparangko meetingna okamataha. Uandako chijolni mande-rang aro Nokma Sardarrangkoba meeting ka'na okamataha.

Ua meetingo, ka'mao sea ja'pangrango pang-chake dorkastoko sechina Modunath Masterna aganaha.

(1) Ia jolni Mauzani ning'o aro Lasker elakaeba ge'samangmangba, Baghmarao ge'sa Upper Primaryna agre school dongjachim.

(2) Uni gimni chukala schoolo porainakode Tura M. E. Schoolona re'baana agre, Skle ra'

anio aro poraianl mamung chol dongjae namen ja'donggabeengachim.

(3) Ua school Turaona mlle 100-na agre komija aro ramao kenani slanrangba bangachim. Uni gimln uanona re'angna chol ong'chongmot-jachim ba neng'nikani ong'chongmotachim.

(4) Bang'a me a bi'sa aro me'chik bi'sarang poraina skoba kosako janapa a'selrangchi kangal bi'sarangni ma'a paarang gisik sikoba cholko tikkele on'na gita obostachin apchangket ong'rongachim.

Uni gimln ka'saninggipa Sorkarlnl ratotrang cha'ani ringani, gananichinani, aro gisikni kangal ong'ako silrroatna chinga ma'a paarang skoba cholko apnikjaenga.

Kosako janapa a'selrangko aro cholgri-rangko niroke hujur Baghmarao Middle English Schoolko kullna sanctionko on'an baksa jaanti Sorkarlnl grantko Adhoc dake on'e dak-chakpachina kangal prejarang nang'o mol'mol-engga. Jeni gimln chinga chasongna mitelan baksa gisik ra'kame donggen lne dorkastoko see donsoaha.

**NOKMA SARDARRANGKO SOI KA'E JAKSI TAPE MESOKE SAHEBKO HAJIR ONG'ATAHA.**

Dorkastoo M E. School nokko rikna koros-rangko tik ka'e mesoke Nokma Sardarrang

aro songni manderang baksa kusi ong'e bostu-rangko chimongaha ine Sahebna mesokaha.

- 1) Bolsal rong dot ... .. 30
- 2) Bolgro aro bilbangrang dot ... .. 40
- 3) Wa'ge aro wa'naru hajal ... .. 3000
- 4) Barina wa'tre sadap jajal ... .. 4000
- 5) Re aro so'karangmung reping bundle .. 100
- 6) Am'pang bal ... .. 800
- 7) Wa'ding aro rerang sreng ... .. 1000
- 8) Mistrini koros
- 9) Gojal aro boltu
- 10) Gipin nanganirang

Iarangko Gongsin Marak aro Singdon Lasker Schoolna on'gen ine ku'rachakaha.

(11) Schoolko Bong Memorial M.E. School ine mingna donationko Gong 500/- ko on'e uko approve ka'pachina mol mole seaha.

Kosako listi ka'e mesokani nok rikani bostu-rangko segipa baksa M.E. Schoolko on'china bi'ani dorkastoko Gongsin Marak an'tangan on'na tik ka'e sesoaha.

Assamni Inspector Mr. Small Damadubi Dambo-Rongjeng gita re'bae, Do'renggo- Wada-chong gita re'baaha. Unoni Sijuona ong'one ringo Baghmaraona choonate re'baaha. Baghmara ghatona sokon SImasang chibIma ghatoni Wa'se-ko wate an'chengni kosako ane, chisam

rikamoni riksegimin bangalow-ona Sahebko  
ja'achi re'baataha.

Re'bamitingo Inspector Sahebko Schoolni  
chatrirang bangalow-ona dilbaaha. Bangalow-  
ona sokon *matia bonduk*-ko pong gittam goate  
Sahebko mande ra'e rimchaksoaniko Gongsin  
Marak dakdil-ha Unijamana "God Save Our  
Gracious King" ingipa gitko chatrorang ring'on  
Saheb tupiko oke tom'tom chadengaha. Bunga-  
low-ona gakate jinmachiko nipilon Gongsin  
Marak aro Nokma Sardarrang gongnoke salam  
ka'e chadengaha. Indake Sahebko salam ka'-  
man'on barandao donsogipa neng'takani chokio  
Saheb as'ngaha.

Unijamano Saheb chakate attam 3:30  
baji manpo grongtnigen ine Gongsin Marak  
aro Singdon Laskerko okame aganaha. Unon  
Sahebni asonge neng'takmitingo uni mikkangona  
on'anirangko re'baaha. Jekai, do'bok kasi dal'a  
mangsa, do'o koksepsa, ghee-tinsa, merong jaha  
adha monmang, dud aro rakon, do'chi tukrisa,  
te'rik mal'ok minarang Una agre me'surang-  
koba, alu modipol minarangko on'aha. Saheb  
chadenge ka dinge bosturangko on'giparangko  
mitelaha.

Ja'mano pilakan noktangtangchi re'ange  
somol gitam adha bajimangna skang rebatokaha.  
Somol gita Inspector Saheb bangalow-ni baran-  
dao grongna re'bagiparangko nisoaha.

Unon Gongsin Marak M. E. Schoolna dorkasto galgipako salam ka'chenge on'aha. Darkastoko ra'chakman'o Nokma Sardarrangko uamanga maiko nanga ine sing'aha. Unon Gongsin Marak uamanga mangsongsoa M. E. School nokko rikna bosturangko ku'rachako chilmonggimla besturangko listi ka'o mesokgipa manderang hujur ine aganaha.

### INSPECTOR M. E. SCHOOLKO ON'NA KU'RACHAKA.

Inspector Saheb ua bosturangko chilmong-ahama ine sing'aha. Unon Gongsin Marak chilmongman'aha hujur ine aganaha. Da'o uarangko ehiko choone ra'bana tarila. Indiba nang'ni hukmko nisengenga ine agantalaha.

Inspector an'tangul Personal Seortearychiko nie, uamang sakantini gislo nangako niko M. E. Schoolkokulna sanctionko one bakbak hukumko officenl gita watatchina an'tangul personal Secretaryko aganaha.

Uni ja'mano Saheb skulko a'bachengna masterko man'genma ine Gongsinlo sing'aha. Unon Gongsin Marak Pa Modunath K. Sangma-ko nam'genma ine sing'ataha. Unon Modunath K. Sangma nam'gen ine aganchakaha.

Inspector Saheb sing'talaha ; "Poraigipa bi'sarang me'chik me'a badita sah donggen ?"

Unon Modunath Master me'chik aro me'a brine sak 60-na agre komijawa ine aganchakaha.

Indake Gongsin Marak an'tangni songni bi'sarangna aro songsulni nanganiko chanchie bang'a namgnirangko dakdila. Inspector Saheb Upper Primary Schoolko pringo nigen ine darangnan parake aganataha.

Unon Master Modunath K. Sangma songni me'aparangko an'tangtangni bi'sarangko pringkal-e rongtalo gane chine watatchina mol'molataha.

Sal gipino sku adha baji mango bi'sarangko chilmonge Master dongsodila. Somol ong'ahaon Inspector Saheb skulona re'bae niaha. Saheb ka'chakgipa nokko fan skul nokma ine sing'aha. Unon Master skul nok chakjani gimn gilja nokosa ka'enga ine aganchakaha.

Inspector Saheb skul nokna Rs. 500 / - ko sanction ka'e watatgen ine Inspection Bohio seaha.

Inspector Saheb salgipino a'brini rama glta Ganchi aro Chokpot rama glta mongmao gao re'angaha. Uni malrangko begal sak chikung mangko rime Turaona Saheb baksa watataha.

## BAK XV

### EMANGIRI RESERVEKO DE-FOREST KA'A

Adita janfja'mano Gongsin Marak Assamgimik ni burungko nirok gipa Conservator of Forestsko, Emangiri Reserve-ko nina Baghmaraona re'bachina uko mol'molaha. Unon Conservator Saheb songni manderangni dorkastoko man'e aro Gongsin Marakni mol'mole rimaugani gimin nina re'angaha.

Unon Reserve ning'o je biapo bolsal aro gipin bolrangba dongjachim ua biapko Sahebna mesoke ua biapko sorkarini Reserve kangaoniko wate on'china aro a'ba cha'na on'china mol'mole bi'aha. Unon Conservator Saheb ia biapo song dal'ama aro a'ba cha'na tikjama ine singaha. Unou songsulni manderang chingnan a'ba cha'na tikja ine Sahebna aganaha. Ja'mano Saheb anga Shillongchi re'ange Gongsin Marakni bimungo hukum on'atgen ine agane reserve gimikko ni'roroe aldaona pil'baaha.

Salniangahani gimla Conservator Saheb walo uano waltuaha. Indake pringo Gongsin Marakko rime an'tangni mongmao Baghmaraona ong'onbaaha. Salgipino Consevator Saheb Turaona mangsonge Angratuli Reserve Forest Office gita re'angaha. 1917 bilsini Debember jamango Gongsin Marak Sahebni ja'mano an'tangni agar aro attor-ni kamrango niroke agar sol'gimlurangko chimonge aro attorrankobara'e Calcuttachi palna re'angataiaha aro Bombayni Beparirangoniko mal breani baki tangkarangkoba rikna re'angjolaha.



Ua ruutgijan an'tangni ra'anggipa agar aro attorranko palmanahachim. Una agreba bangki tangkarangkoba riktokmanaha. Ua somoirangode Gongsin Marak, 28, Pulbagan Road-osa para ra'e dongachim. Baghmarao recruit rim'ani aro nokni kamrang bang'ani glmin ua songtang Baghmarachi re'pilna mangsonge nokona koros-rangko ka'aha. Ua nokona silni palang gedok, wilwalgipa ehoki aro ramram ehokirangkoba breaha. Una agreba palangni tosoh aro ehokiraagni kosako andapani balisrangkoba bree an'tangnidongram biapona truck-osalbac Roland-peal aro an'tangni jonggipa Jemon S. Marakko truck-o watchapate rail stationona re'ange songchina watatchina watataha.

Salgnimangni ja'mano ua chonchongipa bi'sarangko aro ma'gipako rime Baghmarao na'baditaha.

Skul poraigipa me'a aro me'chik bi'sarangde Calcuttaon boardingo dongrikaha. Nokko nirokchina gita jonggipa Jemon S. Marakko aro departe Rameswar Sangmako donbaaha; maina Gongsin an'tangde be'en an'sengjachim aro songona sokbaon adita bilongbataha. Ia salrango ua nokona Culcuttaoni re'baani somoio mal palani tangkarangko baditaba hajalrangra'baaha. Unon Mymensinghonko Deputy Commissioner Sahebkomol'mole police sak dokko watatpachina ine bi'aha. D.C.-ba police sak do'ko watchapataha. Indake Jariajanjal Stationoni gure gariko ra e uano tangkako gario gate police sak dok

baksa an'tang re'chape Birisiriona re'baaha. Bi'sarangnade aro mani maangnade dingtang gariko ra'e apan re'baaha. Birisirioni Baghmara songona matchu garlo an'tang baksa police-rangko gatchape are matchu garl ge'gipino bi-sarangko gate songona salbaaha. Uni salbagipa tangka nogotrarachim. Uni gimin police ra'chap-na man'jaode kenchakanl bang'achim.

Aganbagimin gita uni saa bilongbatahani glmin ua antidamo donggipa an'tangni gadang-gni noko dongalaha.

## BAK XVI

### M.B.E. UPADHIKO RA'NA TURACHI RE'ANGA.

1917 bilsini August 17 na skangan angade angni abitang saa bilongani gimin re'basoe song-onchim. Ja'mano angni Calcuttachi re'pilangna skang angni mamatanggipani saa bilongako nike re'angchipjaha.

Salsao anga angni mamatanggipani saako nina antidamona re'angaha. Anga angni jako ra'bitanggipa magazineko ra'e mamani skopango ehokio asonge uko poraie dongtimengachim aro maniba palangni sepango chapchap asonge gijipko ra'e sagipanan jiptimengachim.

Bilsi 1920 September jani 4 - gipa tarikni priug sku adha bajimang ong'aha. Shusung Durgapur Post Officeoni saksa telegraph peon aro Bulgondas telegraph klogsako ra'e nok gadang-gnini ka'mao Gongsin Mahajonko am'eaha. Anga uamang sakgnikon kosakchina okamdoat-aha. Peon aro Borgondas sakgni Gongsin Mahajouni saako nike salam ka'aha. Unikoa peon telegraphko on'aha. Mama telegraphko ra'e kulienba angna poratchina on'aha. Anga telegraphko poraie A'chik ku'sikchi aganskaaha. "Commissioner Turaona Septembarni skanggipa antiosokgen unon nang'ni M.B.E.Titleni Medalko on'ani ong'gen. Turaona re'babo aro Commissionerko grongbo" Jekon Englishchi se'ha: (Commissioner of Assam and Surma Valley arriving at Tura on first week of September, 1920. Your M.B.E. Title Medal will be awarded. Come

to Tura and Commississloner positively.) Uni ja'mano mama angko nie aganaha. "Na'a bakbak Modunath K. Sangma, Master aro Rongding Sangma lamang sakgniko mandewatate rimcoatbo" Uamangko okamna anga pante saksakowatataha. Kantasamangni jamano sakgnikon mamanituram kuturiona rimdobaaha. Indake choki ge'gniko ra-bae on'e uamangko asongataha. Commissionerni telegraphko Masterrangna on'aha. Mama uamangko an'tangna telegraph see on'chinasa okamaha ine aganaha. Uni ja'mano blni sarkar saksako okame telegraph form aro kali kolomko ra'bae on'china aganaha. Kolom aro kalirangko ra'bae on'mano uamang sena a'bachengaha.

Skangglpa, Gongsin Marak Mymensinghni Deputy Commissionerna sechina aganaha, "Ka'sapae first class railway compartmentko reserve ka e Netrokona statlonona aro unoni Mymensingh gita Bahadurabat ghatona arrange ka'pabo" Gnigipa, S.D.O. Netrokonana seaha, "1920 ni September 6 tarikni attamo anga Netrokonaona sokgen. I. B. - ko reserve ka'pabo" aro angni ukil Nirupendro Banerjee ko aro Civil Surgeonko aganpabo, anga saenga." Gittamglpao, D.C. Turaona seaha, "Anga Septemberni skanggipa antio Turaona sae re'angenga." Telegraphni peon aro Borgondasko pringgiplino re'angchina aganaha. Aro uamangna song'e chane cha'ehina merong mechu aro nangarangko on'china maniko aganaha. Maniba babilslni manderangko okame aganaha, "Na'slmang la angni seglmia telegraphrangko masterna ra'ange on'chinaasa anga na'.

simangko rimrikaha" Sokani salon uamangna Gong'oongako sakprakna boksis one song'echane cha'ataha. Aro telegraph ka'ani rositrangko post Officeni dak gita angni bimungo Tura addressona watatchina anga masterna seatenga ine aganaha. Pring ong'ahaoa peon sakgnina telegraphni korosko aro uamangna bolsisko aro chu'onga gita tangkako on'e re'angchina aganaha Durgapurni Postmasterna dingtangmancha chittiko seaha Bilsa 1920-ni September jani skanggipa antini sombar salo ua an tangni Turachi re'gnini gimin chanchie gisik jajrengaha; indiba telegraphko sea kattarangko knae chinga pilakan re nas'enga ine ule ma'drangrang gisiko duk ong'aha aro uni abitanggipa Singin S. Marak re'bae jinggipa Gongsinna grape aganaha, "Salo changsa ba changni dake songon rangsina man'gija dake na'a nom engga, maldake re anggnok Gongsin?" Unon Gongsin abitangna aganaha, "Na simang Sorkarina bate dal'batama, je ong'oba angade sibo tangbo re na nanggen" Uni pringon ua an'tangni chakolrangni dal batgipa Ringjan Marak aro Tiwil Sangmamangko okame aganaha. "Na simang chakkolgipinrangko rime an'chingni ring dal dalbatgipa kangniko jamote uni kosako pangna dakronga gita na simang toktako ane berako dim'e nokkingko am pangchi rape ringo nok rikbo" Uamang uni agana gitan dakna ku'chake re'angaha aro un salon ringko ghatona chobae re'baaha. Ua salara angni gisik ra'a dipet 1920 bilsini Septemberni 5 gipa sal ong'achim.

Ja'mano rikmanoa September 6 tarikni  
 priug dok bajlo ringo song'e cha'ani bosturangko  
 merong mechu aro kerosine tinko te'gni chu'dap  
 dakna tarie ra'angaha. Indako noko song'echa'gi-  
 ja ramao song'e cha'na ine chanchie nokoni chet  
 adha hajlmango re'chakatna tik ka'aha. Ringo  
 doktanl kosako mamani campcotko badale uno  
 biapko tarimano bakosrangko aro nanga koros-  
 rangko chuonga gita ra'e ringona re'angaha.  
 Ringko chona nokoni chakolrangko gimik sak  
 6 rimangaha. Indiba Turaona soke an'tang  
 baksa rimmade depante Rameswar Sangma,  
 gnigipa Jingreng Sangma, gittangipa Bodel  
 Sangma, iamang saknnian mamani depanterang  
 nanga gitchu. Brigipa angkoba rimani gimin  
 anga mamani saa obostako nike an'tangan kusi  
 ong'e rimanganl gimin re'angpaaha. Baghma-  
 raoni Simsang chiblmako ehoonango chikolo  
 chl gapachim w a c h i m i t l i n g ong'anl  
 gimlnRamao na'tok rim'gipa manderang chingko  
 gronge sako choangenga ine sing'aha. "Gongsin  
 Mahajon" ine chinga aganchakaha. Unon maji-  
 rang an'tangtangni ringko chobekbae Mahajonko  
 salam ka'e na'tokrangko on'ataha. Na'tokni  
 damrangko on'oba Majirang ra'jashim.

Durgapurni rajarang ringo Gongsin Maha-  
 jonko grongna sengsoengachim. Uamangba uai  
 ringko niksoe rajarang an'tangtangni ringko  
 obingona chobekbae Gongsin Mahajonko grong-  
 aha. Aro uamang namnama biterangko kokting-  
 rango koktinga, apple, nasboti aro drakarangko  
 aro dutkoba baltinsa ra'bae on'e donangaha.

Rajani Montri saksa Brahmon indine aganne bi'chakaha, "Bhogobhan apnar susto sorike nia jao, amre asir bat kore." Uko Achikkuchi aganode indake, ong'a. "Isol nang'ko be'en an'senge rimangchina chingni ska aro bi'a." Chinga Netrokonaona atam bri adha bajimango sokeaha. Uano Netrokonani S.D.O. aro Pollice Daroka, C.S. aro uni staff mamako ghato sengsoenguchim. Unon Civil Surgeon Gongsin Mahajonko I.B.ona dilange unon neng'takchina aganaha. Bini jakkalronggipa Nirupendro Banerjeeba uko gronge nangarangko sena nangode aganbo ine mamao aganaha. Netrokonani S.D.O. Nang'na first class rail compartmentko ra'bae donsoaha' ine aganaha. Bang'a Mahajonrang mi song'e do'bokrangkodeke uko okamachim lodiba mamade re'angna man'jaha. Mamani watatani gimin chinga aro ring chogipa chakkolrangba re'ange cha'e re'baaha.

## NETROKONAO WALTUA.

1920 bilsini September jani 7 gipa tarikni pring 6 bajimango Netrokonani Inspector Bungalow waltue, mamungba bilongdapglja walko re'ataha. Pringni cha'aniko sagipana on'aha. Aro pilak bara,bakos aro malrangko RailStationona rikangaha. Indake first class kuturisakode kanggope ra'ahani gimin Gongsin Mahajon baksan chinga sakbriba apsan re'na chol ong'achim.

Wachi ra'doangani somoi sokbae patalo ge'ani mirang tangsekgilgil dake nambaengachim. Salgipeng balkasin balbae angko aro nang'ko dangtapangon en'chisreng dake sin'naba a'bachengjok. Railni Guard nisanko mesokataha. Da-o railni skanggipa whistleko sikataha. Ringni manderang re'pilna skang railo gakate nokgipako ja'o dangtape salam ka'e re na hukumko bi'aha. Gongsin uamangna indake aganaha. "Jensalo na'simang angni telegramko man'sogen, unon bakan ringko, jeona aganata uanona chobabo" Ringjan Marak aro Tewil Sangmaba indake dak-na ku'rachakaha.

Gongsin Marak, "uamango kosos chu'ongkugenma ine" sing'aha.

Ringjan Marak, "chu'gimikan dongenga, mamungkoba nangjawa" ine aganchakaha.

"Na'simang salsade sokangjawa, uni gimin nangipamandeni ghatrango ringko kape waltudilangbo" ine aganataha. Uni ja'mano gnigipa whistleko on'e rail Netrokonaoni Mymensinghona 1920 ni September jani 7 tarikni pring 7:30 bajio re'chakataha.

Ring chogiparanga ringona re'ange ringo gakate ringni ringkuo chiko satdape ringko miksuat, manggio chogipa Ringjan Marak kewalko rim'e "Ka Dawani de, a'songtang chigatangna gringtang nokmatangna chigana nokkapna" ine toree choangaha.



*Mymensingh Stationona sokbaa* : Netrokon-aoni Jarla Janjal Stationko salgro sallramchi done Sibganj-o, Purbatolla Stationko wate ramram chonchongipa biaprango passengerrangko donrot-rotbae pring 10:30 bajimango Mymensingh Stationona sokbaaha. Rail Stationo Hakim saksa, Daroka aro Policerang Gongsin Mahajonka grongna sengsoengachim. Uamang niam gita Gongsin Mahajonko salam ka'soaha. "Na'a waiting roomo sengsogenma ba Inspection Bunglawchi re'e uano sengsogen? ine uamang sing'aha.

Gongsin Mahajon, "Bahadurabad ghatona rail mai somoio Mymensinghko watgen?" ine sing'aha.

Station master, "Gari attam 2:30-o wate u ghatona atam 4:30 bajio sokgen" ine aganchakaha.

Inspection Bunglawo name dongtoe neng'-takna man'batgen ine chanchie, Doctor Babu taxi ge'sako bhara ra'e uko Inspection Bunglawchi salangaha. Doctor, Hakim Saheb aro Daroka babuba apsan garion Bunglawchi re'angpaaha. Chingni gario donggipa pilak bosturangko Railni Guardo chabiko bi'e tala teke donange, chingaba gure gari ge'sako bhara ra'e Inspection Bunglawchina mamako ja rikangaha.

Inspection Bunglawni chokidarko okame Jongsin Mahajon an'tangko dongtimgiparangna

( Hakim Saheb, Daroka aro Doctorna ) hoteloni-ko cha aro mistiko ra'eate on'aha. Unon Gongsin Mahajonko nigipa saksu ukil Sudangchu saran Synaiba re bae cha on'ako ringepaaha.

Unon Gongsin Mahajon Ukil babuko telegraph kingsa sechina molmolaha.

Ukil : "De sana sebo" ?

Gongsin Mahajon : Latif Meah Khan Bahadur, M.B.E., Mankachar - Anga snigipa atamo nang'ona sokgen, ka'sapae sengpabo. Gongsin, M.B.E., Mymensingh."

Ukil antangni bagoniko telegraph formko bikote uni agana gita semano, chowkidarko watate telegraphko ka'ataha.

Doctor Saheb Gongsin Mahajonna indine aganaha, "Na : de Mankacharoni Turaona re'angnade namen neng'gen maina matchu garioba nang'nade namen mobia aro ja'achide na'ade mansrangjawa. Uni gimin nambata kupatiani, na'a plki gosako bree iamnikoon ripena mardekoba sakdok rime ra'angjolbo" Hakim Saheb aro gipinrangba, uan nambatgen ine agane on'paaha. Sagipa antangba ukon dakna kusi ong'aha.

Uni gimin Hakim Saheb Daroka babuko tik ka'e ra'echina watataha. Indake Daroka

babuko watate uaha re'angbebeaha. Kantasamangni ja'mano Daroka sokbaaha. Gital palaki ge'sako Rs. 80/-na brebaaha aro uko ripena oria jatni coolierang sakdokkoba rim-baha. Uamang sakprako Rs. 50/- ko bl'aha. Cha'a ringeni aro re'pil wepilani koroshkoba uno manchapgija tik ka'aha. Ukil babu aro Hakim Sahebba uan krara, namaha ine namnik-paako mesokaha. Gongsin Mahajon namlike Palkini d a m k o gong 80. on'aha aro coolierangna s a k p r a k o Rs. 10/-ko on'soaha. Uni ja'mano Hakim Saheb Darokakon stationona watate chingna tikitko rae gatatchina watataha.

Somoi sepangahani gimni Gongsin Mahajonko Hakim aro Doctor taxiko ge'sa ra'e stationona dilange gario gate doneaha. Chingabasakbriangure gario re'ange gario gakate dongeaha. Indiba Bodel Sangmako oria coolierango baksa apsan re'china uamangni rel dabhani Guardo agane apsan gate watataha.

Re'chakatna skang Gongsin Mahajon an'tangko sengsee dakchakgipa Hakim Saheb, Doctor, Daroka aro Ukilko mitele salam ka'e re'angna on'aha.

Mymensingh Stationoni 1:30 atam somoio wate chinga gario re'ange Bahadurabad chobataram ghatona 4:30 atamo sokesaha.

1920 bilisni september 8 tarikni 4:30 bajlo tangka gong 50/- na tik ka'e ring dal'a kansako

man'e Mankacharona re'na tik ka'aha. Bahadurabad ghato ringoni 'ong'ona palki ripegipa sak dok 'aro palki ge'sakoba apsan ringo gate choangaha. Ring dal'ani gimin dongtoachim. Ring re chakatna skang kuli sak dokna sakprako gonggni ka'e hotelo mi cha'china on'aha.

Una agreba uamangna ramaona tipinna gita rongchu seer 4 chatu seer, 4 kari poasa aro jalik gitangko bree uamangna 'on'aha.

### MANKACHARONA SOKA.

Balwa namani gimin majirang ba'rani badamko ping'e "Ai batas pabam" ine ringko name wataton chipakore rama chite, a'songtang A'chik songna ka'pak ka'pak chingko songdu chibimao chodoangaha. Kanta 2 mangni ja'mano Songduko jakasichi gale salgro salaramahi choekange jinjiramko chodoe Mankacharni sepang gita jokbagipa kulu chibima ba Ganolko chodotale atam 8-30 bajimango khan Bahadur, M.B.E. ni Ghatona sokaha.

Mahamud Latif Meah Khan Bahadur M.B.E an'tangni Ghato telegraphko man'soe chaprasi saksako nisochina donachim. Jensalo Gongsin Mahajon Ghatona sokah; unon chaprasi rangsao nokchi re'ange sokbaanika nokgipana ulat'aha. Ua an'tangan re'bao an'tangni ripengtang Gongsin Mahajon, M.B.E -ko an'tangni kachariona rimange asongna on'aha, maina ua biapko tarisoe una donsoachim.

Re'angmitingon mama Jinjiram chisamo anti chagipako nikaton uanote'rik malbok palako nikate brena watatanl gimin chinga bree ra'baha. Khan Bahadurni kachari barandao asongmitingo ua te'rik cha'na bi'ani gimin una on'aha Te'rikko cha'manarin adita donge ua gusuna a'bachengaha aro ramaona bate dongsiksakbataha. Indake rang'sitna man'gija dake biaptango tusie neng'takmitingon ua nombokaha. Ua somolo Khan Bahadurba dongachim aro Doctorba rebae tiktak nikdikeaha.

Doctor, "Na'a ramaoba indake gusubaa-hama" ine Gongsin Mahajonko sing'aha.

Gongsin aganchakaha, "Ramaode mamung-ba dongja. Doctor, namen sokbaaha."

Doctor, "Indide na'a maikoba cha'ama?" Gongsin, "Anga ia te'rik rongsako cha'achim" ine aganchakaha. Uni ja'mano Doctor aganaha, "Te'rikde ka'singipa bostu aro na'a skengnin gusue saengani gimin nang'na namgni ong'ani pal batesa namjabatani ong'aha." "Jajrengnabe'" ine Doctor agane sam ra'na an'tangni dispen-sarychi re'angaha. Adltani ja'mano Doctor Nurse saksako rime re'baaha. Doctor gingsikani aro bibako chakanl samko ra'bae on'aha. Un baksana chi ding'ako roboini bagke ka'tongo imaha. Indake Doctoral joton ka'achi kantasani gisepon komiangaha.

Un walode Gongsin Mahajonde mamung cha'anikon cha'srangjaha, Indiba Doctoroi agana gita do'oni Soup ritako ringna on'aha.

Khan Bahadur Saheb rokomari namnama bi-jakrangko songe on'ahachim indiba sagipade mamungkoba cha'na chol ong'jaha. Chingaha gisiko jajrengen cha'oba cha'ani ringani sukone'jaha. Indiba chingade on'ani gimn cha'aha.

Chinga mosasa sakbri chingni tusigipa kuturio "Songode ua sagipara walantian chang-saba changgnide nom'boka indiba da'o ramaode lan skanggipa. An'chingko Nokgipan dakchak-chong'motenga" ine sruk golpo ka'ataha.

Depante nanga Jingreng Sangma Indake aganaha. Songoara salantian saobasaoba basakoba Rori mahajonrangba rokomari cha'ani aro mltairangko ra'bae donanggen uarangko jekoba on-tiprak cha'e ntachi namgljachi ong'akon ine chanchia." Chinga sakantian an'tangtangni glsepo "A'selde nimgijanin ong'batna kraa" ine ramram una cha'na on'jana chinga chanchlaha.

Indaka obostao walsakode re'ataiaha. Pringo Khan Bahadur Saheb chingna Indake ku'patie aganaha, "Matchu gariko ge'gni tlik ka bo aro malrangko gate na'simangoni sakgit-tam pringkale aldaona re'sobo. Palki ripeglipako saksa re'na gong'rakbatglpako ja'rikatbo,

ong'jaode matchu garide sokningjawa, unode song'na channa ruutgen." Ua Sahebhi agana gita dakon namgen ine chanchle Gongsin Marak gariko tik ka'e aro malrangko gate re-sochina aganaha. Chingaba sakgitaman gari ge'gnio pringnin re'soaha, Indiba sagipako jarikchina palki ripegipa baksa Bodel Sangmako donbaaha; maina uara mande bilaka aro gong-rakachim.

### MANKACHORONI RE CHAKATE DAMALGREONA SOKA.

1920 bilsini September 8 pring dok bajio chinga sagipani palkiko ripebana skang matchu gari ge'gnio sakgitam Tura ramako a'bachenge re-chakatangaha. Chingni matchu gari tarakanl gimin chinga Damalgre Dak Bungalow ona sal bang'kalengon sokaha. Indake song'na channa am'bolrangko on'china chowkidare bi'e sagipant sokna skang una nangsogiparangko song'e chane matchotsoaha. Chingni jaman palgi ripegipa kulirangba songna channa a'bachengaha. Uamangnade chinga karahi da'dalgipa ge'gniko ra'bae on'aha, jedakode ge'sao miko aro ge'gipino bijakko song'na man'gen. Uamangnade chinga karahi da'dalgipa ge'gniko ra'bae on'aha jedakode ge'sao miko aro gipino bijakko song-na man'gen. Uamangde salprako patiprakna merong seer 4 adhako karahio ritgen. Uni ja'mano sakprakprakan an'tangtangni tala sil dal'gipao kariko brine men'diko ringchengesa tipatgen. Indake miko song'a aro chunkol ge'

sao dalko karahi ge'sao ritgen. Dal ritaon alu-  
koba sakprakna ronggitam ka'e chane sikchap-  
gen. Alu minahaode aluko otras dongen,  
unikode holdiko aro kariko sike jalikkoba  
ritchappen. Ja'mano Kolsollo rasinko aro jalikko  
ratchemcheme toko kolsollo wal'kolo ding'atgen.  
Unon rasin aro jalikko minatenba kolsollo  
gnang toko dal ritgipa karahio kolsolliko sim-  
bolatgen. Indake uamang dalko jo'achim.  
Unikode ritgimla aluko okee jal'ik aro rasinko  
dingtang rate an'tangtangna bolta dake  
ra'chenge karahisa miko an'tangtangni talao  
gapprete suale saaha. Uko bon e cha'gen. Uan  
uamangni salanti cha'ani bewal.

Cha chinrangkode on'e ringosa gisepo  
ringala indiba mesal cha'ani somorangode cha-  
tuko chichi dim'e rasin aro jal'ik, gitangko  
kari baksa cha'achim.

Ghngaba an'tangtangna dingtang song'e  
matchotahaode sagipana on'ehenge cha'e ringe  
neng'takaha. Waaloba mamungba a'selgri walko  
re'ate pringko man'aha. Indake chinga Damal-  
griona atam 4—30 bajio sagipako sokbadilaha.

Bilsi 1920-ni september 9 tariko re'ronga gita  
ge'gni matchu garlo chinga pringni Damal-  
grioni Turaona re'soaha. Bodel Sangmako sagipa  
ko ripegipa Palki baksa ja'rikbachina donbaaha.

Chingni gari seng'gnangan Hawakanaona  
sokbaaha. uano chinga gariko dondike mat,



chuna wa'tre blijakke den'e jeng alaha. Turaana sokon am'bol so'na dongjawa ine chanchie chinga am'bolko am'e gari ge'sao bang'kale chimonge salbajolaha. Indake chinga atchu Bong Lasker sagini nok rike dongipa aldaana soke neng'taksoaha.

Chingni song'eehanematchotna sio sagipako ripebagipa kulirangba sokbaaha. Chinga sagipani kemkatko aro biaprang tarie donsoaha.

Palkloni ong'kate nok barandao chokio asonge mama neng'takaha. Ua angko singaha. "Na'simang soka ruutahama?" Unon unga Sal bang'en sokaha, indiba Hawakhanao matchuna jeng on'e, am'bol am'bae gario gate salbajolesa da'o na'simangna skang adha kon tamang neng'taksoaha ine aganchakaha. Mama chingko am'bol am'baama ine singaha? Unoa chinga O'e, am'bol am'bajolesa ruuta ine aganchakaha. Mama aganaha, "Nambejok. Na'simangba skang Turao poraiange antangtangaa am'bolna dilako uie a'chame dakaha. Nambejok."

Uni ja'mano ua biaptangchi re'ange depan-tegipa Rameswarko okamataha. Pagipani okam-anigimin Rameswar pagipachi re'ange okamatani a'selko singeaha." "Na'a nang'ni pajongtang Jaran Ponepak aro uni nokko glsik ra'engama?" ine pagipa uo singaha. Unon Ua Playgrond sepangode, uiengkua" ine aganchakaha. Unon pagipa uko pajongtang Pone pagipachi watate

an'tangni sokbaaniko una aganechina aro ukoba rimbajolchina aganataha. Rameswar pajongtang Ponapani nokchi re'ange una pagipani Turaona sokbaaniko agane ukoba rimbajolaha.

Sokbaahaon, Ponapa Jaran Marak Gongsin Marakko salam ka'e "Saan namjaengakonde" ine singaha. Unon mama "Saa namjaenga, oe" ine aganchakaha. Angni Turaona Sokbaaniko Boro Sahebna ulatchina Inesa angade nang'kode okamata ine Gongsin Marak Ponepana aganaha. "Anga slip see Pare Babuna ulatna man'genba" ine agane Jaran Ponapa noktangchi re'angpilaha. Indake ua nokchi re'ange Pare Babuna type ka'e D.C-na ulatskachina seataha.

Deputy Commissioner ulatako man'on Daroka Policena aro Civil Surgeonna Gongsinni sokbaako ulatskaaha. Daroka policerang skang sokbaaha.

Ja'mano Civil Surgeon nurse saksa aro compounderko rime re'baaha. Indake walo sanchina aro samrangko somol gita kanchina ua nursena agane donangaha. Nango rang'gitik rikangna nangnaba donga ine chanehle police sakgnikoba donangaha.

Boro Sheb re'nasio mamana indine aganaha. "Commissioner Shab sokbamanaha. Nangna knal priag 10-30 bajlo M.B.E.-ni medalko patani ong'gen, ine darangni mikkango parake aganaha. "Unon Gongsin Marak an'tangni jako towelko ra'bite Boro Shebchiko nle gapaha.

Gongsin Hindichi- "Hato bukar adimi, itnabharis upadiko laye, ham Sarkar Bahadurko kila saharja karne sakoge, Hujur." "Ang gita rogi man'gimin mande, indita dal'a upadiko ra'e Sorkarina mal mingsa namgniko dakaa man'kugen. Hujur ine aganchako duk ong'aha.

Boro Saheb- "Don't worry for that, this blessing will effect your future generations." (Jajrengnabe, ia patianirang naan'na duritchuranga rengsi tikanggen) ine Deputy Commissioner Saheb gamchatbea katachi kan'dike agano ku patie re'angaha.

Sorkari design on'gimin sample ba'ra "Navy Blue" sergeko skangon ua an'tangni M.B.E.-ni titleko man'aha ine ulataniko man'soon ua ba'ra sergeko sample ra'e Calcuttachi re'ange M/S Rankin & Company, Calcuttao M.B.E.-gownko sikaha. Sike ra'bagimin chugimik full pant, coat, waist coat, aro capko aro juta muja aro sonani pocket watchko gane tarie an'tangni Palko Kacharinl pandalona re'angaha. Ua an'tangni bimungko sonachi seenba tarigimin agar bolni gol dikkeba pakree gate ra'angachim.

## BAK XVII

M.B.E.-NI MEDALKO PATNA MEETING  
KA'E MATCHOTATA.

Pandalni ningro mitapsa saibana chongmotan skango Indiani Rajarangni asongchakanl kosako ba'ra'ko tambu dake koe, nitoe tarigiminko nokningni kosakni kokimao pingachim. Uni ning'o chairmanni linenl mikkango velvetni ba'ra'ko pindape soffo choki gegitamko donsoachim.

Darangan pandalni ning'o chakpllgija asongsoahachim. Jensalo Gongsin Marakko ripebagipa Palki sokbaaha unon uko palkioniko jakrachi saksa Hon'ble Khan Bahadur Md. Latif Meah, Mouzadar, M.B.E. aro jakasichi saksa Hon'ble Janggin Sangma, Lasker, M.L.C., M.B.E. Dilkepenba pandalni ning'ona rimbaaha. Unon darangan uko mande ra'e chakatsoaha.

Chairmanni mikkango tarisogimin velvetni choki gegitamni gisepo jangchio Hon'ble Gongsin Marak, Mahajon, M.B.E. - ko asongataha. Gongsin Marak, M.B.E. - ni jakrachi saksa aro jakasichi saksa M.B.E. man'sogiminrang asongaha. Jinmanl asongna skang Sir Beatson Bell, Commisniener of Assam and Surma Valley re'bae Hon'ble Gongsin Marak, M.B.E. - ko salam kachengaha, uni ja'mano joljol sakgnikoba salam ka'mano jinma jakpako doke, Chairman, Garo

Hillsni Deputy Commissioner, jakchi chin dake darangkön asongataha.

## MEDAL PATANI MEETINGNA PANDAL RIKA

Garö Hillsni skotong Tura town-ni Kaehari gitcheam Bungalowni barandao pandalko rikaha. Nokinko tin gitalchi chali dake pindapa. Adita ro'e aro dal'e rikachim. Ua tin chalini kokimao "Saibana" skangni Indlani Rajarangi asongchakanl kosako pindapgipa pul dake kogimin tambuni ba'arako nitoe pindapachim. Pandalni ming'o asongchakna choki aro benchrangko sakritchagnimangna chakna glta donmano, doktarangkoba manderangna asongna donsoaha.

Chairmanni asonganl lineo dal'dalgipa Officerrangna riting dake asongchakanrangko mikkango donachim. Uni mikkango jerangan Member of the British Empire(M.B.E.)ni titleko manaha, uamang sakgitamna donsoaha. Ua ge'gitam sefani chokirangko order on'e tarisoahakon. Gegitamkon apsan dake velvetni ba'rachl plndape dandanani janggilchipakba chuesa dachim. Ua soffao rikam ge'gnio saksa jakrachi sakgipin jakasichi asongachim. Jatchlo Hon'ble Gongsin Marak, Mahajon, M.B.E.-ko asongatachim.

## MEETINGONA OKAMGIMIN MANDERANG:

**Skang M.B.E. uphadiko man'sogiminrangoni:—**

1. Hon'ble Kkan Bahadul Md. Latif Meah, Mouzadar, M.B.E.
2. Hon'ble Janggin Sangma, Lasker, Nokma, M.L.C. M.B.E.
3. Hon'ble Gongsin Marak, Mahajon, M.B.E. Unan tuleko medal on'na meeti g ni mangsonga ong'achim.

**Chairman, Garo Hillsni Deputy Commissioner, A'chikku pe'timna Modhunath G.Momin-ko sesoachim. Una agreba gipin okamako man'giparang :-**

**Mongsonggipa Departmentrangni Officerrang jekal, Garo Hills Divisionni Divisional Forest Officer, Garo Hillsni P.W.D. ni Supervisor, Garo Hillsni Civil Surgeon, Garo Hillsni Schoolrangni Deputy Inspector, Goalpara Sub-Divisionni Sub-Divisional Officer, Dhubri Sub-Divisionni Sub-Divisional Officer. Missionaryrangni gisepe Dr. M.C. Mason, Dr. E.G. Philips, Dr. H.W. Harding, Rev. W.C. Mason. Una agreba gipia Missionary aro Miss Sahebrang.**

**Mission M.E. Schoolni chatro chatrirangko welcome git aro Garland patanigitrangko Schoolni Staffna pal on'achim. Pilak toromko dilgipa Reverendrang aro pamong procharokrangkoba uanona okamachim.**

Garo Hillsni Nokma, Sardar aro Towno songdonggipa manderangko darangkon la tomaona okamachim.

Dakrongbewal gita dingtangmancha'meetingni programmeko chapa ka'e daksoachim. indiba medal patako man'gnigipa saengani gimln meetingko bakroe ra'jawa ine aganachim.

*Meetingko a'bachenge chu'soke matchotata:-*  
Chairman, Deputy Commissioner, meetingko a'bachengataha. A'chikku pe'timgipa Pa Modunath G. Momln Chairmanni aganako A'chik ku'sikchi aganskaataha. Pilakna skang M.E. Schoolni chatro chatrirang Welcome gitko ring'chenge, Assam aro Surma Valleyni Commissioner, Hon'ble Sir Beatson Bellko rimchaksoe jinma chadenge salam ka'manome'chik bi'sarang aakglam pulni malako git ring'e Commissionerna pataha aro jinma jakpako dokaha.

Deputy Commissionerna aganna cholko on'on, ua aganaha aro loljol dakna nangni kamko dakangna skang military beguldar begulko sikataha. Unon Assam aro Surma Valleyni Commissioner Hon'ble Sir Beatson Bell chakate jinmani salamko ra'chakmano British Emplreni Union Nishanko badalaha. Upi ja'mano jinma chakate "Raja Namgipako Tangbangchina" ingipa gitko jinmaan ring'manahaa asengtokaha.

Pa Modhunath G. Momln Sir Beatson Bellni aganako A'chikku pe'timgipa ong'e uni sepango

chadengaha. Unon Commissioner indake a'ba-  
 chenge aganaha. "Anga Britist Emplreni orderko  
 Indiani Government-General Sir Andrew Clow  
 uiatskaako man'soaha. Unon orderko Hon'ble  
 Gongsin S. Marak, Mahajonko, una M.B.E. title  
 on'gimia medalko Britist Governmentni pal  
 on'na re'baaha.

Ua mande ra'a man'gipa member da'o an'-  
 chingni mikkango sakgitam asonggiparangni  
 gisepo jangchio asonggipa ong'a. Unon mande  
 ra'ako man'gipa Gongsin S. Marak an'tangko  
 mesokna chakataha. Ja'mano uko asongatpilaha.  
 Assam aro Surma valleyni Commissioner, sir  
 Beatson Bell toromna gisik nanggipa ong'a ine  
 uina man'a malna ua aganna skang missionary-  
 rangoni saksako Isolo bi'ate, uni bilko bi'chenga-  
 ha. Indiba sawa Isolo bi'achim uko anga gisik  
 ra'jaha.

Commissionerni aganako A'chikku pe'-  
 man'o aro aganmano medal pate ua an'tangan  
 salam ka'aha. Hon'ble Sir Bell, Commissner,  
 indane aganaha, "A'gillsak aro salgini Raja Kris-  
 to matchu nolosa atchiaha, ua darangni mitchi-  
 gipa blaposa atchiaha. Indiba ua matchu nolni  
 ning'o tuon salgini askirangko ale ulgipa Gonok-  
 rangna Rajani atchiani blapke mesokaha. Unon  
 Isolini Depante Raja bakgitchakko nikbebeaha."  
 Ine Pa Mohunath G. Momin peskae jinmana  
 ulataha. Commissioner Sahab indake aganang-  
 kuaha, "India apalbegipa a'song ong'a uni gisep-  
 on A'chik a'songni A'chikrangko mande an'chi



ringarakgipa, so'otrakgipa aro skla man'jabatgipa ine A'chik a'songko aro uno songdonggipa mande rangko chonike mitchle aganoba British Sorkari aa'tangni sona ronggitam dongako, 'un mitchigimin biap aro manderangni giseponikoa'gilsakna aro Britith Empire gimikna mesokonga" ine suubee toe aganaha.

Bon'kamao Commissioner indine aganaha. "Mande ra'a man'gipa Gongsin S. Marak, Bong Laskerni su'gipa ang'a ine anga knaaha, uni atchutang Bong Lasker Garo Hills gimikni Laskerrangni gisepo gisik gnangbatgipa aro Sorkariko mande ra'gipa aro sorkarini mande ra akoba man'batgipa ine blmungko man'aha. Uandake jekai atchutang uni su'gipa Gongsin Marakba mande ra'ako man'gipa ong'a aro uni gun aro mikkim rasong atchutangan: sretja. Batesa uni derltchu aro su'ritchuna chasongni chasongna rpinge mangrakgipa Sorkarini jakaltobegipa matgrik aro jakkaltogipa silchidare gita ong'china" ine aganchote uni sepangona re'ange chadengaha.

Unon amjaoba ua (Gongsin Marak) chakataha. Uni chakatmitingo Doctor aro Nurue uko rimkepe uko chadengna dakchakaha. Hon'ble Sir Beatson Bell, Commissioner jaktangchi Gongsin Marakni jakasini. Coatni ka'uko M.B.E. ni gamchatgipa medalko patmané; jaktangchi uko salam ga'aha. Commissioner antangan Gongsin Marakko rim'e uko chokiasongatna dakchakaha.

Jinmaba kusi ong'e jakpa doke rasongko on'aha. Uni bak tapan me'chik bi'sarang re'bae pulni malako Gongsin Marakni gitoko pate gitko ring'aha. Jinmaba pil'e jakpako doke rasongko on'talaha.

Gongsin Marak, an'tangna medal patmanani ja'mano amjaoba chakatna skake nlike Doctor aro nurse rimkepe chakatataha. Gongsin Marak indine aganaha, "Sir Beatson Bell, Cammissioaer, na'a nang'ni gamchatbea somoiko koros ka'e, angnasu'ubea aro gamchatbea ku'patianiko on'an baksa medalako British Sorkarini pal pataha. Nang'ni duk ehake ia ga'nanggija blapona re'bae duk chakanina anga nang'ko mitelana agre ango mamungba on'pilani dongja. Na'a jekal Billakgipa Isolni bilo pangchake ia medalako an'tangan rim'e angna pataha, u a n d a k e G i t e l bilakgipa janggnl mukutko nang'na patsochina angni ska aro bi'a." Pa Modhunath G. Momin Englishchi pee su'ubee aganskaaha. Uni pe'skako matchotna skangan Gongsin Marakdo amjae grape asongaha.

*Chairmanni mitelpile aganani:-*Deputy Commissioner, Garo Hills, Tom'ani Chairman indine mitelpilani agana:

Skanggipae, Assam aro Surma Valleyni Commissioner, Hon'ble Sir Beatson Bellke an'tangni gamchatbea somoiko koros ka'e Turaena re'bae kamko chu'sokatahani gimni ua uko mitelaha.

Hon'ble Khan Bahadur, M.B.E. aro Hon'ble Janggin Lasker, M.B.E. Nokma sarderrangko aro manderangko didiate dakchakahani gimn ua uamangko mitelaha.

Gitangipao, Goalpara aro Dhubriul S.D.O.-keba tom'ao dongpae dakchakahani gimn ua mitelaha.

Brigipao, Garo Hillsni Head of Departmental Officerrangkoba ua mitelaha.

Dingtangmancha Missionary Sahebrangko aro gipin toromni dilgiparangko ua mitelaha. Una agre uamangni schoolni bi'sarangkoba ua mitelna gualjaha ine aganchote ua tom'ako dontongaha.

Meeting be'aha. Tom'aniko matchotatna skang meetingko chu'sokatna kam Kadilgiparang leka gitachak rimit dakgipako petchoke tarle skoo stike re'baenba Sir Beatson Bell, Commissionerko aro M.B.E. sakgitamko de'mitele changgitam inchroaha. Una agreha Chairman, Deputy Commissionerna, Missionary Sahebrangna aro Schoolni bi'sarangna aro masterrangnaba changgitam mitelē inchroaha. Indako tom'aniko ga'subee matchotataha.

Ua tom'aniko chu'sokatna kam kadilgiparangara, angul gisik ra'a gita, townni dalgiparang ong'achim, jekal.

1. Singdon K. Sangma, 2. Narayan Peskar  
R. Marak.
3. Bilgan K. Sangma, 4. Stephen R.  
Marak, aro gipinrang. Una agreba me-  
chikrangba ja'nappachim.

Uamang an'tangtangni tarigimin dama-  
rangkoba doke dame aro sika moanirangko dake  
M.B.E memberrangko Janggin Lasker, M.B.E  
ni nokchi dilangaha. Uanon uamangna cha-  
chini aro mistrirangko ale cha'at ring'ito wātataha  
Turao medal patani tom'aniko 1920 bilsini  
Septemberti 10-gipa tarikni 12-30 bajio matcho-  
tataha.

Jinma re'bildangtokna skang Photographer-  
rang re'bae photokoba ka'aha, indiba photo  
ka'miting somoiode angade bazarchi re'angahanl  
gimin photo ka'ako nikangjaha.

Atam 3-30 bajimango Chandmany playgro-  
undo bi'sarangna susaaniko dakate boksirangko  
sualaha. i

Chingni dolba sagipako uni palkio Chan-  
dmaryona de'ange sagipa mamani dressko oke  
bodole neng'takna on'aha. Aro cha'an'rangko  
tarle sagipana on'aha. Atamchibora 5—30 bajini  
somoimango Babu Binoy Bhushan Roy. Doctor,  
Civil Surgeonni watatani gimin re'bae ramaona  
chu'ongna gita samrangko donangaha, aro  
ua an'tangba ka'tongrango tape on e adita dong-  
toataha.

1920 bilsini September jani 11 gipa tarikni 6—30 bajio chinga Gongsin Marakko songchi re'dilpilna tik ka'aha. Matchu gari ge'gniba Pentu Nepalni noksamo matchuko ka'e jeng rate on'e sengengachim.

Atam chet adha bajimango Assamo aro Surma Valleyini Commissiner, Sir Beatson Bellkko, uni personal Secretaryko aro Boro Sahebko Hon'ble Janggin Lasker, M.B.E. mi cha'china okamenga ine knasoachim. Gongsin Marakkoba ua alaonaokamatachim indiba saengani gimln re'angna man'jawa ine an'tangko alaona okampaanina 'mitele sechakataha. Khan Bahadur Mahmud Latif Meah, M.B.E.-koba apanan ua atamo okampaaha.

Uni ja'mano police saksa Commissonerni re'pilangani programmeko aro chitiko ra'e Gongsin Marak, M.B.E.-ona re'baaha. Commissonerni chitio indine seaha. "Nang'ni an'senge sokpilanganiko knana anga kusi ong'begenchim." Unon Gongsin Marak chitiko mane depante Rameswar Sangmako okamataha aro chitiko una on'e maiko sea ine pagipa singaha? Depantegipa chitiko ra'e "Nang'ni an'senge sokangpil-aniko kana sikgenchim ine seatade, baba" ine A'chikku pe'e aganaha. Unon Gongsin Marak, "Ja'mano songona soke aganchakna man'gen" ine agane chitike aro programmeko bakese chipi donaha.

Atamo tusina skang Townni me'aparang Gongsinko gongrikna re'batokaha. Uamangoni Pa Jaran Marak, Jasin Dobasi, Narayan Peshkar. Bon'kamao Khan Bahadur Latif Meah, M.B.E. aro Janggin Lasker, M.B.E. uamangna agreba gipin baburangba bang'en re bae nieaha.

Gongsin Marak salgimik aro walgimik mamung bilongdapani gri walko re'atna man'e kusi ong'aha. Pa Gongsin Marak, M.B.E. Rameswarko aro angko okamani gimin chinga unli sepangehi re'ange maina ine singaha?. Unon Gongsin Marak an'tangni sulcaseoniko tangka ritchasako bikote depantoni jako on'aha. Un baksama bostuni listiko on'e Abdul Gaffar Mahajonni dokanoniko bi'sarangna bosturangko ra'ebo ine chingko ge'etaha. Chinga re'angna skang ua chingkoba "Maikoba ra'genma?" ine singaha. Indiba chinga Turaoniko ra'jawa indiba Mymensinghoniko ra'gen ine aganchakaha. Chinga unli ge'eta gita bi'sarangna ehola ba'rako tike ra'manoa nekchina biscuitrangkoba chu'onga gita ra'aha.

## BAK XVIII

### TURAONI BAGHMARA SONGONA RE'ANGDILA

1920 bilsini Septemberni 11 gipa tarikni  
pring 6—30 bajo chinga re'ronga gita matchu  
garlo ge'gniko ra'e Turaoni Garobadhaona re'  
soaha. Indiba palki ripegipa aro Bodel Sangma  
kode ja'man donbae 8 bajimango re'bachina  
agane donbaaha. Chinga Damaigriona pringni  
chikung bajimango sokaha Uano chikung baji-  
mangni ja'mano chinga mi cha'mano sagipako  
ripebagiparangba sokbaaha. Chinga sagipana  
tarisogimin cha'anirangko on'e uko bungalowo  
neng'takataha.

Kulirangko mi song'eeha'china aganon uamang  
mikode song'e cha'jaha indiba rongchu aro cha-  
tuko chi dim'e kari jallik baksa cha'aisha.  
Chingade Bodel Sangmana esale sae donsoaha.  
Uko uaba ehingni ja'mano cha'rikaha.

Chingade uamangni cha'e neng'takmitingon  
Garobadhaona re'sotataha. Indake chinga 3-30  
bajimangni ja'mano Garobadhaona sokeaha.  
Kantasamangni ja'mano palki ripegiparangba  
Garobadhaona sokbaaha. Uni ja'mano chinga  
re'angkuna sikjaha malna sagipa neng'ani gimin  
ma'amachim. Ja'mano chowkidar am'belrangko  
chingna on'aha aro chirangkoba ko'e on'aha.  
Uni gimin chinga walna skangen song'a chanako  
matchote neng'takaha, Indake walgimik mam-  
ung a'sel gri un waloba neng'takaha. Indake wal-  
seng'aha.

1920 blisni Septemperi 12—gipa tarikni  
 pring 6—30 bajimango re'onga gita chinga  
 sakgitamde matchu gari ge'gniko ra'e Manka-  
 charona re'soaha. Nokchi re'pillengako uie  
 matchurangba taraken re'ani gimn chingade  
 Khan Bahadurni Kacharlona sal bang'en sokaha.  
 Ja'mano palai ripegi parangba 4 bajimango  
 sokaha. Indake chinga kachario neng'takaha.

Matchu gari ge'gnini nokgi parangna Turao  
 walsa waltuan gimn sakprako gongchigniko  
 bi'ani gimn on'aha. Aro uamangba kusl ong'-  
 beaha.

Wachikari ong'e chi adita dal'engachim.  
 Mankacharo donggipa Forest Departmentni Offi-  
 cer mama'ko ule ua an'tangni Departmentni  
 Patrolling Ringko chingna on'atahani gimn  
 chinga uq atamon re'na chanchlaha.

Nok nokgipa Khan Bahadur Latif Meah,  
 Mouzadar, M.B.E.-ba watatna skani gimn  
 ringko sepangona chobaataha. Ringko tiuchi  
 nokking rapa, bera toktachi dim'ani gimn namen  
 dongtobeachim, aro agre balwa nangjachim.  
 Ringona pilak bosturangko ra'baman'o ringni  
 majirangba sakbrian re'bae ringko ka'sne ki'me  
 pe'e watonataha. Bahadurabad chobatrunggipa  
 ghatona chinga walaagengpition sokeaha.

Kenani blaprangkode majhirangan blap-  
 rangko uiani gimn simlake watonate ringko



ra'baachim, A'selde ringo re'ronggiparangko  
basako basakobade dakait dakrongachim, u  
gimin slmsake chona nagao ga'aka.

Calcuttaoni re'bagipa passanger garl pring  
8:30 bajiosa Bahadurabad rail stationona sokba-  
ani gimin chinga uane sengsoengachim. Chinga  
ringo ong'engpitlon pringni cha'anrangkode  
darangan cha'manaha,

Ringoni pilakbosturangko stationona ra'ange  
sengaha. Station Mastero First Class kuturi  
dongama dongja ine sing'on dongja, indiba second  
class kuturikode kuturisa man'gen inani gimin  
uko book ka'e reserve ka'aha.

Ringni sakbrl majhirangna sakprakna gong  
10/-ko on'ataha aro unbaksana uamang rongchu  
ra'e cha'angchina uamangna gong 5/-koba on'-  
dapaha. Telegraph ka'na man'genma ine Sta-  
tion Mastero sing'oa man'gen ine aganaani gimin  
songchi Baghmaraon ring ra'bachina ka'ataha.  
Septemberni 13-gipa walo Netrokonaona ringko  
ra'bachina Ringjan Marakna telegraph ka'ataha.

Indakmiting somolon ferry gahato passen-  
gerrangko chobatbaengaha. Passengerrang garlo  
gakatman'on rail somoi gita 18:30 pringo  
Mymensinghona re'chakattha. Indiba Netroko-  
naona joljol re'gija u gariko bodole Mymen-  
singhona 2—30 atamasu re'chakattha sengaha.

Mymensingh Stationo chingna First Class kuturiko tik ka'china Masterko mol'molaha. Aro indake Netrokonani line tik ka'e tikitko ra'e donaha. Tikitrangko ra'e bosturangko rikae matchotmanoa, uano sing'ram kuturio sengaha.

Sagipa mama Gongsin Marak Turao on'na agangipa tangkako chinga sakbrina sakprako gong kolgrikko on'e skatangtangko brechina watataha. Mamako alimsochina chinga Jingreng Sangmako donangaha. Unaba tangkako on'aha. Ua an'tangna cholako brechina tangkako on'ataba. Uni gimla brebae glitchara tangkako una on'pilaha.

Sagipa Gongsin Marakko Turachi ripeang-gipa Oria kuli sakdokna tik ka'gimin tangkako on'e watataha. Indake uamangde uanon dong-rikaha. Indiba palkikode songchi ra'e re'angaha.

Chinga mamao bi'e an'tangtangni namnika bosturangko brena Mymensingh townni bazarchi dokan rangko am'ange brebaman'o mamani seng-soeng gipa kuturiona bakan re'bapilaha.

September jani 13-gipa tarikni 7-30 bajio chingni garl Netrokonani re'chakatango uanoni statienona 10 bajio walo sokeaha. Jajong nam-beani gimla chingna chebagiparangko nlike niatachima. Indake ringko uamangba garl sokbaani bakan garlona re'bae nie chingke ringena rimange bosturangkeba ra'angtokaha.

Chingni ringo patromaxko so'ani gimla namen niksengsrangachim. Ringona sokon mama sagipade an'tangnade mamungkoba song'na channa nangjawaha ine aganaha. Una agre ring chogiparangba an'tangtangde salon song'e cha'bamanaha ine aganaha. Uni gimla chinga sakbrinasan Ringjan Marakko ringo song'ataha. Uamang ringo majhirangoniko na'tok bi'ame ra'bagiparang bang'a ine na'tokrangko mosla on'e song'ataiaha.

Ringjan Marak ringko ka'sne badam ping'e wate chona ine mamao sing'aha? Unon ua "Na'slmang chiramako nikgenma, aro ringko rakkina man'genma" ine slogaha. Unon uamang chiramakoba nikgen aro ringkoba rakkina man'aigen ine agane balwa name baldoengani gimla ringko badam ping'e choangaha.

Salgio jajong namen ga'sue teng'engao Netrokona aro gipin songrangoni chisamjolni mandeBangalrang ring dala aro chonarango "Baital" gitrangko dotra doke, aro sarendra sale ka'srok ka'srok ringtangtangko badam ping'e choange Bongni antiko cha'na chosamsoangengachim.

Uamangko chingaba grongaha aro uamangba chingko gronge ringo sawa donga ine sing'aha. Uamangna chinga Baghmara Bong bazarni Gongsia Mahajon ine aganchakaha. Unon bang'an ulenba, oh, ua Mahajonma ine blimung mingsrange slog'aha.

Unon uamang "chinga ua Mahajonko uia aro chingaba ua antiko cha'na re'angenga. Chol ongode chingaba antio grongbagen ine agane" choangaha.

Ringo saenggipara angni mamatang gipin-rangni pagipa, wengipa aro adatang ong'e, una glsikode duk ong'chaka. Indiba dukko dondapeba bi'su panteni sal somoiko maikai walo ringo jajongban tong'engo darangba ka-srokchakgija dongnan manj'awa.

Anga da'o budepachibara ua sal ba somol-rangko nipilate glsik ra'e ka'pake mikchi rakja. Uandake darangan re'anggimin sal ba somo-rangko gualna manjawachim.

Chlkong gitammang badeangmano Ringjan Marak depante nanga Rameswar Sangmako aro chingko okame mi cha'china aganaha. Adita walba waltingahani gimin ringko badam wato nltimgiparangna agre darangan tusidapaha.

De'mesaani gimin mikrakoa mi okkriako glsik ra'e chakate chinga sakbrlan cha'aha. Chingni cha'mano gitchaako ring chogirarangba cha'talaha. Sagipa mamaba gario re'baa neng-ahakon tusidapaoni chingni mi cha'manosa mikrakaha. Unikoa ua jonggipa Ringjan Marakko okamaha. Uaon Ringjanba maina okama, ine ku'rachake ring kosakoni sepangona re'baaha.

Gongsin Marak, "Na'a ring choengama?"  
Ine singaha.

Ringjan, "Darangan chokujaenga, malna  
balwa name balenganl gimin badaman choll-  
baenga aro angade da'osa bi'sarangna mi song'a  
mine, on'e matchotaha."

Gongsin Marak an'tangko ja'a nol'china  
Ringjanko aganaha aro sakgipinko chi ding'ako  
roboro brae ra'baohina aganataha. Adltanl ja'-  
mano Gongsin Mahajon Tewil Sangmako okame,  
tusina skode badiaba uigipa mahajonnl songni  
ghato tudilchina aganaha. Nama biap aro  
ghatona sokbahaon anga agangen ine ua ringke  
badamchl choangaiengpitichim. Chingade sak-  
brian ml cha'mano ringni kamachibara sroksrok  
cigaret ringe guerangko chaengachlm.

Balwa uame baldoe on'engani gimin darang-  
an ringko neng'e chona nangjachim. Unbaksa  
samtangtangchin Bengalini ringe doka dama  
aro gahon ka'ani gimin aro jajongba teng'ani  
gimin tusina sikja ine chogiparangba aganachlm.

Kurmakanda Satyan Saha Mahajoni songni  
ghatona sokon seng'naba ru'utjaha. Unon  
Ringjan Marak an'tangni ripengrangko tusigen-  
ma ine singaha. Wal seng'ahaode balwa blkplle  
balonode an'tangtangan nengbatgen ine tusina  
joljol balwa baldoeaga dipet chesrangaigen ine  
ringko watdoatangaha.

Durgapur Shusungh Maharaja Bhupendra Chandra Singha Bahadurni Rajdhaniona sokon seng'na skanggipa do'o gisikaha. Unoni adita choangon wal seng'srangaha.

Rajani mondirni dal'gipa kantarangkoba rengtengataha. Mosulmanrangni Masjidoni 'Namaj-na Muulavi Minareto chakate chrike okamatengaha. Unon 1920 ni Septemberni 14 gipa tarikni pring 5 bajimang ongaha.

Da'o balwaha wal seng'ahaora balonenba badamko watna cholijajok aro darangan kewal (boitatangtangko) ra'e bil on'e chona nangaha.

## MAHARAJA BHUPENDRA CHANDRA SINGHA BAHADURNI RAJDHANIONA SOKA.

### THANANI DAROKA ARO POLICERANG.

Durgapur Thanaona sokon Thanani police-rang Daroka baksa posak gane chisamo salam karikna chadengsoengachim. Uko chinga mamana aganon, uaba ringni tokta kosakona ongkate, easy choklo asonge ringko chisamchipakna choe kapaha. Unon Police aro Daroka salam ka'aha.

Gongsin Marak Darokako jakjipatani gimia ua joljol ringona re'bæ sokbaaha.

Gongsin Marak, 'Angni an'senge sokbapllani glmn Assam aro Surma Valleyne Commissionerna na'a telegraphk ka'atna man'genma?' Ino singaha.

Daroka, "Man'gen" ine aganchakaba.

Gongsin Marak an'tangni suitcaseoniko telegram formko bikote uko Darokana on'aha. Daroka ka'mao gita telegraph ka'ani katarangko seaha.

"Commissloner, Assam & Surma Valley,  
Shillong.

Arrived home safely on fourteen.  
Gongsin, M.B.E.  
Baghmara.

Daroka an'tangni segimin telegramko poraic mesokmano, Gongsin Marak uni jakoniko telegraph formko ra'e uno an'tangan soi ka'aha aro telegraph ka'ani rositko Baghmaraona dakchi watatchina aganaha.

Ja'mano telegraph ka'na Rs. 5/ko Darokana on'aha aro gong sotbongako Thanani staffna cha ringchina boksia on'e uko salam ka'e watataha.

Pangna song'rong chanronggipa Ringjan Marak chankol ge'gnlo wa'al so'enba sagipa mamana uni cha'anirangko song'e chane tarie pringni cha'aniko on'aha. Jinmana song'man chanmano jlmaba bodol bodol cha'aha,

Badam watna choliyaha maina balwa chi ka'machi balonaha. Uni gimn,rlago mande badita

donga kewal donga kakket bilake ehona nangachim. Cha'a ringa matchotman'o darangan ta'rake choe Kulagora Sankar Sagini songona sokaha.

Gongsin Marak jongtang Ringjanko okame ringko joljol chona aganaha. Bijapur Ranikong songona sokon sa ba gni bajimang ong'aha. Unon Gongsin Marak jonggipa Ringjan Marakko okame chako dake rongchu baksa ring chogiparangna on china aganaha maina chi tarakani gimia ehogiparang namen neng'achim.

Mani dedrangko rime antidamni ghat ka'maona re'chamchake ringko nlchaksoengachim. Uamangna agreba mamani ma'drang aro songni me'apa me'chikmarangba antidamni noko nisoengsogiparang bang'achim.

Aditani ja'mano antidam ghatona sokeaha. Gongsin Marak ghattangona sokahaon jik dedrangni re'chamchake kusi ong'e nisoengako nika namen kusi ong'aha. Jikgipa uko ghato rimchaksoaha aro uni ja'mano jikgipa Gongsin Marakko jakasichi rim'e aro jakrachi jonggipa Ringjan Marakko rim'ate ringonika chi ghatona dokta anani kosako jakkindile re'dilangaha. Unikoa uni ra'bagipa palkio ba'ra andape uni ning'o uko asongate uni gadangni nokni kosakni kuturiona de'angaha. Gongsin Marak barandani sepango uni turongakuturini palango tarie andape donsoa biapo asongchenga, adita neng'take an'tangni posak aro medalko sitee donchina aganaha;



maina Turachi reangna skangan bang.a manderang posakko aro photoko nina dekho ka'ani gimin indake donchina ge'etaha. Indake posakrangko aro photorangko meokjojoara an'tangko rasong chae gaora de'a gita daknika ine ua aganaha.

Gongsin Marak indakeba aganaha, "Pi'sara angaba a'songni angde angusa. Uni nimia angni atchu ambi ba pa gachirangba angni la uphadiko man'ako nike rasong chapana skakon ine ua chanchia maina chanchlode je nama bite, uade bipangonisa bite ong'ani gimin an'tangde rasong chaani ong'ja uni bipang ba bolonisa bite ong'ani kimin uni pa-gachi, atchu ambina ua rasongni rengsi ong'na krara, an'tangsan rasong chaani ong'ja ine angni dukko ritchengata."

Pa Gongsin Marak indakeba agankuaha. "Angni la uphadiko man'ara, mikkang chasongni desudrangna 'NISAN' ong'chima angni chuna skani gisik nae, angni dakmesoka Nisanko nie, saobade, badiada chasongode chu'sokgipa ong'gen."

Pa Gongsin S. Marak, Mahajon, M.B.E. an'tangni posakko chu'gimik gane, aro medalko ka'bako pote aro uni gamchatgipa agarni gol-dikko ra'e photo ka'aha. Ua photoko Turao una M.B.E. ni medalko on'na tom'ao ka'ahakon, maina anga an'tangde bazarchi re'ange uke photo ka'akode nikpajaha indiba atamsao ua photoko frame tarie ra'bae on'eako nikaha. Ua photoko manderang nina bi'rongahani nimin an'tangni skopango donggipa tableo donachim.

## BAK XIX GRORANGKO CHOTPILNA JOTON KA'A

Pagipako medal pataona Turachi dilange songona sokbapilani ja'mano Baghmarao adita salrangna dongangkue Rameswar Sangma mamani depante jakra, an'tangni ba'ra aro leka ki'taprangko Calcuttaoniko re'ange ra'ena ine pagipao bi'aha. Pagipa Rameswarko Calcuttachi re'angchina wataha indiba bakan re'bachina aganaha. Gongsin Marak Calcuttao an'tangni malrangko palani tangkarangkoba bang'akon man'bakujachim, uni gimni ua tangkarangko am'e ra'ba'jolchlnaba ua depantetangni bimungo chiti see on'ataha.

Ua somoio Post Master Rongding Sangmaba mamani saako nina re'baachim. An'tangni malrangko palani man'kugijagipa tangkarangko depantegipa Rameswarni jako on'atpachina Calcuttao donggipa mahajonrangna chittiko sechina Gongsin Marak uko mol'molaha. Mahajonrangni bimungrangko sult Caseoniko bikote Rongding Sangmana on'aha. Un salon Rameswar Sangma rama korosna pagipani on'a tangkako man'e, Jaria Jhanjail Stationona cycleo re'angaha.

Turaeni sokbaai sal gitamni ja'mano Gongsin Marak an'tangni Sarkar Jogabandhu Sahako antidame donggipa nokona okamataha.

Jogabandu Sarkar re'bae, "Malna okama Mahajon?" ine sing'aha.

Gongsia Mahajon, "Anga apalni mahajonrangna sana badita gro nanga, aro a'ronggani ring breani damko sana badita baki dongenga, uarangko amadipet chottokbo. Groko chotani salo angona rimbao dolil searangko angna mesoke chotmano uarangko chite galbo. Tangkako nangode angona re'bae bi'e, angni mikkango uarangko chotbo," ine mol'mole aganaha. Indakeba ua agankuaha, "Jerangna gro nangachim, uarangko mande watate okamatbo. Anga bang'a bojarangko ra'e re'angna sikjaenga" "Unon uni Sarkar saksa Bakta Kanta Hajong jara dake, "Aponi ki aro Kolicata jaebar chae?" (Na'a Calcuttachi rea'ngtaina amengama?) ine singaha.

Unon Bara Sarkar Jogabandhu uko manenge aganaha, "Tumi kotato bujhenai." (Na'a katakon ma'sisrangjama.)

Indake Gongsin Mahajon an'tangni glpinrangna gro nanggiparangko bakbakan chotangaha. Indiba dongengkua ine agana. Gongsin Mahajon an'tangni Sarkarrangna Indine ahanaha. "Anga dongjaoba na'simang angni nokdangko watgale katpanabe malna angni sompoti gimikan sea jota, dolil potrorangosa uarangko masirik-gipa darangba dongkuja." Aro songsarni bewal gitaba nokni chawari nokkromba dongja. Depanterangba gisik nabalok dakalengpiti, gisik brikuja." Iako aganmanani ja'mano Gongsin Marak jajrenganiko mesoke sintie grapaha.

Mahajonni grapako nlike uni sarkarrangba duk ong'e grapaha. Jogabandhu sarkarde ku'simangba namen ro'achim. Uan an'tangni Mahajonko indake agane ka'dimeataha. Aponi aponar saltor poka etto chinta korbena, kenona Bhagabaner samne ei priti'biti konota oshaldha nai" (Ia a'gilsako Isolni amgliani mamungan gri). Indakeba ua agankuaha, "Bhagabaner asirbate, hote taka poisa ache jokon, chesta koria dekte hobe." (Isolni patlana jako tangka palsa dongara donga, uni glimin joton ka'e nina nanggen).

Uandaken ua Sarkar ku'simang antignini glsepo nama nama Kaviraj, Doctorrangko aro dam rakani samrangko bree ama dipet joton ka'aha, indiba mamung komibatani cholko man'jaha, maina uororo so'ok gusu (T.B.)-ni rogi-rangko namatani samrangko name man'kuja-chim.

Pa Gongsin Marak an'tangni gipinna gro nangarangko chotna joton ka'engako chanchion, uarangko mandenasan gro ong'ja, indiba Isolnaba gro ong'a lne chaanchie an'tangni bebera'enggipa Isolnaba gisiko kena guange, ua bebe ra'atangkeba gualkuja lne ma'sina man'a.

## PA GONGSIN MARAG GISIK PIL'NA A'BACHENGA.

Anga atamo nui tusigipa palangni sepango asonge magazine kingsako poralengachim. Aro uni jikgipa Rameswar ma'gipaba ja'chokehi ba'ra

gatanio gate ba'rarangko tem'e tariengachim aro  
gisepo nok gadangnini kosakoni babilsichipak  
nionate bi'sarangko maneogatengachim.

Anga mamako nie, "Na'a da'alde namen  
dongsiksakbeenga" ma ine singaha? Unon mama  
Gongsin Marak, "Na'a maikoba angna aganna  
chanchiengama?" ine angko sing pangpilaha.

Anga mamana aganaha, "Na'ara mamatang,  
angara gritangsa maiko agane angara  
rangko ka'dimeatgen." Inidiba angui nang'ni  
gisikoniko uina skade, "Na'ara gipinna  
gro nangarangkode chotangna skode, man-  
derangna nang na badita on'na nangskaachim,  
uarangkodo na'ade rikangskajawama?" ine anga  
singaha. Unon Gongsin Marak, "Uamang  
angna ja'mano ka'sne chotgen. Indiba angni  
grorangkara gipinde chotna gisik nangjawaha.  
maina angara be'en an sengjabatroroangenga,  
UNI GIMIN MANDENABA GONGSIN—  
NABA GRO DALA" ine ua an'tangni  
gisikni ning'tua dukko parake angna agan-  
chakaha. "Isolni grode tangka polsarangsan  
gro ongja, na'a mama, mandeni rokomari  
gualarang aro geetarangko pe anirangba gro-  
de, mama" ine chinga mamasa, gisikni  
ning'ua katako gisikni ma'sigrikna skako tala-  
tengachim. Unon mama Gongsin Marak, "Ukoba  
anga gisik ra'enga, nang' manitang saksakoma?"

Anga rang'san gisiko kena aro kratchaa  
gnang "Angade ukode miksongjachim' mama"  
ine kema bi'ani ku'rang gnang aganaha.

Gongsin Marak, "Na'a uko miksonge agana  
ine anga nang'ni kosako chanchikuja, j Suren"  
ine an'tangan daiko ra'aha

Pil'e Gongsin Marak, "Indiba ua mingsa  
dalbatgipa gro, angko jribatatenga" ine an-  
tangan parake agane, "Angade ukode da'ode  
watsrangaha" ine angna parake aganaha.

"Indide ua jribatgipako ritchengatnara  
darangoba ong'ja, ua nang'on ine anga agan-  
naha.

#### PA GONGSIN MARAK MONDOLINI PRAYER MEETINGKO OKAMA.

Unon angko mi chachina babilsichi okama-  
taha. Anga mamao mi cha'chengna ine bi'aha.  
"De, cha'chengbo, tango na'a cha'a matchote,  
nang'ni manini re'bae agangrikna" ine mama  
angko mi cha'china watataha. Anga mi cha'na  
esongaha. Unon mani, 'Na'song mamasara mai  
katako ra'e jegrikbeenga?" ine anga sing'aha?

"Anga mi cha'chengkuna mani, anga mi  
cha'mano nang'na rongtala agangea" ine miko  
cha'chengsrangaha.

Daragan mi cha'e nokona gadoaha. Mani-  
ba cha'e nokona gadobaaha.

"Na'aba cha'e nignokma?" ine mani saeng-  
gipa segipako sing'aha.

**"Ra'bae nibo" ine saenggipa segipa aganaha.**

Indake una miko aro nangarangko ra'bae on'enba tarie matchoton, segipani sepango asonge tampiko gijipchi riktime on'e cha'ataha.

Cha'mano mama biaptango adita asonge, 'Neng a' inenba biaptango tugitilaha. Anga uni sepangona re'bae angni poraienggipa inaga-zineko jako ra'bajole a'songaha. Maniara jako gijipko ra e gisepo tampiko rikatangachim aro gueko den'e cha'jolengachim. Angnaba gueko toke chagenma ine on'ataha. Mamaba jikgipao elatchi rongsa bi'e chobaie roaha.

**"Da'sio angni nang'na agangipara jrlbatako ritchengatnara darangoba ong'ja nang'on ine agangipa katara na'a Mondolini pryer meetingko atamo okamon pilakko chu'sokatna man'genchim inesa mangsongachim" ine anga una aganaha.**

Mama Gongsto Marak, **"Mondoliko okame anga gisik katako aganboma?" ine an'tangan parake aganaha.**

Pile anga **"Nang'osa ine angni aganmitapgipara uan ong'a Na'a uko matchote aganchinasa anga mangsongachim" ine aganaha.**

**"Indide Pamong Injeng Sangma, Promila pagipana chiti see wagesikoniko okamatchengboma" ine anga mamao hukumko bi'chengaha.**

Pa Gongsin Marak, "Salara mai salo nambatgen?" ine singaha.

Unon mani Rameswar ma'gipaba gisiko kusi ong'ako mesoke salde Sonibar salo nambatgen ine aganataha. Pa Gongsin Marak, "Pamong re'baon jekoba tik ka'na man'gen" ine aganaha.

Anga leka sadako ra'e chitiko see pante saksako watate Pamong Injeng Sangma, Promila pagipako rikangataha. Ua somoro pamong noktango dongjachim. Rikanggipa pante uni nokona re'baako sengsoe kontasa adhamangui ja'mano Injeng Pamongko rime mamani nokona re'baaha. Pamongna choki ge'sako ra'bae sagipani sepango asongchina on'aha. Mamani sepango Pamong asonge, Namkalmangjama?" ine sing'chengaha. Unon sagipa mama, basakobade on.tiprak komia, unikode uan apsan gusutaiaia. Gusubaon bilongtara ine aganaha.

Nangko okamatara samiting kakket na simangakoba bi'sarangkoba nikgija ruutjok, uni gimlna niknabn sikaha. Minggipin Mondolini bi'ani glljako atamo ka'pana namnikgenma, ine sing'jolnasa okamatataha. Aro angara gllja nokchl re'nara man'pajawa inesa noko prayer meetingko ra'e gisik katako agannara chol ong'genma ine anga mangsongachim ine an'tangui mangsongako parake agane gisikni slnteko mesokaha. Injeng Pamong "Jeko na'a mangsonga, ua gisikko naatgipara Isolul ong'a Aro je



blapoba na'a an'tangni gis'kni katako agane Isoloniko kema bi'na man'gen, ine Satrooba agana. Salde ka'ronga gita Sonibar salen nambatgen. Da'al jinmani Brihospotibar salni gilja donga, anga da atamo giljachi re'ange jinmana aganatgen" ine aganaha.

Pa Gongsin Marak jiktang Rameswar ma'gipako okamataha. Jikgipa bakan re'bae an'tangko okamatani a'selko sing'eaha.

Pa Gongsin Marak, "Boning Pamongde giljachi joljol Baghmarachi re'angna am'enga, meatamko bakbakkale song'e on'atbo, maina nokchi re'angode salnibegnok" ine agane miko senge cha'angchina aganaha.

## BAK XX

### GONGSIN MARAKNI NOKO MONDOLINI BI'ANI GILJAKO KA'A.

Satgnini ja'mano Sonibar sal ong'aha. Unon Pamong daksa tik ka'gimin gita, Baghmara, Wagesik, Rangdokram aro Jongkolmung anti-damni me'apa me'chikmarang aro pante me-trarangba Prayer Meetiagona Pa Gongsin Marakni antidam nokona re'batokaha. Dabitbibra songoniba Prayer Meetingona re'batokachim ine ja'mano koborko man'aha.

Manderang soktermanahaon meetingko a'-bachengna Pamong gitko ring'ate an'tangan Isolo bi'chengaha. Prayer Meetingko ra'ani miksonga-aniko nokgipa aganchina somolko on'aha. Unon Pa Gongsin Marak an'tangni turam palango asonge aganaha. Bi'ao jangpe bi'china uni agangipa katarangara larang ong'a:—

Uni Turachi re'angani somoio uko chu'soke dilange kamko matchote songona dilbapilani gimin Isolko mitelchina;

An'tang atchiram song Sijuchi re'angani somoio ma'drangko grongna cholko on'pachina Isolo bi'china.

Uni be'eani an'senggijarangko Isol namnika ong'ode an'sengatchina Isolo bi'chakchina.

Una agre Pa Gongsin Marak an'tangan songsaro janggi tangmiting salrango Isolni ge'et-

aragoniko pe'e guale dakgimln dosrangko ua ku'rachake Isolba, mandena aro Mondolina don-nugija ku'rachake knuchakpae kemako bi'ani-koba parake aganchote an tangan Isolo bi'aba.

Pa Gongsinni gisiknikatako aganman'o bi'ao pangchakna gita Bethsaidani pokrio chini momi-tingo biati man'gipa Manderangni an sengatako man'na sengtimenggipa Sastroni bakko Pamong poraie skiaha.

"An'sengna skoba sagipa mande an'tangde dakchakgipa gride pokrini chini momitingo ong'onange uko dangtapna amgija gita an'chingni pagiparangoni saksu an'tangni gisikni biatiko parake da'o Mondolini dakchakaniko am'engako an'ching knaaha. Uko ra'chake Mondolio ra'nappilna namnikode agauchina da'o Mondolina pakwatskaenga".

Bang'a me'aparangan ra'chakna kusi ong'e aganaha. Uni ja'mano jinmaba namnike ra'chakani chin jakrani jakko songaha. Unikoa Pamong, "Mande jeko wata, ukon Isolba wata" ine aganmanani ja'mano, nokni nokgipani agangip katarangna bi'chakchina janapaha. Urangna aro gisikni dila gita bi'chakna Mondolini Secretary baksa me'aparangoni ripeng saksako donate bi'chakaha. Pamong tom'ako dontongna gita git No. 315 ko ring'ate saksu ripengko Isolo bi'ate tomako dontongataha. Uni ja'mano Pa Gongsin Marak an'tangde bang'a sal ba somoirangon Mondolini kamrango donge kamrangko

ka'pana chol ong'rongjani gimin uni kam ka'-  
 paani pal gita ua tangka gong 500/-ko Pamongni  
 tableo Rameswar ma'gipani jakchi Mondolina  
 on'aha. Pamong ua tangkako Iselo bi'e mitele  
 ra'chakaha.

## BAK XXI

### SIJU SONGMONGKO ARO MADRANGKO GRONGNA RE'ANGA.

1920 blisni September jani bon'kamgipa antini sal matchotao Pa Gongsin Marak uni okamronga gita 'Sua' ine angko okamaha, maina anga ua saloba uni sepangochim. Anga uni okamako knae uni sepangchi re'angaha.

Pa Gongsin Marak, "Atchiram Siju Songmongko aro madrangko grongjola gita, hai angko re'diltaibo inesa angade nangkoba aganengachim."

Unon mani Rameswar ma'gipa, "Re'anggipa antion an'sangni kusa Ringko Durgapurchiko ra'doechina aganahachim" ine aganaha.

"Da'o ua ringa dongjama?" Ine anga sing'ataha. Pa Gongsin Marak, "Ringjano sing'bo" ine aganaha. Kusa ringni gimni mamatang Ringjano angni sing'oa ua ringkode mal gate Durgapurouiko unsalosa Bajaram Majhi chodebaenga ine aro atamosa sokgen ine ua angna aganachakaha.

Bajaram Majhi Mongolbar atamo sokbae Mahajonko grongeaha, aro ringni bhara gong kolgrikkoba Mahajonna on'aha. Ua tangkako uni jikgipa Rameswar ma'gipa ra'chakaha.

Gongsin Mahajon Bajaramko okame ringni bhara gong kolgrikko katao see rakkichina aro

tangkakode Mahajono dakil ka'aha lne Sarkarna aganchina ulataha. Bajaramba Indake dakna ku'rachakaha. Unl ja'mano Gongsin Mahajon Kusa Ringko name tarle su'srangchina aro badam grinarangko sikchina geetaha, maina ua sal-gipinni pringon chongmotan Budbar salo Sijuchina re'na tik ka'manahachim.

## PA GONGSIN MARAK ATCHIRAM SONG SIJUCHI RE'ANGA.

Atame Kusa Ringko su'srange badam grinarangko sike tik ka'e ghatona chobaha. Uanon Majhrang an'tangtanga songe cha'e tukamaha.

Budbar pringo Gongsin Marak Ringjan Marakko okame merong mechu aro ba'ra kancharangko ringo gatchina ge'etaha. Mani Rameswar ma'gipa song'ani chanani merong mechu aro ba'ra kancha aro nangarangko dingtang temenba ringona ra'angchina ge'etaha. Aro pil'akkon matchetmanoa, sagipako olrongipa chokio ringona rimangaha.

Budbar pringo 8:30 bajimango Baghmaraoni chochakato 10:30 bajimango Goka Songona sokaha. Song'gimla ml bijakrangko ra'doc manini abitangmangni neke cha'aha. Uano adita neng'take Rongru A'simona badamko wate choangaha. Uano Genggot Nekmani lebu bagano lebu akatako ra'e re'baaha.

Unoni loljol badamko wataton balwa namekai baldojani gimin Rewak Thana gitichamona

sokon sal ru'tangaha. Ua songara jonggipa Ring-  
 jan Marakni ma'drangni song ong'achim. Man-  
 tang chatchini nokmani song. Sintang Mantang  
 Ga're, Gabil ine chatchi ra'grike ekna gelna  
 man'ja ine changrikachim. Ua Mantang nokga-  
 chikon Pa Gongsin Marak skango ma'nok cha-  
 achim ine agana.

Ua ma'noktangni Nokmani noko gakat  
 neng'takon, budepa buchuma, "Skang nang'ni  
 bilmitingo matchu chara mobae, rang ba'e do-  
 nangaonitalan na'a naba nabajajok, sokaba  
 sokbaj-jok, Gongsin, na'ade" ine depanteko  
 ma'nengaha, "Nang'pade angade re'e nio sokja-  
 jok salniangengjok, aganoba ku'tangjajok, kambe  
 bon'nangode, basako nikkugen na'ara ching-  
 koara". Indine agane agrango gata chara bipa  
 gipok, merang jappilako simchi ringringpilako  
 saraona salone tingka date, nokni depante dejak-  
 rako okamate, pakmao pote dona mil'amko ra'e  
 bilsano srang dake den'jok. Indake chrako  
 mande ra'e mesokaha. Indake matchotman'oa  
 nokni nokgipa Nokma, "Araraoba ku'gitchuoba  
 da'aldo tuangbo" ine sagipako mol'mole aganaha.

Sagipa Gongsin Marakde be'enkode cha'jawa  
 ine uienba unade do'oko mangsa rim'e bipa  
 dal'ako on'aha. Aro natok na'gilchak (rou) dal'-  
 ako mangsa am'gitike skoko rite on'china mang-  
 gimik ra'bae on'eha. Dokgimin matchuni be-  
 enko rate bisarangna song'e on'aha. Aro mitam-  
 ke ripoe granko koksepo on'ataha. Nokmani  
 nok, jeo sagipa machaka uamode song'a chanaba

jinmade dakjaha. Indiba Nokmani sadutang maharina chuko cheke aro be'enrangkoba mitam ko song'e chane mikoba jinmana song'e alaha.

Ringko chogipa majhirangnaba na'tok dal'ako ra'ange on'eaha. Una agre merongrangkoba ra'ange on'eaha.

Pa Gongsin Marak aro madrangan ma'moktang Nokmani nok pakmao bi'sarangmung wal-tuaha. Indiba chingade mitam ringo majhirangmung tusiaha. Mitamde ba'rako ra'doe nokpanteo tusiaha. Indake mamung bilongdapgijan wal-gimikan tom'tome walko re'ataha.

Salgipia Brihostibar pringo charangko ringmanahaoa, chi ta'arakani gimin ringko majhirangna agreba panterang gadopae Siju Songmongona choangpaaha. Indake sal ruutengon Sijuona sokeaha. Mipringkode ringo songe cha'buaha.

Siju Songmango Gongsin Marakko atchi chakgipa nok nokbichongni nokona uko an'tangni chokio de'doangaha. Uano apsan ma'dipilniaa ma'jongtang aro pajongtang dongsoengachim.

Sin'tang Gare panterang una agreba Ampang Mangsang, sagipani jikcholni manderangba noktangtangchi de'ange grongrikna sengtimengachim Indibu atam ka'sinangahani gimin sagipa an'tangan re'na sikjaha ine unsalode darangchiba re'angjaha.



Jonggipa Ringjan Marak atamni bijakraagko song'ronga gita song'e chana on'aha. Aro atchu-mang ambimang song'e on'ako chingaba cha'e, nokpanterangchi re'ange tusina reangaha. Ua-mangde ua nukon walko jenten re'ataha.

**PA GONGSIN MARAK ATCHIRAM  
SONGNI NOKRANGKO NIRORONGA.**

1920 bilsini October janl skanggipa antini Sukrobar salni pringo chet bajimango a'bachenge chikung bajimangona Gongsin Marak madrangni choki kogipao de'roroate nirororangaha maina songoni panterang darangan an'tangtangni madrangni nokko nikatna skani gimln, kusi ong'e rimakon re'nasa neng'nikpilachim.

Sepangbatgipa madrangoni bang'bat ani nokon mitamrangkode matchu aro wakangko doko mande ra'na joton ka'achim Indiba darangkoba Indakjachina beng'ani gimln uko dakjaha. Indiba A'chikni bewalo dakronga, "Rongjanggi" ine merongkode e'salo tepe, do'o aro do'chirangkode bang'a nokrangonin on'atachim.

A'chikrangni dakbewal gita mitam ma'drangoni Gongsin Marakna mangsonge song'soa churangkoba uni bitchirangko botolo we'e ra'baenba ringjamangoba unisepango rudite galchengenba turimanl krongo rugale, bimakon an'tangtang pasike cheke ringsrangaha.

Indake songni nokrangko niroroe salj'tchi badena skang ua an'tangko pajongtangmaangni nokchi de pilchina aganani gimin de'angpilaha.

Nokona sokon chi ding'achi be'enko towel-chi Ipake una song'e tarigimin mi bijakrangko pajongtang aro ma'jongtang an'tangtang jaktang-chi bi'sana gita on'achim. A'chikni mirong mimako an'tangtangni dakgipa a'ani me'diko name songachim. Do'o bi'sa sa'rongko e'ching rasinko hrine, pura rim'brine wa'nok wa'sing dal'ao brengachim. Na'tok banggni bolgongko namekae anjie wal'kio ange minatachim. Depante Gongsin Marakna mangsonge ma'jongtang songgimin me'dikoniko A'chikni bewal e'sal re'chu sokgitalko den'sote wa'alo Imchenge ding'a ding-ako saenba tepe donchengaha. Unikode pajongtang do'o sa'rongko bijakna brenggipako, a'ani parao (tala) e'sal king gimikko anchenge brenga bijakko similding kingaha (toktoka). Una agre na'tok bangniko go'olo anjie anggipakoba e'salo busuko gale akprie ampok dal'gipani kosako uni bijakrangko ra'gate, pajongtang ma'jongtang bi'sana git a dongtime on'aha. Cha'mitingo be'enrangkoba akpneke na'tokrangkoba bu'surangko gale ma'jongtang on'aha.

Chonchone tepe tepgni dake miko saako bon'e cha'mano, ma'jongtang pajongtangchiko nie "Okkajok" ine agane "Cha'jajok" ajong, ine agane, pajongni bijak. brengaba simila toani gimin cha'en cha'en bonpiljajok, ine agane jak-suna chi bi'aha. A'ani parao bo'om chiko on'e,

jakko an'tang rim'roke jaksuatmano, an'tangni kotip gipokko po'oke kusrechi Gongsinni jakko ipakaha.

Pakmao bolko matchia dake tiktak dal'preto sole dona dongachim Uano sagipani lepko anchenge uanona pajongtang jakkindile rimang-enba asongataha. Cha'mane ampok matchiao pakmao dandane asongmano ua an'tangni camp katko badale an'tangna biap tarichina jikgipa Rameswar ma'gipako aganaha.

Unon mani Rameswar ma'gipaba joggipa Ringjan Marak aro gritang nanga Odon Marak-ko okamate Campkatko badale blapko ancon'aha Ja'mano sagipa an'tangan pakmao asongaoni ka'sne Campkatona re'bae tugitile biapo neng'takaha.

PA GONGSIN MARAK AN'TANGNI BILMI-  
TINGO PANTESKARANG BAKSA  
ROAKO GISIK RA'A.

Gongsin Marak ni cha'mano adita neng'take ua jontang Ringjanko okame aganaha, "Na-simang angko nokgachirangkode de'roroe mesokaha, indiba nokpanterangkode angade nikpakujenga".

Unl gimln sengtme donggipa panterang Gongsin Marakko nokpante ge'antiona chongmotan, Ampang nokpanto, Gineng Nokpante Rongchot Nokpante-rangena de'angoa, pante-

angaba mande ra'e, saobara awang, saobara gume, boning, mosa ra'e "Chinga maiko on'e nang'ko mande ra'gen" ine sakantian an'tang tangni nokpanteo salam ka'aha.

Ja'man kitiko uko Sintang Gare, Rechil, Chada nokpanteona de'ange uanoba jongska adatang darangan apsan maode ra'e salam ka'e watataha. Ua nokpanteon ua an'tangba pante bilmitingo tua dongachim. Ua nokpanteon song-gimikni nokpantena bate ro bata-dal'batachim.

Ua nokpanteon ua bilmitingo an'tangni mama, ada aro jongdrangko gisik ra'e uko duk ong ataha maina uni apsan rorimgipa uni mama-tang adatangrang una skang re'angaha. Uarangko gisik ra'e ua ka'beaha.

Bon'kamao, Pa Gongsin Marak panterangko okame Atong ku'sikchi, "Hal ango akai para noksangna tunbo" (Hai angko ajongmang nokchi dilbo) ine mol'mole mong'aha. Uni gimin panterang uko watatna sikjabeoba Pajongtang ma'jongtangmang'ni nokchi de'ange rimange doneaha.

Nokona sokon ua pakmao am'pok dal-gipao asonge neng'takaha. Aditani ja'mano Pa Gongsin Marak, pajongtang ma'jongtangmangko okamaha. Unon uamang sakgnibn uni sepangona re'baaha.

Pa Gongsin Marak, "Angade da'ode tange dongosa re'bataignok. Indiba sokbajaode sijok ine chanchiaibojok. Angade da'al an re-pilgnok"

ine slntle aganaha. Ma'jongtang demechik mangko aro Gongsinni nogipa nangarangko okame adatangna "Rongjanggi" tepatchina aganaha. Unon nogiparangoni saksa nokdringchi napange tepe tarie dongimln me'rong, rongchu aro adita rong do'chirangko ruano ra'bae adatangni mikkango chineaha. Una skangba do'bima gipok chimitingko rim'e koksepo chi pe nokkrao donsoaha.

Chingade ba'ra kancha aro bosturangko ra'e ong'onangsoaha. koksepo chi pe dongipa do'okoba ra'angsoaha. Ja'mano mamamang aro bi'sarangko salam ka'e darangan ringona ong'onangmano sagipa mama Gongsinkoba uko riperronggipa chokio de'tome ringona rimangsha.

Re'chakatna skang madrangrang, me'apa me'chikmarang are bi'sarang uko nirikna re'baaha. Uamang uko gronge salam ka'rikon, duk ong'e uamangni grapgrikengako niko, Pa Gongsin Marak an'tangba ma'drang, ripengskarang aro atchiram songko watangna ka'pake grapaha.

Pilakkon gronge salam ka'manahaoa, Gongsin Marak majhirangko kusa ringko slm'sake watonchina aganaha maina Siju ghatonin chi dal e t'arakachim. Uni ja'mano uamang joljol Alopang songona choangaha. Uan uni o'bite niotangni song ong'achim. Uanona sokon an'tangni o'bite niotangmangko aro mosutang boningtangmangko watmatjae waltuna chanchie ba'ra kancharangko ra'doatangaha.

Mal bosturangko ra'doangmantokani ja'mano song'e cha'china majhlangnaba merong, me'su-samjak aro na'tokrangko on'ataha. Jonggipa Mingjan Rarakba adatangna senggngang song'e ehane on'aha. Jinmanaba nok nokgipa song'e ehane on'e chingaba darangan cha'tok ringtokaha. Chingni waltuengako knae songsulni manderangba Pa Gongsin Marakko grongrikna bang'en re'batokaha.

Salgipinni pringode pringni cha baksa cha'chap ringchapana agre mlpringkode cha'bajaha. Indiba mi bijakrangkode song'e ehane e'salo tepe on'attokaha, warangke ja'mano meng'takgija ringko joljol choonbae sal bang'engpitiom songtang Baghmarani antidamo donggipa noktangona sokbaaha. Ua salara Robibar salni atam ong'achim.

Noktangona sokbaani ja'mano Pa Gongsin Marak barandao asonge ngame dongengachim, unon ua pante-metrarangni Baghmara songmani giljachi re'angengako zirike uamangko ekam-deataha. Uni okamatako knae basikba sak panterang nokona dobaaha.

"Na'slmang giljachi re'angengama?" ine Pa Gongsin Marak uamango sing'aha.

“Na·simang Pamongko, ong·jaoba Masterko  
 ong·jaoba je me·apakoba Sombar salo dingtang-  
 mancha Bi·an! Giljako ia angni noko ka·atna  
 aganatengana ine aganpabone, jongdrang” ine  
 Pa Gongsin Marak panterango agannataha.  
 Panterangba uni aganata gita dakna ku·rachake  
 re·angaha.

## BAK XXII

### MITELPIL'ANI BI'ANIKO DAKNA MONDOLINI MANDERANGKO OKAMA.

Pa Gongsin Marak an'tang atchiram Siju Songmongko aro ma'drangko gronge re'bamano, songtang Baghmaraona sokani ja'mano a dita bilonge sadapaha. Indiba uni ska gita ua an'tangni indita chel'e re'ange sokbapilani gimin noktango Mondolini manderangko okame Bi'niko dakataha. Un waloba ua adita bilongbate changse nom'bokaha. Uni salsagipani pringon, Siju, Alok pang, Goka aro gipin mongsong-gipa ma'drangni songrangona manderangko watate grongechina uiataha. Uandaken songrangoni ma'drangrang re'bae darangan grongetokaha.

Prayer Meetingni atamo ua an'tang agangija jikgipako aganataha. Uni gimin ua jiktang-na bi'ani ja'pangrangko agane on'aha.

Skanggipao, Turachi re'angmiting sal aro somolrango, ramao mamungba duk grian, Nok-gipa Isolni ka'sae dilanganichi tom'tome sokanganina aro Turao dal'dalgipa Officerrangko gronge dakgal kamrangko chu'soke matchotat-na man'ahanina Nokgipako mitelpil'ani gimin;

Galgipao Turao kamrangko matchote ka'man'o songtang noktangona tom'tome dil'ba-pilanina Gitelko mitelaa;



Gitangipao, atchiram songtang Sijuchina tom'tomedilange ma'drang maharirangkogrongna cholko on'ahanina aro unoni songtang Baghma-raona tom'tome dilbapil'anina Isolko mitele bi'china;

Bon'kame, sagipa an'tangni baki salrango maikai chakchikani bilko man'gen, chakchikani bilko on'china Isolo bi'chakpachina.

Kosako. janapgipa bi'ani ja'pangrangko, segipani agane on'a gitan, uni jikgipaba Prayer Meetingo jinmana aganaha. Nok nogkipani bi'ani ja'pangrangko jilmana parakatani ja'mano Bi'aniko dilgipa, janapgimin katarangna aro gipin nanganirangko janapdape gisikni dilagita bi'chakate tom'aniko matchotataha.

Ia anti October janl skanggipa sal ong'achim aro 1920 bilsini bilst ba'chotna jagitamsanahachim. Jeba ong'bo Pa Gongsin Marak Nokgipa Isolni una on'gimin a'gilsako dakna nanggni kamrango jekai, Mondoliko songako rikanio, songko nokko sason ka'enggipa Sorkarina an'tangni bil ama dipet dakchakachi, una agre jatni, songsulni, ma'drangni janggiko jokatna kamko ka'na an'tangni janggiko on'kange kam ka'aha ine nikmanaha.

Gitelni nokoltangni dukko ra'chake, uni sal ba somolko basako bon'atgen uko darangba uijachim.

Unl saa billongrorona a'bachengaba Basakoba salni gisepo, basakoba walo chotchang-gija nombokjringani kata ua jolni songrangona, burungo kamenggipa agalni pipraanga gita, darangchlo jangangaha. Uan ma'drangni aro songsulni manderangni gisikko dongsiksakataha. Indaken ma'drang ong'chong, nammitingo uo janggi tanggiparang ong'chong, uko grongrikna re'bagiparang salantian chotchangjachim.

A'chikskarangna agreba, gipin Mahajonrang aro Zamindarrangba bang'an re'bae grongeaha. Unl ku'rang mangmangkoba knatimna re'bagiparangkon bija chiraa gita nlkpilaiachim.

Simsang aro Rompa chijolni manderang me'a me'chik ringrango re'bae Pa Gonsin Marakni saako nietokaha. Uamangna agreba Bengalirangba Kusa ringrango choe re'bae grongegiparangba bang'achim.

A'ga a'rongganl manderangba kera ole merong ginde su'e, do'o kokseprango rlm'e re'bae nigiparang bang'achim. Uandake mi bite kario miko on'na tangka ra'sogipa Hajong, kech aro Banairangba pilakan re'bae nietokaha.

Nigiparangko darangkon nimangmangaina agre, uamangko dangtapna ba gopo ka'nade uko sangipa Doetorarang ba kob:rajrang on'jachim.

Gipln jatrangna agre, chel'kala songrangonl re'bagiparangkode mesal cha'gijade re'angatja-chim, malna uamangoni darangba chongmotma agrede, saldonge tukam dongkamnade man'tok-jachim. Indiba mitamde, saldonge tukame dongangnan ga'akachim. Pa Gongsin Marak an'tangui saa adita dongtokalode aro mikselkalode, badlaba an'tangni namnikgipa mandeko roriba ong'chong ua an'tangan asongchina agane gopo ka'e salam ka'esa watatachim, uni indaku kamrangchin ua a'gilsako ru'ute janggi tangangjanaba dongaha ine mesokachim.

Janggi chotna adita salna skang ua Mondolini me'aparangko grongna skako agauani gimin, uamangba re'bae uko dngtangmancha grongeha. Uamangko grongon, Pa Gongsin Marak Mondolini me'aparangna indine aganaha, "Anga na'simang baksa kam ka'rimani gisepon basakoba Mondolini ba skulrangni gimin aganon an'tangko bil man'gipa gita, sala gita ba manenga gita aganaha, uarangko gisik ra'e sakampanabe."

Unon me'aparangonl saksu indine aganaha. "Atchu Bong Lasker aro Rangku Mominni ja'mano chinga Nirikgipa grl mesrang gita branggen ine chanchiaha indiba Nokgipa Isol chingko Indakej ong'na on'jaha. Batesa nang'ni kurio ka'bako dilkepe chingko aro songsulrangkoba, bi'sa ma'griko, kangal segrirangkoba ong'chong, gamo, katao cha'anio tangka-palsao aro pil'ak nanganirango on'e na'an chingko

chiru a'gataha, dlleng do'mikaha. Iako darangba jechakna amchongmotjawa; ua groko nang'na darangba chotskana man'jawa. Indake chingko diloba, chingni bamgijachi aro ku'mongani olgrokachi, dilgipako ja'rikna sikkijachi, Mondoliko rikanio ba songsarko silrrooatanio olgrokaha ine chingaba nang'na ku'rachakna nangao ga'akehongmotenga." Pamong Isolo bi'e glsiko sagrikgianiko ku'rachakgrike dontongaha. Una agre sepango aro chel'ao donggipa ma'drangko grongaha. Ua atohutang sanini nokma aro sardarrangkoba grongaha. Pa Gongsin Marak uamangko gronge indine aganaha, "Atchu Bong Laskerba dongjaha, da'oni obostani kride angaba na'simang baksa dongangkuna kadongani bang'jaha. Angni boningtang Singdon Lasker, Sarapa, na'simangni jakkindilao ramadilao atehu sagini dalbea a'bakuko gamgen, uni gimni uaba saksande rakjawa, na'simangosa pangchake rakgen, Singdon angni boningtang, sakam an'dingoba, uni nokkrom Ginseng Sangmako ki'me seteba, nachil raeba, ching atohusani mikkim rasongko rakkina na'simang dakna nanga inede angade na'simangkode rake aganangna man'jajok, indiba galpanabe, inesa mol'molangpanasa man'alaha." Indake aganman'ani ja'mano neng'ana ma'ame ua biapo gitile neng'takaha.

Unoni joljol neng'ani gimni neng'take adita dongon ua gusuna a'baehongaha. Gusua batbaroroaha. Atamchibara bllongbatroroaha.

Pa' Gongsinni abitang aro namchiktang, mosatang, aro ma'drang darangan uni sachakenggipa antidam nokoni melsa chel'ao Baghmara Bolsa'ladingosachim. Unigimin uamangna mande watate rikangataha.

Ja'mano abitang Singin S. Marak, mosatang Ginseng Sangma, Sara S. Marak, iamanan Singdonni nekkrom, Bongni su'gipa chawari aro una agre gipinrang bakan re'baha. Uni walon changgnina kingking ua nombokaha, indiba mikseltaiachim.

Pagipako M.B.E.-ni medalko patna Turachi dilange songtang Baghmaraona sokani adita salrangni ja'mano Rameswar Sangma Calcuttachi an'tangni ba'ra aro poraiani lekarangko ra na re'angaoni da'asalosa pagipako grong-taiaha.

Pring wal seng'na skang Shushung Durgapuroniko Doctorna rikanggiparangba pring 8-30 mang somolo ringo Doctorko chodobae sokbaaha. Sokani jeljol Doctor an'tangni uia gita samrangko on'aha aro ja'mano on'chinaba adita samrangko donangaha.

Doctorna cha'ani ringaniko on'e mipringkoba Bangaliska Sorkarko song'ate cha'at ringataha. Indake adita kantarang sanenba kraa gita feesrangko aro samni da'arangko on'e Doctorko Durgapurchi ringo choe donatangpilaha.

Doctorko cheanggiparango Durgapur dokkanrangoniko nokona nanga bosturangko, jekai chaa, chinl aro gipin bosturangko ra'bachina on'atjolaha, maina sagipa batebate bilongro-roani gimin, ka'donganl bang'jachim.

Pa Gongsin Murakna nek gipa Isolnl patia tangka palsa chu'onga gita dongachim. Unl gimin ua an'tangni biatiko sanna banna gita, Calcutta, Dacca aro Mymensingh jillarangoni namgipa Doctor aro samrangkoba bree bang'a korosrangko ka'e dakgrikbeaha.

A'gilsakni mingsinggipa Raja aro Rani-rangba, man'e cha'giparangba, mandeni uia, changa saparangchi pangnan mandeni janggiko rakkina dakgrikronga. Indiba uan ka'dime-atnasan ong'a, maina Isolnl do'roa silma ba ariko a'gilsakni derang bilba tangka, sona hira, aro muktaba dikdixsanaba sretatna man'chongmot-jawachim.

Skang chasongrango bang'a manderangan T.B. rokko man'ode uko namatna samko blkot-na man'kujani gimin, tangna ka'donganl grichim. Da'ode T.B. blatiko namatna man'gipa samko man'aha. Ua somoloba da'ororo gita ong'ode sagipa mande tangkugenchim ine aganronga. Indida uan aganna ma'kee aganna chol man'ani gimin aganasan ong'aia. Indiba mandeni mangsonga Isolal mangsonga baksa mamung-saloba ong'na amja.

## BAK XXIII

### UNI JANGGI TANGANI SALRANGKO NIPILTAI SIMSAKE JAKALAH INE MESOKANI

Pa Gongsin Marakni janggi tangani kata-  
rangko porale an'ching chanchiatna man'a. Una  
je sal ba somoirangko aro bilsirangko Nokgipa  
on'ahachim, ua uarangko nambatgipa kamrangko  
chu'gimik ka e an'tangni janggi tangani salrangko  
Giteltangna jakkale mesokaha ine ma'sina man a.

Ua nikkijagipa Isolko bebe ra'e, an'tangni  
janggi tangao je dak daglang donga, janerao nie  
mikkangtonganiko moilarangko ipake gale rong-  
talata gita, uarangko Mondolina Ku'rachake  
janggitangni dak dagirangko rongtale Giteltang-  
ni mikkangona re'angna tariaha ine an'chingna  
mesokaha. Una agreba Pa Gongsin Marak an-  
tangni bebera'anichi, Mondoliko rikanlo dang-  
dikgipa ongpaanichi, bang a songsulni mande-  
rangni janggi jokani cholrangko on'anichi, unaba  
Isolni patiani rengsiko on'pagen ine ka'dongatna  
man'a. Uasanaigija, songsaro janggi tanganlo,  
gamtango rasong chagija, batesa jatskana ong-  
chong gipin jatrangnaba ong'chong, kangal chol-  
gri bisa ma'grirangna amadipet jaksrame on e  
dakchakanichiba Giteltangni ka'sachakaniko  
man'gen ineba ka'dongchakna man'a.

A'gilsakni uiani, changa sapani aro leka  
bidarangko skie ra'na cholrangko dakdile mesoke  
on'anichi bang'a pante me'trarang ua skulrango  
poraina cholko manaha aro indake Pa Gongsin

Marak uamangna chuna dal'na cholko dake do' gako oe on'aha. Uni gimin ja'man chasongni chadamberang uko mitelna aro gisik ra'na kraa.

Pa Gongsin Marak leka pora dongpajaoba songsaro janggi tanganio, a'songni sasonni nok-gipa Sorkarina dakchakna, bamna aro dangdike on'na simsakgipa ong'aha. Atchutang Bong Laskeronintal boningtang Singdon Lasker, mosatang Ginseng Lasker aro gumetang Ransing Lasker apsan nokdangonian chasong bongana kingking Sorkarina dangdike on'giparang ong'e ma'drangni mikkim aro rasongko rakkigiparang ong'baenga.

Bon'kamao Pa Gongsin S. Marak an'tangba Sorkarina dangdike on'gipa ong'e, Member of the British Empire (M.B.E.) ine upadhiko man'e, bilakgipa a'gilsakko sason ka'gipa jatsani on'gimin titleko man'e, Matgrikni medalko gankape mandeni aro Isolni nokol ong'e, an'tangko mesok-aha. Indake ua uni bon'kamgipa salrangona kingking jatna uro a'songna NISAN gita de'e mesokangaha.

Kosako janapgipa a'sakni pilak kam damrangko dakmesokani ja'mano, ua an'tangni bebera'gipa Isolni mikkango, mesokna man'na gita an'tangni janggini mikkangni dak ba dagirangkoba nipilate nikahon, uarangko Isolni bilko man'gipa rongtalgipa Mondolio nape rongtalatman'o an'tangkotariere'angaha jedakode ua mamung jong'sik-chalwenga gri Giteltangni mikkango chadengena man'gen.



Pa Gongsin Marak an'tangni noko mitelpilani Bi'ani meetingko ra'ani sal intal bilongro-robataha. Umi salguini ja'mano, ua bang'e ku'sik aganangjaha. Salniangachibara ua jikgipa Rameswar ma'gipako okamaha. Unon uaba (jikgipa) "Angara iande" ine sepango jako rim'e "Maina" ine singaha.

Pa Gongsin Marak, "Bao bi'sarang ? ine sandiaha. Rameswar ma'gipabi'sarangko okamat-china mande watataha. Bi'sarang re'bae pagl-pani sepango wilwile chadengaha. Pa Gongsin Marakni mikkolo mikchi gape peona so'olpil-engachim. Uko nlike uni ka'sagipa jikgipa jaktang-chi uni peoni mikchirangko rumal so'omachi epake on'aha.

Mikkoloni mikchiko ipakmanoa ua name niwingwange dedrangni jakko sale an'tangni ka'bako donaha. Gusubeani gimin uni ku'rang gam'jaha. Salniangachibara ua pil'e jikgipako okamaha, aro ku'mituchi, abitang, namohiktang-mangko am'aha. Abitang Singin Marak jong-gipani jakko rim'e, "Maiko aganna am'enga?" ine singaha.

Jonggipa Gongsin Marak, "Nang'ni saritang Rameswar ma'gipako gualnabe" ine abitangni jakko rim'e ku'mituchi aganaha. Pil'e ua niwil-wale Ginseng aro namchiktang Sara Marakni jakko rim'e "Nang'ni mantangko gualnabe" ine aganaha. Depante nanga Ginsengko "Nang'ni me'detangko nirokbo" ine ku'mituchi aganaha.

Da'o Pa Gongsin Marakni ku'rangba gam' jaha aro uni ku'chil ran'beako nike chamoso glassni chiko rue, mani Rameswarni ma'gipa kanatmano, ua neng'bee rang'site janggina dak-grikble, so'olangan uni ja'a ja'samgni ja'sku dem'achlm, uko abitannggipa Singin S. Marak dimbrengetmanoa Pa Gongsin Marak kosakchiko jaksl ote mesokmano ku'samangmang rangspee an'tang ka'sabea jik-dedrang, ma'drangko wate ua janggi galaha. Uni Giteltang uoniko pll'ak dukrangko ra'chake uko neng'takatna jringjrotna rimangaha. Ua sal 1920 bilsini October jani 6 gipa tarikni Mongolbar sal ong'achlm.

Ka'sindikdik walni andalengo Simsang chl bima nalsachi do'wingwingba ka'suang suang mikoengachim. Sianggipani depanterang uni slai ponggniko ra'e pagipani janggi ma'sisrange chotahaon baditaba pong goataba. Slaini ku'rangni ja'man Mondolina on'gipa Rangkunl Church Bell dal'gipako dokate Pa Gongsin Marakni janggi galaniko parakataba.

Pringonintal walni prohorona walgmikan ringrangko choonbae, mitamrang ja'achl re'bae, ma'drangna agreba songsulni manderangba, grape mangtate walko re'ataba. Adita somolni ja'mano pante me'trarangba gitrangko ring'e me'aparang, Pamong, Procharokrang Sastrorangko porale Isolo bi'e ka'dimeatna bi'chakaha.

1920 bilsini October jani 7-gipa tariko Coffin tarlona Durgapurchniko velvet gisim aro gipok

ba'ra'ko ra'baaha. Coffinko tarimlingo dolgni maharirirangni aro songni manderangni namnika gita uni dongchakgipa nokkapni bari nling'on uko gopna a'kolko cho'aha.

Sushung - Durgapuroniko cementni mistri-rangko rimbae Pa Gongsin Marakni gopramko tarlataha. Indiba coffinkode antidamon songtangni Mondolini me'apa mistrirang, Pa Dharansingh Marak, Banding Sangma, Jenang Marak, Sangrin Sangma, Tebin D. Shira aro gipin changgipa mistrirangchi gonsiri bolni doktako coffinko dakaha. Dakgimin baksoko velvet glsim ba'rachi datkapaha. Pindapani kosako velvet ba'ragipokchi chisol ko dake ratenba datkapaha. Una agreba mistrirang chisolkoba tarie uni bimungko aro atchlani aro siani bilsiko chisolo batalchi konge semano uko pujuram sepangona ra'ange coffin baksa doneaha.

A'chikni bewalo, Pa Gongsin Marakko abitung ong'jaoba nogipa bon'kame auatani ong'achim ine agana, Indiba uni ja'sin kurini nogipa sianggipa Ringsai S. Marak saksasanchim. Uni pal, uni demechik Sara S. Marak. uni namchikatang auatna nanga ine ma'jengtang Singia S. Marak una pakwate ua an'tangan dakmesoke dakehakaha.

Jenggipa Pa Gongsin S. Marakko A'chikni bewalo auatna abitung Singia S. Marak, sonani rangkareo Gongsin an'tangal karkanao tarigimin agor kuroni similgipa attor toko are gipin gam.

chatgipa torangko brine, demechiktang Sarani  
jako on'e mamatangko auatehina mesokdilo  
on'aha.

Mangisiko ma'drangni gopna ba so'na skang  
auatani bewala A'chik ma'gitcam pagitcam-  
rangni dakbewalni mongsongbatgiparangoni ming  
sa on'a. Manggisike auatman'ani ja'mano, mang-  
gisini jikni nlo sarirang auatgipana "Debrachitra"  
on'a mangachim. Songsarek ong'ode, nokdang  
dal'ani kri matchu mangsa, ba'ra ong'jaoba rang  
ko'sa unbaksana tangkakoba gong ehikung ba  
chi'bonga dake on'rongachim. Auatani ja'mano  
on'gipa gamkon "Debra Chita" ine A'chikrang  
aganronga. Ia dakbewalko A'chikrang baditana  
kingking jakkale ja'rikengpiti aganna man'ja.  
Indiba A'beng jolni manderang, chongmotan,  
Mouza No. II jolni manderang songsarek aro  
Christianranga songrangode bewalkode jakkal-  
enga ine nikna man'a.

Songsarek ong'genode, je nokdangni nlo sari  
debra chitrako on'ani bewalko on'atja, uamang-  
nade A'chikni bewal 'Mo'mang' dilangoba chong  
motan siglpani pal mande on'pachina janapoba,  
bewalko jarikgljagipa nlo sarina jakrame chan-  
chiani ong'ja ine aganronga.

Pa Gongsin Marakke namehiktang jakpa  
auatmano coffine chipi, antidamni nokoniko  
songadamni neh Baghmaraona ra'dona tarlaha.  
Nokni besturangko aro ba'ra kascha, me'dik  
samdikrangko ringo gate songehina chodoangaha.

Da'o Pa Gongsin Marakni coffinko nok gadangnloniko ra'ongkate, ehisolko skang de'e, uni ja'mano bakosko panterang pilakan kusi ong'e chlle, Pamong aro Mondolini me'aparang, pante me'tra aro songni manderang rejimae "Rimangenga, Rimangenga" lagipa gitko ring'o ra'doangaha.

Songena sokon, una cho'gimin a'kolko cement repia nom'enganl gimin, noktango uni turonga palang silo coffinko donani ja'mano, ma'gipani nokchi ra'doani pal abitang Singin S Marak, Sara Marakni nokona ra'angchina mol-molahani gimin gol ba gitam bajimangona ra'bana tik ku'aha.

Indake Pa Gongsin Marakni coffinko priang-grogro-o ma'ani nok Bong Laskerni nokona ra'napon slal pongsa goe, ra'nape pantemlango uni turamni halini palang silo uko walsa pujuate done atchutang Bong Laskerni bimang gimik oll paint photoni kurio, su'gipako rimangna songtimenga gita chacha, atamni gitam adha bajimangona done, noktangena ra'ongkatbataie changsa slaike goe mamatangko Sara S. Marak watataha. Indake noktango walsenge gopramko cement tarlo ran'janl gimin sengaha.

Chel'ae ba sepangoni bang'a manderang ja'achi re'bagiparangba ba ringo re'bagiparangba darangan eha'gija ringgijade dongna man jawa-chim. Uni gimin matma, matchu, do'bok, de o. do'gep bang'an doke sokgiparangko sokachakan

songpang songa apsan ku'monge song'e chane  
dakchakrime cha'e ringe Pa Gongsin Marak-  
ni manggisiko mangtudile walseng-salnidilaha.

A'chikskana agreba bang'an gipin jatrangba  
bon'kame gopako nina senge re'angjachim. Ua-  
mangba an'tangtangan song'e chane cha'e ringe  
duk chake kalime mesokaha.

Bhatan-oniko matmako mangdokna bate aro  
matchuko mang-snina batenmobae kae donachim.  
1920-ni October 9 tarikni pringode uaranko kae  
donram gohalio aro karam biapode biglirarakosan  
nikalaha. Indake skatangtang an'tangtangan nok  
giparangna miknenggija, mikoba bijakkoba song'e  
chane mipring cha'ako, aro matchotakosa  
sengaha.

Bang'batan gopako nina sengengani gimin  
salni sagipa bajimangon skanggipa kantako  
dokaha. Unon gilja nokko pulchi tariatako  
matchotna joton ka'aha. Uni ja'mano goprana  
ko cement on'e repigipa mangrakaha loe niken  
2:30 mango slal goaha aro coffinko ra'ongkataha.  
Agansogimin glita darangan gilja nokchi re'ange  
asonge sengsoaha. Coffin gilja nokni mikkango  
na sokon Ranguni Church Bell dal'gipako doke,  
Pa Gongsin Marakke an'tangni rongtalgipa Mon-  
dolini noko bon'kame ka'angchilna okamaha. Jen-  
salo uni coffinko do'gacholko ra'napaha unon  
darangan uko mande ra'e chadengsoaha.

Pa Gongsin Marakni coffinko Pulpital mlk-  
kango donaha. Una tarisoglimn chisol, chisolni  
pul aro gipln pul aro bibalni tariglimn chokchlm-  
koba apsan donaha. Pamong jinmako uni jak-  
chi chladake asongataha.

Pamong Pa Gongsin Marakni gopani gilja  
ka'ao mlkchl baksa indake su'ubee aganaha,  
"An'chingni pagitchamrang jekai Bong Lasker,  
Rangku Momln, una agre bang'a Mondolini  
krongrang, pamong aro proharekrang an'ching-  
ko wate re'angsoaha. Uamangni ja'mano an'-  
chinga nirikgipa gri gita ong'gen lne an'chinga  
chanchlachim. Indiba Isol an'chingko ntrikgipa  
gri ong'atjaha. Da'o je an'chingko nirikgipa  
gita dilaha, an'chinga uni jakni mesrang ong'e  
gamo, kattaو ku'rango aro pil'ak nengnikani sal  
ba somoio jajrengman'yachlm. Indiba da'o Gitel-  
tang uko An'tangni ka'bakona rimangaha. Uni  
glimn an'chingba hai uni NISHAN-ko ja'rikna".  
Uni ja'mano Pa Modhunath K. Sangma uni jang-  
gi tangani glmin segipako poralataha aro Pamong  
an'tangan Isolo bi'aha.

Uni ja'mano uni mlkkangko bon'kame nirik-  
na cholko on'e gilja nokningo donggiparangna  
agreba chakjao a'palo chadenggiparangba nirik-  
tokaha.

Darangan nirika matchotman'o Pa Gongsin  
Marakni coffinko gopramona ra'bae tariglimn  
cementni gopramo uko donna skang uni  
tuchakgipa pitol silni palangko gopram a'kolo

donatchengesa uni kosako bakosko done, uni  
 kosako dokta ritthagipako plndape bon'kame git  
 ring'e aro bi'anko dake uko uni ka'sagipa jikgipa  
 aro derangni jakchi a'kinterangko pu'enchengate  
 depanterangchi kodalko ra'e a'ako dapchengate,  
 jlmaba, panterang aro me'aparang, matchete  
 gopaha.









---

Printed at the Narayan Press, Tura.